

نیچون مغلوب اولدو؟

۷۸ - ۱۸۷۷

سخت‌انلی - روس شیفری

اور و باجرتند کی مرطات

بر عمومی خریطه ایله درت قروکی نی حاویدر

مؤلفی:

مکتب حربیه تاریخ معلمی ممتاز یوزباشی

محمد خاوصی

باب عالی جاده سنده — سنجا قیان مطبعه سی

۱۳۲۶

مندرجات

صفحہ

مدخل ۸

اوروپا جہتندہ کی حرکات

۱ — حربك باشلانغجی

۱۷		وضعیت عمومیہ واسباب حرب
۲۴		طرفینك قوتلری } عثمانلی
۲۶		روس }
۳۲		طرفینك پلانلری } عثمانلی
۳۵		روس }
۳۷		حرکات ابتدائیه
۴۱		طونہ نەنك روسلر طرفندن مروری

هر حق محفوظدر

۲ — طونه پکيلدکن پلونه نك سقوطنه قدر .

صحيفه

۱ نجی دور: تموز ظرفنده کی حرکات سوق الجیشیه ۴۹

مرکز غروبناک حرکات سوق الجیشیه سی (غورقو)

۵۱ بوکا قارشی بالقانلرده بولان عثمانلی قطعاتنک مقابله لری

صول جناح غروبناک حرکات سوق الجیشیه سی (چاره ویچ)

۵۶ بوکا قارشی قلاع اربعه اردوسنک صورت حرکتی .

صاغ جناح غروبناک حرکات سوق الجیشیه سی (قرودر)

بوکا قارشی نیکبولی محافظیننک و عثمان پاشا قولنک

۶۴ صورت حرکتلری

۶۷ نیکبولی محاربه سی

۷۱ برنجی پلونه »

۷۹ ایکنجی » »

۲ نجی دور: آگستوس و ایلول آیلرنده اجرا ایدیلن

حرکات سوق الجیشیه

طرفینک یکی پلانلری . } روس ۸۳
عثمانلی ۸۵

۹۱ بالقانلرده کی حرکات

۹۲ لوم اوزرنده کی »

۱۰۱ پلونه اطرافنده کی حرکات

۱۰۳ اوچنجی پلونه محاربه سی

۳ نجی دور: ۱۵ ایلولدن ۱۰ کانون اوله قدر: پلونه نك احاطه سی

۱۱۲ پلونه نك احاطه و تسلیم اولمه سی

۳ — روسلرک استانبوله دوغری یوروشلری

۱۱۴ استانبوله یوروش

۱۲۰ معاهده صلحیه نك مواد اساسیه سی

خریطة و قروکیلر :

آوروپا جهتنده کی دارالحرب خریطه سی .

شرقی بلغارستان قروکیسی .

بالقان یکیدلری قروکیسی .

» پلونه جوارى

» وسطی بلغارستان



ایکڻ بوکون استانبولک برنجی قوناغی اولان ادرنه قدر اینمش بولنیور! نصل اونوتهلم که آیستفانوسده روسارک خاطره ظفري قلبکاهمزده خنجر کبی صاپلانمش بولنیور! بونک بردها تکررینه میدان ویرمه مک بزه ترتب ایدن اک مقدس بر وظیفه در. بز یالکز اجداد اعظامزک موفقیاتیه افتخار ایدهرک مغرور اولیهلم، بلکه اونارک اولادی اولدیغیزی جهان طایتیدیرمق ایچون کچن حربده کی مغلوبیتلریمزی دوشونهلم، صوک درجه فداکارانه اولهرق اواسباب مضره مک دفعنه چالیشهلم.

تاریخ بزه ارانه ایدیور که، اکثریا غالبیتی بر مغلوبیت تعقیب ایدیور؟ یالکز اسلافزک موفقیاتیه افتخار ایدر و مغرور اولورسه ق خطالریمزی کوره مهیز، دشمنلریمزی ده کوچک کوررز؛ بو ایسه پک تهلکه لی بر آلدانیشدر. اسلافزله افتخاری افراد عسکریه بر اقهرق اردوی اصلاحه و حربه حاضرلامغه مأمور اولان بز ضابطان، کچن حربده یایدیغمز خطالری تعمیره حصر وجود اتمه لی ز. وارسون افراد عسکریه مک قغوشلرنده غالبیت لوحه لری تعلیق ایدلسون. فقط ضابطان و بیوک قوماندانلرک اوطه لرنده کچمش حربده کی مغلوبیت لوحه لری دائماً جسم عبرت و انتباهمزه قارشى تعلیق ایدلسون ده لسان حالیه «باق! شو حال پریشانه سبب اولان خطالری اصلاح ایتزسه کز

مرفل

پک شانلی بر ماضیه، خلقتاً عسکر یارادیش بر ملته مالک اولدیغمز حالد ۳۳ سنه اول روسلره نیچون مغلوب اولدق؟ نه کبی اسباب تأثیراتیه اردولریمز پریشان اولهرق دشمن، اسلامیت و عثمانلیغک قلبکاهی اولان استانبوله قدر کله بیلدی؟ شبهه سز بو سوالر هر حمیتلی عثمانلینک قلبنده بیوک جریحه لر آچار. اوت او حرب، عثمانلیغک موجودیتی افنا ایتک ایچون بزه قارشى توجیه ایدیش او ضربه هیچ بر وقتده اونودوله مز، اونوتولورسه اسباب مغلوبیتمزی تعمیر ایدهمیه جکمزدن ایکنجی و ده بیوک بر مغلوبیت باش کوستره بیلور! ۳۳ سنه اول حدودیمز طونه نه ری

ینه بویله اولوزسکر ! « دیسون ! بر اردو ماضیسندن مغرور
اوله رق دکل، انجق تاریخ حربنده کی خطاری تعمیر ایده رک تکمل
ایدر ! بر حربده غالب کلسه ک بیه، اجرا ایتدیکمز ایی حرکاته
افتخار جائ اولسه کرک؛ او ایی حرکات هر وقت ایدر، ایش،
غالبیت شعله سی ایچنده کوزلر قاشیق ایکن پک کوزه چارپیمان فنا
حرکتلری کوروب تعمیر ایتدیکه در ! اکر بو صورتله حرکت
ایدلرسه، حربدن ضکره آرتق پایله جق ایش یوقش کی برغور
و مساحه نتیجه سنده وقوعه کله جک دیگر بر حربده مغلویت
محقدر !

فی الحقیقه حرب، وقت صلحه قازانیلور. اولکی حربده
یامش اولدینی خطاری تعمیر ایش اولان بر اردو حربی قازانمش
دیمکدر و هر ایکی طرف اردولرینک قدرت ماده و معنویه لرینی ایی
تدقیق و تتبع ایش اولان مقتدر عسکرلر اکثریا حربدن اول
هانکی طرفک قازانه جغنی کسدریمیلورلر ! ایشته بو سبدن طولانی
حربه حاضرلانیچون اولاکچن حربده پایلان خطاری واونلری
تعمیر ایتک شرطدر و انجق بو خطاری بیلن و بونلرک تعمیر
اولندیغنی کورن ضابطان، یالکر اسلافنک موفقیاتیه افتخار
ایتمکله هیچ بر وقتیه متحسس اوله میه جنی، غایت متین برحس
اعتماد و جسارتله و بیوک بر قوه معنویه ایله حربی اجرا ایدرلر !

بو خطاری بزه کیم ارائه ایده جک؟ تاریخ حرب ! حقیقت،
سکن عثمانی - روس سفرینک تاریخ حربی، اردومزک مظفریات
آیه سی ووطنک مقدراتی ایچون نه مهم بر رهبردر ! اوت،
مغلویت ماضیه مزک بر آینه سی اولدیغندن محتاج اولدیغمز انتباه
درسارینک مجمیدر !

شمدی ده تاریخ حربک نه صورتله وجوده کلدیکنی مطالعه
ایده لم :

بر اردو حربدن اول نه حالده ایسه حربده اوندن بکلنه جک
قدرت واستطاعت ینه اودر . اردونک حربه حاضرلانییه و حربه
سوقی وظیفه سی ایسه طوغریدن طوغرییه ارکان حربیه عمومیه یه
مودوعدر . حرب ختام بولقله بو وظیفه یتمز؛ بو حربدن استحصال
ایدیلن تجاربه نظراً اردونی اصلاح ایتک وظیفه مهمه سی باشلار.
یوقاریده ده عرض ایتدیکم وجهله بویکنجی وظیفه ده اساساً تاریخ
حرب رهبرینه نظراً اولور . او حالده ارکان حربیه حربده ویریلن
بتون اوامری و قوماندانلرک قرارلری، قوماندانلره کلن راپور
و تقریرلری جمع ایده رک، بواساسلره نظراً تدقیقاته باشلار . و بونک
نتیجه سنده ارتکاب اولنان خطاری میدان چیقاریر و رسمی بر اثر
حالنده بونی اردویه نشر ایدر . ایشته بواثره نظراً ارکان حربیه
عمومیه باشده اولق اوزره، بتون قوماندانلر و ضابطان خطاری

تعمیر ایله اشتغال ایدرلر . کوریلورکه اردو چالیشیور ، فقط رهبری کنندی تاریخ حربی ! او حالده مکمل بر تاریخ حربیه مالک اولان براردو روح مظفریته مالک اولور ؛ چونکه او تاریخ حربی وجوده کترین ارکان حربیه هیئی کچن حربده پایسلان خطالری آییجه تشریح ایدمک بر حالده اولدقدن صکره اردو وملت امین اولورکه او ارکان حربیه بونواقصی صلحده اکال ایدمک حربده اسلافنک خطالری تکرار ایتیه جکر ! مثلاً ارکان حربیه تاریخ حربنده کی تدقیقاتنده : کچن حربک باشلوجه مغلوبیتنک اسبابی قوماندانلرک و ارکان حربلرک اقتدار سزلنی و بونلرک اوروبانک مترقی اردولرنده کی اصول مستحسنه کوره یتشدیریلیمش بولندینی ولوازم و نقلیهنک و وسائط مخبره و فیهنک فقدانی ایدی دیدکن صکره ممکن اولورمی که وقت صلحده بونلری اصلاح و اکال ایتمه سون ! بناءً علیه دیه بیلورم که بر اردونک تاریخ حربی او اردونک آینه استطاعت و قدرتیدر ، چونکه او تاریخ حرب اردونک روحی اولان ارکان حربیه سنک میزان اقتداریدر . نتیجه براردونک قدرت و قوتی تاریخ حربنک تدقیقندن میدان چیقار ، ینه دیه بیلورم که براردونک تاریخ حربی اواردونک ارکان حربیه سنک اردوده تطبیق ایدمکی اصلاحاتک براساس پروغرامیدر . ارکان حربیه بوتاریخ حربی اردویه نشر

ایتمکله اردویی اصلاحه مقتدر اولدیغنی واردونک نواقصنک نهلردن عبارت بولندیغنی بیلدیکنی ضابطانه کوسترمش وبوصورتله بتون ضابطانک بو خطالری تصحیح ایچون آل برلکیله چالیشمه سنی طلب ایتمش بولنور .

مع التأسف عثمانلی - روس حربی حقنده بزم تاریخ حربیمز یوق ! تحریر ایدیلیمه مسنه سبب ایسه بو حربده قوماندانلرک و یردکلری امرلر ، اتخاذ ایتدکلری قرارلر ، راپور و تقریرلر وسائرهنک کاملاً موجود اولمه مسیدر ! فقط موجودنه وارسه اونلری اساس طوته رق یازمق الزم ایدی ؛ چونکه مطلوب اولان شی او حربک خطالری میدان چیقارمق اولدیغندن بعض وثائق بولنه مدیغنی تاریخ حربده ذکر ایتک ده ایکنجی بر حربده بو خطایی یامامق ایچون بر تنبیه اولوردی . اجنبی اردولرنده عثمانلی - روس حربی ایچون یوزلرجه اثرلر یازیلورده بزم اردومزده بوکا دائر رسمی بر تاریخ حربیمز نیچون بولنمه سون ؟ فی الواقع دوراستبداده بلکه ارکان حربیه عمومیه بعض اسبابدن طولانی موفق اوله مدی ، فقط امید ایدیلورکه مشروطیت ارکان حربیه سی حر بر قلمله تاریخ حربیمز وجوده کتیره جکدر . اوت بر حربده مغلوب اولنورسه اردویه بو مغلوبیتلری تلافی ایتدره جک هیچ اولمزسه بر سلاح ترک ایتک ایجاب ایدر ، اوده تاریخ حربیدر . مادامکه تاریخ حربک اساسلری قوماندانلرک ویر-

دکلمی امرلر ، اتخاذ ایتدکلمی قرارلر وکوندیلن تقریر و خبرلر
واجرا ایدیلن حرکاتدر ، اوحالده برحربده امر و قوماندانی ، درعهده
ایدن آمرلرک مهم بروطفهسی دها واردرکه اوده بتون الدینی
وکوندردیکی امر و راپور و تقریرلری و اتخاذ ایتدیکی قرارلری و اجرا
ایتدیکی حرکاتی و احواله دائر اولان مشاهداتی کونی کونه ساعتی
ساعتنه منتظماً ضبط وقید ایتمهسیدر ، چونکه تاریخ حرب هر
رتبهده بولنان آمرلرک طوتهجفی حرب جریدهلرینک هیئت مجموعه
سنه نظراً تحریر ایدیله جکدر . بوسبیدن قوماندانلر منتظم حرب
جریدهلری طومقله وطنه براسقبال مظفرتی احضار ایتمش اولورلر
کوکل ارزو ایتزمی ایدی که بو حربده قید و ضبط ایدلش
حرب جریدهلرینه مالک اولهلم ، مثلاً برفرقه نک ، برطابورک حربک
مبدأندن منتها سنه قدر الدینی امرلری ، راپورلری اتخاذ ایتدیکی
حرکات و سائرینی مطالعه ایتک بزه نه قدر فائده ویرردی . طبیعی
بزده اوفرکه ویا طابورله برابر حربده بولنیورمشز کی تجربه صاحبی
اولزمی ایدک ؟

عزیز قرداشلر ! استقبالده اردومزک موفقیتانی تأمین
و خلفلریمز اوله جق ضابطانه قوتلی بر اردو قدر قیمتلی بر یادکار
براقق ایسترسه کز حربده حرب جریدهلرینی منتظم صورتده طوتک !
بوکا اعتیاد ایتک ایچون هر کون قطعه کزله نه حرکت یاپارسه کز بهمه

حال طابورده بردفتره قید ایدک . بر آلایک طوتهجفی بویله بر دفتر
او آلایک الک قیمتلی تاریخی اولور ؛ عجباً بزده هیچ بر آلای ویا
هیچ بر طابور بویله بر تاریخه مالکمیدر ؟ مانوره لرده بهمه حال هر
حرکت هر امر و تقریری قطعه نک رسمی دفترینه قید ایدک . دها
پک یقین زمانده قازانديغمز یونان سفری و استانبوله قارشی
اولدجه بیوک بر قوت ایله اجرا ایتدیکمز حرکت اردوسنک حرکات
سوق الحیشیه و تعبیه ویهسی عجباً اردومز ایچون و او طابورلرده
تربیه کوره جک افراد ایچون اهمیتسزمیدر ، عجباً ارکان حربیه
عمومیهده بو حرکاته اشتراک ایدن قطعاتک هپسنک اجرا ایتدیکی حرکاته
و ویریلن او امره دائر کونی کونه و ساعتی ساعتنه رسمی معلوماته
تصادف اولنه ییلورمی ؟

واقعا بزچکن حربده منتظماً حرب جریدهلری طومقدق و شمدی بر
تاریخ حربمزه یوق ؛ فقط اجرا ایتدیکمز بو حرب ، وقوعه کان خطا-
لریمز تعمیر ایتک نقطه نظرندن بزم ایچون صوک درجه مهم اوانقله
برابر دیگر دول عسکریه ایچونده براعمیتی حائزدر ، چونکه اونلر
ایچون بیوک بر تجربه ساحه سیدر . بوسبیدن اونلر بو حربک تدقیقنده
بزم کی ییانجی طورمه دیلر ، تدقیق ایتدیلر والا نده تدقیق ایتکده
درلر . یالکز پلونه موقی ، حربدن بوکونه قدر یوزلرجه مقتدر
محرر عسکرینک درسخانه تدقیق اولمشدر ! هر لسانده بو حربده دائر

یوزلرجه اثرلر یازیلدی، روسلر رسمی تاریخ حربلرینی نشر ایتدیلر، المانلر بونی همان لسانلرینه ترجمه ایدهرک برچوق تدقیقاتله نشر ایتدیلر. کچن سنه برمدت ارکان حرب نامزد صنفلرینه عثمانلی - روس حربی تدریس ایتدیکم کبی بوسنده مکتب حربیه تاریخ حرب معلمی بولسورم. وظیفهم اقتضاسی طلبه نك تأمین استفاده سی ایچون عثمانلی - روس حربی حقنده بر اثر یازمغه مجبور اولدم. کرک حربیه افندیلرینک استفاده سی و کرک اردو ضابطانک کچن حرب حقنده بر فکر اساسی ایدیمه لرینی تأمین ایتمک ایچون اثرک اجمالی و فقط بتون حرکات سوق الحیشه یی و خطالری می آچیقجه تشریح ایدهرک صورتده اولمه سی ایجاب ایدیور، بو طرزده بر اثر شمدی به قدر کیمسه طرفندن یازیلله - دیغندن اردویه بو خصوصده بر خدمت ایتمک املیه برچوق تبعات نتیجه سنده شو اثری یازمغه جرأت ایتدم.

باشلوجه مأخذلرم روس ارکان حربیه سنک رسماً نشر ایتدیکی تاریخ حربک جنرال قرامر طرفندن المانجه ترجمه و تنقیداتی، قرامر طرفندن قرو پاتکینک اثرینک ترجمه سی، فرانسه ترجمه شرق حربی نام اثر، رومانینک فرانسه ترجمه اثری و سائر مهم اثار در.

مؤلف

۱۸۷۷ - ۷۸

اوروپا جریته کی حرکات

۱. حربک باشلانغی

وضعیت عمومی و اسباب حرب. عثمانلیرله روسلر ارسنده وقوعه کان برچوق حربلرک سبب حقیقی سی روسلرک عثمانلیرلر اوروپادن آتوب بونلرک یرینه قائم اولغی هدف و مقصد اتحاد ایدنمش اولسیدر. بومقصدک تأمین ایچون روسلر هر فرصتدن استفاده ایدرک ممالک عثمانیه ده بولنان خرسیتانلرک و بالخاصه اسلاولرک حمایه سی ایچون دولت علیه نك سیاست داخله سنه مداخله ایتمکی وظیفه عد ایدنمشاردی. علی الخصوص دلی پترو زمانندن اعتباراً روس چارلری بو صورتله حرکتله ممالک عثمانیه نك پایتختی و نااختاری متابه سنده بولنان استانبوله طوغری ایلریله دیلر.

قریم حربی روسیه یی تماماً مقصدینه نائل ایدهمدی ۱۸۵۶ ده امضا ایدیان پارس معاهده سی روسیه نك بحر سیاهده حرب کیسی

بولنديرماسنى منع ايتدى . فقط ۱۸۷۱ دە فرانسه نك مغلوبيتندن روسيه ده استفاده ايدرك قوللارنى باغلاليان بو ماده نك حذفى طلب ايتدى . بو صورتله ۱۸۷۱ دە امضا ايدىان لوندره معاهده سياه مقصدينه نائل اولدى .

۱۸۷۵ دە بوسنه و هر سك ولايتلى خريستيانلىرى ، هروقت بايقلىرى كى خوشلارينه كيشمين وركولرى بهانه ايدرك عصيان ايتديار . كيزليجه روسيه طرفندن احضار ايدلش اولان بو عصيان تدريجاً توسع ايتدى : ۱۸۷۶ دە بلغارلار ده عصيان ايتديار ؛ صرب و قره طاغليلار ده متبوعارينه قارشو اعلان حرب ايتديار . چار صرب اردوسى ايچون عسكرلر كوكالى يازىلماسه مساعده ايتدى حتى بونلرك باشنه جنرال چرنايف نامنده برى ده قوماندان تعيين ايتدى .

بوتون بو تشبثاته قارشو دولت عليه پك قوتلى صورتده حركت ايتدى . استانبوله ائ يقين بولسان بلغار عصيانك صوك درجه شدتلى صورتده جزاسنى وىردى . صرب اردوسى ده ليغراد و آلكسناجده ازدى .

اولجه ال آلتندن ايش كورن روسيه بونك اوزرينه دها طوغريدن طوغرى به مداخله ايتدى ، همان اعلان حرب ايدى جكي بيانيله دولت عليه ي تهديد تهبت ايتدى ، دولت عليه نك تابى اولان خريستيانلرك آرزوسى وجه ايله تنسيقات ياپيلمه سى خصوصنده آمرانه بر طرزده اصرار ايتدى ، و تهديداتنه قوت وىرمك ايچون

اردوسنك بر قسمنى سفربر ايتدى . بو ائشاده دولت عليه اردو - لرنيك بلغارستانى و صرب اردوسى ازمه سى بتون اوروباده و بالخاصه روسيه ده عمومى بر هيچان اويانلردى . بونك اوزرينه انكلتره قاينيه سى بتون آوروپا دولتلرى نامنه استانبولده كى سفىرى واسطه سياه دولت عليه به ، صربيه قارشو اجرا ايدىان حركات حربيه به نهايت وىرلسنى ، بلغارستان و بوسنه - هر سك ولايتارينه امتياز وىرلسنى طلب ايتدى . دولت عليه بو آرزولرى اجرا ايتدى و انحق صربستانله (۱۸۷۶) تشرىن ئاينسندى) بر متاركه و (۱۸۷۷) شباطنده ده) مصالحه عقد ايتدى .

دولت عليه نك استناد ايتدى كى نقطه ، كركينك زياده سياه ارتمحق اولورسه اوروپا دول معظمه سنك دولت عليه به قارشو اجرا ايدى جكلرى جبر و تضيقده اتفاق ايدى ميه جكلرينك صدراعظم مدحت پاشا حضرتلى طرفندن دوشونلش اولمىدر ؛ بو سببدن مدحت پاشا اوروپانك پروگرامنى عدم اجرا ده اصرار ايدىوردى . بونك اوزرينه روسيه چارى دول معظمه به دولت عليه تكليفك اجراسنده تعند ايتدى كى تقديرده روسيه نك بلغارستانى ، اوستريانك ده بوسنه و هر سكى اشغال ايتمى و بتون دولتلرك دونمالمزدن مركب متحد بر فيلونك ده استانبوله كيدىرك نمايش پاماسنى تكليف ايتدى . فى الواقع بو تكليفه انكلتره و آوستريا حكومتلى اعتراض ايتديار . بوسورتله اوروپا دول غربيه سياه روسيه نك سياست شريفه ده عيى يلانى تعقيب ايدى ميه جكلرى ظاهر اولدى . بونك اوزرينه هر دوات

کندی نقطه نظریه کوره آری آری حرکت باشلادیار . روسیه ایسه مشکل بر وضعیت دوشمکه برابر هپسندن زیاده کندنی بالفان اصلاحاتنده مدخلدار عد ایدرک باب عالی نی تضیق ایدیوردی . نهایت روسیه نك تأثیریه (دول معظمه نك هر برینك اعضا زندن مرکب) تنسیقات داخلیه مسئله سنه قرار ویرمک ایچون (۱۸۷۶) کانون اولنده) استانبولده بر قونفرانس عقد اولندی .

دولت علیه هر شیئه موافقت ایتدی : وحتى ممالک عثمانیه ده رسماً مشروطیتی وممالک عثمانیه نك هر یرنده آیین مذهبییه نك سر - بستیسنی اعلان ایتدی . فقط روسیه بونارله طبیعی اکتفا ایتیه رك مقصد اصلیسنی میدانه قویدی : روسیه ، عصیان ایدن ولایاته امتیاز ویرلسنی ، اجنبیلردن مرکب بر ژاندارمه هیئت نك تشکیلی ، دولت علیه اداره سنی قوتنترول ایتک اوزره اوروبالیلردن مرکب بر قومیسسیونك دولت علیه ده اجرای وظیفه به باشلامسنی الح طلب ایتدی . حقوق حکمرانی و استقلالیت دولیه به قطعاً مخالف اولان شومطالعائی باب عالی کمال شدتله رد ایتدی . وروسیه نك حربه حاضر اسنه قارشیه ده حربه حاضر لقمه له مقابله ایتدی . اوروپا ، روسیه نك ارزو ایتمکه اولدینی بر حربك اوکی آلق ایتدیوردی . بوسیدن تکرار مداخله به مجبور اولدی ؛ لوندرده ده (۱۸۷۷) مارتنده) ایکنجی بر قونفرانس ده عقد اولندی . بوده برنجیسی کبی نتیجه سز قالدی . روسیه مذاکره به دوام ایده بیلمک ایچون اول امرده دولت علیه نك طوپلا - دینی عسکری طاغتمه سنی طلب ایدیوردی ؛ انکله ره استناد ایدن

دولت علیه ده مقابلتاً عین زمانده روسیه نك عسکری طاغتمه سنی طلب ایتدی . آرتق آرده اشلاف حصولی غیر ممکن برحاله کیرمشدی . لکن دولت علیه به قارشیه عمومی بر حرکتده چارک طرز حرکتی تعقیب ایتمکه اوروپا دولتلری آچیقجه مخالفت ایتدیار ، وحتى انکله ره آچیقندن آچیغه قوای بحریه سنی روسیه به قارشیه تسلیح و احضاره باشلادی .

روسیه ارزولرینك اجرا ایدلمدیکنی اکلا بنجه ۱۸۷۷ سنه سی ۲۴ نیساننده دولت علیه به اعلان حرب ایتدی . فقط یالکزدولت علیه ده دکل بتون اوروپا ده ده عین کونده روسیه به قارشیه برخصومت باشلایوردی .

چار ۱۰ نیسانده رومانیا پرنسلیکله یاپدینی کیزلی بر معاهده ایله حرکات سوق الحیشیه سنی تأمین ایتش ایدی . دولت علیه به تابع بر پرنسک اولان رومانیا اوچ بیوک حکومتک آره سنده دائماً ازیلمکه محکوم اولدیغندن بو مشکل وضعیتدن قورتیامق ایچون روسیه نك قوجاغنه آتیلدی . و روسیه اردوسنك کندی مملکتی داخلندن کچمسنه و مملکتی داخلنده بولنان کافه وسائطدن استفاده ایتمسنه مساعده ایتدی . بالاخره دولت علیه طرفندن ، روسیه استیلاسنه قارشیه برلکده حرکت ایتک خصوصنده پرنس شارله ایدیلان تکلیفه قارشیه پرنس ، هانکی طرف ده قوتلی ایسه او طرفه کچه جکی ییلدیردی . و درحال اردوسنی سفر بر ایتدی ورومانیانك استقلالیتنی اعلان ایتدی .

روسیه‌نك رومانیایی كچهرك جنوبه ، استانبوله دوغری ایتمی صاعده بولنان اوستریا اردوسنك قارشوسنده پك تهلکلی ایدی . حرب ائاسنده اوستریا اردوسنك روسیه‌نك یان وکیرلرینه تجاوزله کجهسی حالنده روسیه اردوسی محاوله بیلوردی . بوسیدن روسیه ده اولجه اوستریا ایله اویشمغه مجبور اولدی و فی الحقیقه اولجه کیزلی بر معاهده ایله اوستریانك بیطرفلغنی تأمین ایتدی . بوکا قارشو روسیه اوستریایی نه وقت ایسترسه بوسنه هر سگک اشغالنده سربست بر اقیوردی ، بو خصوصده کی خفی معاهده ۱۸۷۷ سنهسی کانون ثانیسنك ۲۷ سنده امضا ایدلدی .

تقدیرات : بالقان شبه جزیره‌سنده روسیه‌نك صاحب نفوذ اولسی و دولت عالییه قارشو غالبیت قازانمسی اوستریانك منافع سیاسی و تجاریه‌سنه طبان طبانہ ضد بولندیغدن روسیه‌یه قارشو اوستریا ایله خفی بر اتفاق عقد ایدمالی ایدی . طبیعی بو حالده روسیه‌نك رومانیایی كچهرك یاننده بویوک بر اردو ترك ایله اوزون بر خط الحركات تعقیب ایتمهسی غیر ممکن اولوردی . شبه‌سز هر ایکی طرفه منافع متقابلہ تأمین ایدلمدکجه اتفاق ممکن دکدر . بو ایسه بالاخره دوچار اوله جغیمز فلاکتله نظرآ طبیعی ده اهاون اولوردی ، نته کیم روسیه‌ده بزدن اول و بزدن فعال بر سیاست تعقیب ایدرك بوشرائط داخلنده اوستریانك بیطرفلغنی استحصال ایتدی .

رومانیا پرنسلیکی ایسه بزم تابعمز اولمغه برابر شبه‌سز نه طرفی قوتلی کورورسه استقبالنك تأمین ایچون او طرفك قوجاغنه

آیلمغه مجبور در . حتی بیطرفلغنی محافظه قرار ویرسه بیله ایکی طرفدن برینك تجاوزی حالنده مجبوراً تجاوز ایدن طرفه بویون اکجکدر . بو حقایق نظر دفته آلنهرق سفر پلانغی روسیه‌دن اول رومانیایی اشتغال ایدرك فوقشانی - قلاس خطنی طوتمق اساسی اوزرینه ترتیب ایتلی ایدی . اردونك حالته نظرآ بوخطك روسیه‌دن اول طوتمه‌سنك غیر ممکن اولدینی ویا شبه‌لی بولندیغی ارکان حربیه عمومیه ریاستجه تحقق ایتدیکی تقدیرده یه اولجه رومانیایله منافع متقابلہ اساسی اوزرینه مؤسس (رومانیایه استقلالیت وعدی) بر خفی معاهده ایله رومانیانك بزه التحاقی تأمین ایدمالی ایدی .

شو نقاط مهمه بزه کوستریورکه بر حربك وقوعندن اول حربك لہمزده نتیجه‌لیمی ایچون استحضارات سیاسییه‌ده بولنمق الزمدر . بو استحضارات‌ده ارکان حربیه عمومیه‌نك تدقیقاتنك نتیجه‌سنده میدانہ چیقار ووضیعت حقنده خارجیه ناظرینه معلومات ویریلرک او دخی هدف مستقبلک تأمین ایچون چالشیر . وقت حضرده ارکان حربیه عمومیه رئیسله خارجیه ناظرینك وظائف سیاسیهلری و بو خصوصده مشترکاً نه صورتله چالشمهلری ایجاب ایتدیکنی شو مختصر تدقیقات اراءیه کافیدر .

طرفینك قوتلری

دولت علیه نك قوتی. ایکی سنه لك حرب عثمانلی اردولرینك اقتدار عسکر یسی آرتدرمش ایدی و بو حربلرده عثمانلی اردولری صوك زمانك تعبیه سنه دائر اولدجه متعدد تجربه لده ایدنملردی . تدریجی بر صورتده عثمانلیر ۱۸۷۷ نیساننه قدر ۵۰۰۰۰۰۰ کشیك قوت (بو قوت ۵۸۰ پیاده طابوری ، ۶۴۷ سوار ی بلوکی ، ۱۴۲ بطریه ایله کوكالی قطعه سنندن عبارت ایدی . قطعات منتظمه یكونی ۴۰۶۰۰۰ قدر ایدی) سفر بر ایده یلمشلردی . بو قوتلردن انجق ۲۹۰ بیکی اوروپا طرفنده بولنیور ایدی . لکن بر چوق مفرزلر ، بوسنه هر سك عصیان ی باصدمق اوزره افراز اولندقلری کبی بر چوق قطعاتده یونان و صرب حدودلرنده و اختلال حالنده بولنان ولایتلرده بولنیورلردی . (اشبو مفرز قطعاتك عمومی ۹۰۰۰۰) که بالغ اولور . بو سبیدن اوروپا طرفنده روسیه یه قارش ی محاصره نك بدایتنده عبدالکریم پاشا قومانداسنده ۱۹۰۰۰۰ محارب بولنیور و بونك ۱۲۰۰۰ بیکی سوار ی ایدی . بو اردو ۳۶۰ طویه مالکدی . بوده باشلوجه ایکی غروب ه انقسام ایتمش بولنیور دی :

۱ - شرقده قلاع اربعه اردوسی ؛ موجودی ۱۰۰۰۰۰۰ محارب ۳۳۰ طوب ، طوغریدن طوغری یه باش قوماندانك نحت قومانداسنده ، بونك ۹۶۰۰ ی دور یجده بابا طاغ منطقه سنده .

۲ - غربده ویدین اردوسی ۵۳۰۰۰ محارب و ۱۰۰۰ طوب ، عثمان پاشا قومانداسنده .

بو قوتلردن ماعدا نیش صوفیه و بالقان کچیدلرنده واستانبولده طاغینق صورتده بولنان قوتلرینك مجموعی ۲۵۰۰۰ محارب ۳۰ طوب . اردولریمزك تشکیلاتی او قدر ای دکل ایدی . فقط فرقه تشکیلاتی موجود ایدی . ارکان حربیه ایش کوره جك اقتدارده دکل ایدی ، قوماندانلر عمومیتله عاقل ایدیلر . هیچ امر ویرمز لردی . اداره تشکیلاتی هیچ موجود دکل ایدی . بونك یالکز اسمی واردی ؛ قطعات نه معاش نه ده ارزاق آلییورلردی ، انجق غایت اکسك بر صورتده بولندقلری یلردن تدارك ایده یلمک لریله اکتنا ایدیورلردی . سوقیات آنجق جیبه خانه نقلنه منحصر قالمشدی .

پیاده و طوپچی عسکری صوك درجه آیی ایدی . آخلق ، صوسزلغه قانلایر ، یورغونلقلره فوق العاده متحمل ایدی . نظامیه سوار یاری بیله هیچ بر ایشه یاراماز بر حالده ایدی ، بونلر حیوانله حرکتیه بیله غیر مقتدر ایدیلر . باشی بوزوق کوكلی سوار یلری ایسه بسبتون فنا ایدی . ضابطان ، حتی ارکان حرب ضابطانی ده ، صنعتلرینه دائر هیچ بر معلوماتلری یوقدی .

پیاده نك تسلیحاتی مختلف ایدی . فقط الله کی سلاحلر الك ایی سلاح ایدی ، پیاده نك یاریسی پپودی و یاریسی ده شنایدر مارتی ایله تسلیح ایداشدی . پك جزئی مقدارده و یخستر تفنکی واردی . بونلرک هپی روس تفنکرینه نسبتله دها بیوک بر منزله مالکدی

۳. احتیاط ، اوچ قول اردودن مرکب اولوب سریعاً اردوی اصلیہ التحاق ایدہ جکدر . قوتی تخمیناً ۱۱۰،۰۰۰ محارب و ۳۲۰ طویدر .

اوروپادہ جمعاً ۳۵۰۰۰۰۰ محارب و ۱۱۰۰ عدد طوپ
موجوددر .

قول اردولر وسطى ۳۵۰۰۰۰ موجودنده اولوب تشكىلاتى
مروجہ آتيدر .

پیادہ ، ایک فرقه ، ہر فرقه ایک لوا ، ہر لوا ایک آلائی ؛
آلائی اوج طابورلی ، ہر طابور بش بلوک ؛

۲. سواری ، درت الیلی برفرقه ، هرآلای درت بلوک ؛

۳. هر يياده فرقه سنده التي بطاريه لي بر لوا، هر بطريه

سکڑ طوپ . ہر سواری فرقہ سندھ ایک بیٹاریہ لی برلوا ، ہر بیٹاریہ

التي طوب . او حالدہ ہر بر قول اردودہ ۱۰۸ طوب بوانیوردی .

اردولر دہ کی سلاحر یکنسق دکادی . بیادہنک الندہ قرینقا و بردان

تفنگری واردی ، بونار عثمانی تفکرین اشاعی قیمتده ایدی ،

صحرا طویلیجسی مختلف چایده قروپ طویاریله تسلیح ایداش ایدی

وبونلرک قسم اعظمی او زمانه نظراً اسکی سیستم ایدی نتیجه روش

تفنك و طوپاری قیمت و منزلت عثمانلیار نكندن اشاغی ایدی.

روس سوارسی کثرتی و اولدجه ائی تربیه کورمش ایدی

وغورقو وسقوبلف کی جسور وکنج قوماندانلرک تحت قومانداسنه

ویراشیدی .

صحرا طویحیسی شہر و طویارنہ مالکدی . قطعات حیدخانہ

ارابه‌لری کافی دکل ایدی . دولت علیه نو اردوسندن ماعدا قره

دکترده روسیه دونماسنه يك فائق و مکمل ر فياويهده مالک ایدی .

حتی طونه اوزرنده بیه زرهلی مونتهورلردن مرکب انکلیز هوبارت

پاشا قومانداسنده بر کوچك فيلويه مالك ایدی .

روس قوتلری : روسار اول امرده ۱۸۷۶ سنه سی تشرین

ثانیسندہ الی قول اردوی سفربر اتمکہ باشلادیار و بو سفربر لک

بتون قیش دوام ایتدی. بونی متعاقب یروت و دینستر نهرلری

اره‌سنده اجرا ایتدکاری تجمم سوق الجیشی حرکاتی ، شمند و فرلرک

مەدرىتىدىن ، يوللار ك فئا و مەسافەنىڭ دە اوزون اولاسىدىن دولاي ،

بک اوزون سوردی و پک مشکلا نلی اولدی . اعلان حرب ایدلدیکی

آئندہ اور واپادہ حرکات سوق الحیشیہ اجرا سنہ تخصیص ایدیلن

فوتلر یکدیگرندن ایری اوچ غروپ حالنده بولنیورلردی .

۱. جنوب اردوسی، قوماندانی چارک برادری غراندوق

یہو لا: درت قول اردو و جنرال سقوبلفک محتلط قول اردوسی ،

۱۶۰۰۰۰۰۰

۳. قیامت کی آواز اچھا ہے۔ قیامت کی آواز

کے قہار اور دوزخ میں رکھنے والوں میں سے ہیں۔

۲۰. طوئدر . قمارگاه عمه می او ده سادہ .

جنرال سقوبلفك تحت قومانداسنده بولنان مختلط قول اردو « جنوب اردوسی كشائی » بر قازاق فرقه سی و بر یایا آوجی لوانسندن و بش بطریقه دن ترکیب ایدلش ایدی . بوكا جنوب اردوسنك چیهه و یانلرنده حرکت ایتك كبی غایت خصوصی بر وظیفه و دیگر سواری فرقه لرندن دها بیوك بر استقلالیت ویرلش ایدی .

تقدیمات : شوراده ضابطانك نظر دقتی مهم بر نقطه یه جاب ایتدن كچمكه كوكم راضی اولمادی . قوتلر مقایسه ایدیلهك اولورسه كورولوركه روسلرك تجاوز ایدهك اردوسی بووظیفهك ایفاسی ایچون پك آذر . روس اردوسی غایت اوزون بر خط الحركات اوزرنده ایلریله یهرك كندی مملكتی اولمیان رومانیا یی كچكدن صوكره كلوب طونه نه رینه طیانه حق ؛ طونه نه ری ایسه پك بیوك بر مانع طبیعی اولدینی جهته بونك اوزرندن عثمانلی اردوسی قارشینده دیگر طرفه كچمك و كچكدن صوكره ده تفوقی تأمین ایدنجیه قدر عثمانلی اردوسنه مقابله ایدرك طونه یه آتیلمه مق ایچون پك زیاده قوت و زمان صرفی ایجاب ایدهكدر . خصوصیه عثمانلیلر فوقشانی خطی اشغاله ویا رومانیا داخنده كی شمندوفر ، كوپری و تونلری اولجه تخریبه موفق اولدقاری حالدده روس اردو سنك وضعیتی بتون بتون كسب مشكلات ایدهكدر . اشبو مشكلاته رغماً روسلر طونه یی كچسه بیله یان وقارشیلرنده تازه بر اردویه و یانلرنده قلاع اربعه یه و ایلریده ده بالقانلره تصادف ایدهكدر كه بو وضعیته روس اردوسنك موفق اولماسی عثمانلیلره نسبتله ۲ : ۳

مثلی بر تفوقه مالك اولغه متوقفدر ، باخصوص روسلر بالقانلری كچكدن صوكره ده استانبوله یوروكم ایچون برحق مسافه قطعنه مجبوردرلركه بو حالدده روس اردوسی دها زیاده ضعیفیهكدر . حربك بدایتنده قوتلر بینده كی مقایسه ده عثمانلیلرك هر حالدده عدداً اشاغیده بولومسنه رغماً ، فائق بولندقاری و فعال بر عثمانلی اردوسنك هر وقت طونه یی تجاوزه تشبث ایدن و دها اشاغی صارقق ایستین بر روس اردوسنه قارشى غالبیت قازانسی اغلب احتمال اولدینی كوریلور . فقط بو خصوص قوای ماده یهك مقایسه سی نتیجه سیدر . برده اردونك قدرت معنویه سی تدقیق ایدلم . عثمانلی اردوسنك ضابطان وافرادی جسور ، آجلق خوسر . لغه ؛ مزاحم سفریه یه فوق العاده متحمل الارنده كی سلاحر مكمل ؛ فقط مع التأسف بونلر بر حربی قازانغه كفایت ایتزلر . بو كبی اوصاف و مزایایه وای سلاحه مالك قطعاتی ایجابنده حربك ایجاب ایتدیردیكى طرز و محلدده استخدام ایده بيلمك ایچون امر و قوماندایه مأمور قوماندان ، ارکان حربیه و ضابطانده اقتدار عسكری لازمدر . انحق اقتدار عسكری سایه سنده دشمنك ضعیف زمان و نقطه لرینی ، فرصتی فوت ایتندن ، اكلا یه رق در حال بو مهم آنلردن استفاده ایتمكه الله بولنان كوزل عسكزلردن استفاده اولنه بیلور .

و آنحق بو سایه ده مافوقلر معیارنده كی قطعاتی وقت حاضرده ایجابات حربیه نظر آیتشدره بیلور . عكسی حالدده نه تفوق عددی ، نه ای سلاح ونه ده وضعیت حربیهك مساعد اولسی فائده ویرمز .

او زمان عثمانی اردوسی ایسه اقتدار عسکرین محروم ایدی .
بالاده ذکر اولندینی وجهه قوماندانلر ، ارکان حربلر وضابطان
وظیفه لر بنک اهلی دکل ایدیلر . ثانیاً روس اردوسنک کچیره جکی اڤ
تهلکه لی بر آن وارسه اوده طونه نك مروری زمانیدر . او وقت
روس اردوسنک بر قسمی طونه یی او بر طرفه کچنجه اردو ایکی یه
آیریه جق و عثمانی اردوسی ایچون اڤ مهم فرصت ظهور ایده جکدر .
فقط بو آتی اکلا یوب روسلر بتون قوتلرینی کچیرمه وقت
بولمده ن نتیجه قطعیه یی استحصال ایتک ایچون تام زماننده حرکات
تعرضیه کچه بیلیمک ایسه قوماندانلر و ارکان حربلر اقتدارلی
و وظیفه لرینک اهلی اواسیله قابلدلر . عین زمانده عثمانی اردوسی
تجاوزه کچدیکی حالد بیه شو وضعیت کوستریور که تدافعی حرکت
ایده جک اولان اردوده دائماً ایجاب ایدن آن و محله در حال
تجمع ایده بیلیمه لیدر که نتیجه تأمین ایدیه بیلسون . بوده
اردونک کری خدماتنک پک منتظم اواسیله ممکندر . بالاده
کورولمشدر که عثمانی اردوسنک نقلیه تشکیلاتی پک نقصان ایدی .
کریسنده مکمل و منتظم بر نقلیه مالک اولمیان اردولر هیچ بر
وقتنده قولایجه تحریک ایدیه مر . چونکه یوز بیکلرجه انسان و
حیواندن مرکب اولان اردولر هیچ بروقتده مجتمع حالد بولندقلری
یرده کافی ارزاق بوله مالزلر . آچ اردوده حرکت ایده مر بو سببدن
بالاخره ترتب ایده جک وظائفی نظر دقته آلهرق وقت صلحه
اردولرک لوازم و نقلیه تشکیلاتی غایت مکمل اولهرق تماماً احضار

ایتمک او وقتک ارکان حربیه رئیسنک وظیفه اصلیه سی ایدی . بو
حربده مغلوب اولمه مزه سبب اولان بوجه بالا نقاط مهمه یی هر آن
کوز اوکنده طوته رق اوکا کوره چالیشمه مز اڤ مهم وظیفه مزدر .
مع التأسف اعتراف ایتلی یز که بو آچی درسلدن عبرت آلمه دیغمزدن
طولانی بو حربدن ۱۸ سنه صکره وقوعه کلن عثمانی - یونان حربی
ده عین نواقض ایچنده جریان ایتدی . فقط /چوق شکر که قارشو مزده کی
دشمن بزدن مکمل دکل ایدی ؛ بیکشهر اووه سننده کی هفتله لرحه
توقفلر مز هپ نقلیه سزلک یوزندن ایدی . فقط دائماً نظر دقتده
طو تمیلیدر که حربده نقلیه سزلک یوزندن بعضاً وقوعه کان توقف و
بطائتار بیوک بر فرصتک ضیاعنه ویا بیوک بر تهلکه نك ظهورینه
سبب اولهرق وطن ایچون فلاکتلر تولید ایده یلور !
اوت یالکیز جسور و متحمل افراد ایله ایش کوروله مز .
بر اردو انسانه تشبیه ایدیلورسه باش قوماندان قوه ارادیه ، ارکان
حربیه قوه مفکره ، معیت قوماندانلری وضابطان اعضای وجود ،
نفرلر وجود ، منزل و نقلیه تشکیلاتی ایسه قان طمارلری
ومعه در . بو قوتلرک بریمی نقصان اولونجه نصل بر انسان علیل
اولورسه اردوده بویلا در . قانسز جان اوله ماز .
بو حربده ایسه مقتدر باش قوماندانلره ، مکمل منزل و نقلیه
تشکیلاتیه مالک بولونمادیغمزدن اردومز روحسز و قانسز بر وجود
حالنده ایدی .
شونی سویله مده ن کچمک ایسته میورم نه قوماندانلر نه ده منزل

و نقلیه تشکیلاتی وقت حربده یوقدن وار ایدیلهمز . بونلر انجق وقت صحلده یتیشدیریلوب تجربه ایدیلور . آنجق او وقت کال امنیتله اردو حربه سوق ایدیلیر . عکسی حالده حربده مغاویت محقق اولدیغندن بونک مسؤلیت مادیه و معنویه سی او حربک باش قوماندانه و معیت قوماندانلرینه عائد اولیوب او حربدن اول اردونک اصلاح و حربه حاضر لایمه سنک یکانه مرجعی اولان ارکان حربیه هیئتنه عائددر . حرب وقت صلحه حاضر لایر . بر حربک قازانیلمه سی ویا غائب ایدیلهمز وقت صلح ارکان حربیه هیئتنک نتیجه مساعیسیدر . چونکه ، حربی اجرا ایدن قوماندانلر ، ارکان حربلر ، ضابطان و قطعاتک حسن خدمت ایدیلهملری انجق وقت صلح ارکان حربیه سنک بونلری ای یتیشدیرمش اولمسیله ممکندر .

طرفینک پلانلری

عثمانیلرک پلانی . عثمانیلر ابتدادن اعتباراً حرب تدافعی ی اختیار ایتدیلر . عبدالکریم پاشا بر سفر پلاننه نظراً حرکت خصو - صنده توظیف ایدیلهمشدی . ابتداده هرشی باش قوماندانک ارزوسنه بر اقیامشدی . باش قوماندان بو استقلالیتدن ، مدافعه مطلقه ده قالمق صورتیه . استفاده ایتدی ! نه رومانیایی استیلا ایتمکه ، نه روسلرک طونه دن مرورینه مخالفته و نه ده روسلر کچدکن صکره

بالقائلر ایله طونه آردسند روسلری سحراده توقیف ایچون اتخاذا تدایره یلتنیدی . اردوسنک قسم کلیم شرقده قلاع اربعه ده و قسم دیگر یی ده رومانیای - صربیه حدودی اوزرنده غریبه بولندیر - مه سته نظراً ، باش قوماندان ، روسلرک بو ایکی غروب آردسندن طونه یی کچه جکنی اولجه کسیدیرک طونه کچیلنجه ایجاب ایدن بر زمانده روس اردوسنک هر ایکی یانه شرق و غربدن تعرض ایدیرک بلغاریاده ویا بالقائلر ده روس اردوسنی محو ایتمک یتندده اولدیغنه احتمال ویریه بیلور ایسه ده مع التأسف آتیده کوریه جکی وجهله بویه بر حرکت تشبث ایتهدیکندن بو خصوصه ده حکم ویریه مز .

تنقیدات : فی الواقع باش قوماندان اولان ذات حربک ادا - ره سنده تماماً مستقلاً فقط حربک تدافعی ویا تجاوزی اوله جنی خصوصاتی بهمه حال کندی اردومز و دشمن اردوسنک حالنه کوره ارکان حربیه عمومیه طرفندن ترتیب و احضار و هر سته تعدیل ایدیلن سفر پلاننه نظراً معین اولور و باش قوماندان اولان ذات بو پلاننه رعایت ایدر . حتی حکمدارده باش قوماندانلی درعه ده ایتسه بو صورتله حرکت ایدر ، عکسی حالده حرکات کیفیه یی موجب اولور ، هر حالده حربیه باشلامقده ارکان حربیه عمومیه نک سفر پلانی اسلدر . بو سبدن بو سفر پلاننک هیچ بر کیمسه نک کیفیه کوره تغیری قطعیاً جائز اولمده یغندن هر دولته ده ارکان حربیه عمومیه رئیس بو خصوصه حربیه نظارتنک

امری آلتنده دكلدر . بولانی باش قوماندان اولان حكمدار تصديق ايدر و كنديسي حربه باش قوماندانلغى درعهده ايمه جك ايسه بونك اجراسنى ، باش قوماندان تعيين ايدى جكى ذاته توديع ايدر . ۱۸۷۷ حربى ايجون بر سفر پلانك موجود اولمه سنه نظراً بو مغلوبيتى او وقتك اركان حربيه سى و حكمدارى احضار ايتمش اوليور . سفر پلانك نقات اساسيه سى ، اولجه طونه ني كچوب قلاص - فوقشانى خطنى طوتمق و ايجاب ايدن نقاتى تحكيم ايدى روك روس اردوسنى بو خطدن ايلرى يه كچيرمه مك و يكن قوللى اوزرينه كرده بولنديرله جق قوتلر طرفندن شدتلى صورتده تعرض ايتك ، بو صورتله رومانىك بزه التحافى تايمين و حربى رومانى اراضيسنه نقل ايتك اولوب لوازمك نقصايتندن طولاي بوتجاوز كوزه آلديرله مدينى تقديرده اركان حربيه نك تنظيم ايدى جكى سفر پلانى بوجه آتى اساساتى محتوى اولوردى :

روسلك رومانى داخلنده استفاده ايدى جكلرى شمندوفرلر ، كوپرى و تونللى برهوا ايدوب وطونه كريسنده حاضرق وضعيته بولنوب روسلك طونه ني كچمه لرني منع ايتك و نهري يكن روس قوللى اوزرينه بلا افاته زمان فائق قوتلرله آتيله رق روسارى متفرق صورتده ازمك . بونك ايجون ده طونه نهرينى روسلك روسجق شرقتدن و نيكبولى غربندن كچملرى پك ضعيف بر احتمال داخلنده بولنديغندن روسجق - نيكبولى خطى كريسنده ۲ : ۳ فرقه قوت بولنديروب ديكر قوتلر ك قسم اعظمى قلاع اربعه غربنده كى بيه لا -

رازغراد - طرنوه ، ديكر قسمنى ده راحوه - پلونه - وراچه منطقه لرنده جمع ايتك و طرنوه موقعى تحكيم ايدوب ايكي غروبك ارتباطنى ، و بالقان كچيدلرني تايمين ايتك . بو حالحه دوبريچه وويدينده و روسجق و نيكبولى قلعه لرنده ضعيف قوتلر تركى كافى ايدى .

روسلك پلانى : روسلك پلانى تجاوزى ايدى ، بلعارستانه كچريلنجيه قدر ياپيله جق حركات سوق الحيشيه ، احوال سياسيه و دارالحركاتك احوال جغرافيه سى و كندى دونمالرينك ضعيفتى نظر دقتيه آلتهرق ، پلانه درج اولمشدى . بو پلانه نظراً اولافوقشانى - قلاص خطنى آلدى ايتك ايجاب ايدىوردى . عين زمانده بركره بو سرت كچيدى كچكلكدن صكره روس اردوسى رومانى ايجندن طونه يه طوغرى ايلريله يه روك طونه نك صول ساحلنه كله جك ، بوراده احتياطلرينك كله سنى بكايله روك ، طونه ني كچمك ايجون ايجاب ايدن حاضرقلرى يابه جق و كچيدى حركتى ايجون فرصت بكايله جكدى . بو صورتله طونه ني كچمك ايجون ، عثمانلى فيلوسنك فائقيتندن طولاي ، ساحله يقين اراضيدن حركت ايمه مكله برابر ايجه تحكيم ايدلمش بولنان قلاع اربعه ده عثمانلى اردولرينك قسم كايسى بولنديغندن بورادن ده كچمه مك ايجاب ايدىوردى ، ودين طرفنه طوغرى تبديل جبهه ايدوب او جهتدن كچمكه تشبث ايتك ايسه شهبلى اولان اوستريانك قارشيسنده خط الحركات پك زياده اوزانه جغندن موافق دكلدى . بو سببدن روسجك شرقنده كى قسمدن كچمك ضرورى ايدى . نهر كچيلنجه سريعا بالقانلره طوغرى

یورونوب بونلری کچهرک هان ادرنهیه و هدف اصلی اولان استانبوله ایلیلنه جکدی بو اشناده عثمانلی اردولری قارشیسندمه وقت غائب اتمه یهرک انجق بونلره قارشی بر پرده مقامنده قوت بر اقیله جقدی .

تقیدات : پلانک نقاط اساسیه سندن اولان اولافوقشانی - قلاص خطلی طوتمق پک طوغریدر . کوریلورکه بو خطلی طوتمقی تصمیم ایتمکله روس ارکان حربیه سی عثمانلیرکده روسلردن اول بو خطلی طوتمغه تشبث اتمه لرینک محتمل اولدیغنی نظر دفته آلمش بولنور . طونه نهرینک روسجک غربنده کی قسمندن کچمکه تشبثده طوغریدر . فقط بوندن صکره روس اردوسیه عثمانلی اردولرینک چارپشمه سی اغلب احتمال اولدیغندن روس ارکان حربیه سنک بوندن صکره کی حرکتی ، عثمانلی اردوسی قاله آلمق سزین ، پلانده قطعی بر صورتده تعیین اتمه سی هیچ طوغری اوله مز و استانبوله سریعاً ایاریلهمک هیچ بر وقتده طونه نک جنوبنده روسلرک قارشیلرینه چیقیمی هان محقق فرض ایدیه بیلن عثمانلی اردولرینی کاملاً مغلوب اتمه دن ممکن اوله مز . بوسبدن هدف اصلی استانبول دکل عثمانلی اردولری اولملی و استانبول ایسه هدف ثانی اوله بیلوردی . روسلر عثمانلی اردوسی هیچ حکمنده طوتمشلردی . فعال بر عثمانلی اردوسی روسلره بو خیالی پلانلرینک غایت شدتلی صورتده جزاسنی ویره بیلوردی . یانلرده مغلوب ایدلمه مش بیوک بر اردوینی براقه رق یوزلرجه کیلومترو جنوبه صارقیویرمک هیچ بر وقتده ملاحظات

سوق الحیشیه اذخال ایدیه مز؛ فقط تأسف اولنورکه بزم عطاآتمز روسلرک بو خیالی پلانلرینی حقیقته تبدیل ایتدی !

حرکات ابتدایه

نیسانک ۲۴ نجی کونی اعلان حرب ایدلدی . ۲۳ - ۲۴ نیسان کیجه سی قوتلی مختلط برروس مفرزه سی بولیغرادده حدودی کچهرک جبری یورویشله باربوش کوپریسنه طوغری ایاریلهدی ، یوکوپری سرت نهری اوزرندن کچن شمندوفرک یکانه کوپریسیدر و روسیه ایله رومانلای جنوینک یکانه مواصله سی تشکیل ایدر . نیسانک ۲۴ نجی کونی بومفرزه نک سوارسی ۷۰ کیلومتروک اوزون بریورویشدن صکره کوپری بی اشغال ایتدی ، ایرتسی کونی ده پیاده وطوپیچی یتشدی و عثمانلی دونماسنه قارشی ده سرت نهرینک آغزی بر طورپیل خطیله سد ایدیلدی .

طونه کوچک فیلوسی قوماندانی بولنان انکلین هوبارت پاشایه دولت علیه طرفندن انجق اعلان حربی متعاقب ، باربوش کوپریسنی تخریب اتمه سی امری ویرلشدی ، حالبوکه بورانک اهمیتنی تقدیر ایدن روسلر ده اول داورانمشلردی .

روس اردوسی سرت نهرینی کچمکه موفق اولدی وطونه نهرینک غلاچده تشکیل ایتدیکی دیرسه ک نقطه سی محور اولق اوزره

صوله تبدیل جبهه ایتدی ، بو صورتیه صاغ جناح ایلریده اولمق اوزرد قارپات طاغلریله طونه ارهسندن فوقشانی - پلویهستی و ابرائل - بودشتی یوللری اوزرنده غربه طوغری ایلریله دی . سواری هر ایکی جناح آچیقنده طاغلر و طونه نهری کنارنجه ایلریله یوب بعده بتون طونه نهری امتدادنجه دائمی بر پرده خطی تشکیل ایتدی . قطعات کاملاً یوللر اوزرنده حرکت ایتدرلدی . قلاص - بکرش شمندوقر خطی انجق طوپ و سائر نك نقانه تخصیص ایدیله دی ؛ بو شمندوفرک کینیشلکی روس شمندوفرلری قدر اولدیغندن نقلیات خصوصنده پك مشکلات چکیلدی . حدود استاسیوننده روس ترلرندن مالزیه اقطاعلر ایدیلوب بو خط اوزرنده کی ترلره نقل ایدیلبوردی . موسمک ایجابندن طولای یوللر هنوز پك فنا حالده اولوب هان غیرقابل حرکت ایدی ؛ بتون نه رلر طاشمش و کوریلری صو آلمش بولندیغندن روس عسکرلرینک و حیواناتنک بو فنا یوللر اوزرنده حرکتی پك مشکلاتلی اولدی ، بو سببدن روسلرک طونه یه طوغری ایلریله مه لری ده فوق العاده بعائتلی اولدی .

رومانیا قطعاتی روسلره بر آچق ایچون اراضی نی تخلیه ایدهرک تدریجاً آلتونا نه رینک او بر طرفنه قدر چکیلدیله ر . ۱۴ مایسنده پرنس شارل دولت علیه یه قارشى طوغریدن طوغری یه حصم کسینلنجه ۵۰۰۰۰۰ محارب قوتنده کی اردوسیه طبیعی بر صورتده روس - رومانیا متفق اردوسنک صاغ جناحنی تشکیل ایتدی . طونه نه رینک کچیلمه سی ایچون تشبثات وحاضرلارقه باشلا-

نیلان حزیران اواسطنده متفقین اردوسنک وضعیتى بروجه آتی ایدی : صاغ جناحده ، آلتونا نه ری ایله ویدین آرهسنده ، ایکی رومانیا قول اردوسی ؛

مرکزده ، سلاتینا ایله بکرش آرهسنده ، روس اردوسنک قسم کلیدی یعنی ۹ و ۸ نجی قول اردولر برنجی خطده نی کبولی و زیشتوی قارشیسنده ، فقط بو ایکی موقعدن پك اوزاقده ، ۱۲ و ۱۳ نجی قول اردولر ایکنجی خطده .

صول جناحده ، ۱۱ نجی قول اردو سلسره قارشیسنده ، بونک ده صولنده ابرائل و غلاچه قدر یایامش ۱۴ نجی قول اردو بولنیور . روسلرک جبهه سی سواری فرقه لری و سقوبلفک قول اردوسیه سترایدیلوردی که روسلر انجق طونه یه قدر بولنری ایلری سورمه شاردی و قوتلرده هر جهته عثمانیلری ترددده براقق ایچون عین طرزده حرکت ایدیورلردی .

بو ائشاده عثمانیلر هیچ بر تشبثده بولمیدیله ر ، انجق صاغ ساحلده بولنان روسجق و نی کبولی قلعه لرینک اوزون طوپلریله آتش ایدیورلردی . روسلر نه رک برچوق نقطه لرنده نه ره طورپیل وضع ایدهرک اولان نه رک اوزرنده کیلریمزک حرکتی منع ایتدیله ر بعده قره یه یرلشیدر دیکلری طوپلریله مختلف یرلرده کیلریمزی آتش آلتنه آله رق تخریب ایتدیله ر .

تنقیدات : طونه نه ری اوزرنده کی بالخاصه سلسره ، روسجق ، ویدین قلعه لرینک اهمیت سوق الحیشیه لری نه رک صول

ساحلنده سرتکوپری استحکاملری بولمسیله برقاچ مثلی تزايد ايدر .
اگر بوقلعه لرك نهرك صول ساحلنده کی قسملری وقت وزمانیه تحکیم
ایدیلوب برر کوپری ایله ایکی ساحل یکدیگرینه ربط ایدیلش اولسه
ایدی روسلر هیچ بروقتده قولایجه طونه یی کچمه که تشبث ایده منزل
دی ، علی الخصوص روسلر قلعه سنک رومانیا طرفنده کی مقابلی
بیوک بر مستحکم اردوگاه حالنده بولمسه ایدی روسلر یابوراسنی ضبط
اچچون اردولریله محاصره یه و یابورایه قارشلی برحاطه اردوسی ترک
ایده لرك طونه یی کچمه که مجبور اوله جقلردی که هر ایکی حالده ده روس
اردولری طونه نه ریله ایکی قسمه آیریلش بولنه جق و فعال براردو
هر وقت بولاردن بری اوزرینه یوکنوب مغلوب ایده بیله جکدی . بولارک
بایلمه سندن صرف نظر ، روسلرک طونه یه طوغری صورت تقریبارنی
وقوه اصلیه لرینه نه استقامته سوق ایتدیکلرینی اکلایمق اوزره طونه .
نک صول طرفنه سواری و پیاده دن مرکب کشف مفرزه لری سوق
ایدیله سی و روسلرک طونه یه تقریبی حالنده قلعه لرك حمایه سند اوله رق
اولجه حاضر بولندریله جق و سائط نقلیه ایله بولارک نهرك صاغ طرفنه
کچمه سی هر وقت ممکن ایدی ، بوصورته حرکت ایدیله مش اوله .
سندن طولانی روسلر طونه یی کچمه یه قدر روس اردوسی قسم
کلیمسنگ زده بولندینی عثمانلی اردوسی قرارگاه عمومیسنجه
مجهول قالدی .

طونه نك روسلر طرفندن مروری

نهرك طاشمه سی و کوپری مالزمه سنک کچیکمه سی طونه نك
کچیکمه سی ایچون اجرا ایدیلن/تشبثاتی عقیم براقدی ، ۲۷ حزرانده
قطعیاً طونه نك کچیکمه سنه قرار ویریلدی . غران دوق نيقولا باشلوجه
کچید نقطه سی اوله رق زمینچه یی امر و تعیین ایتدی ؛ مع مافیه
اردونك هر ایکی جناحنده ده نمایشلر بایلمه سنی ده احضار ایتدی .
روسلرک صول جناحنده بولنان جنرال جرمان قومانداسنده کی
۱۴ نجی قول اردو ۲۱ - ۲۲ حزران کیجه سی عثمانلیرک شدتلی
مقابله سنه معروض قاله دن ابرائل - ماچین اوزرندن طونه یی کچدی ،
بعده عثمانلی قطعاتی دوبریجه دن کری یه طرد ایدرک ترویان کچیدینه
قدر کلوب بوراده توقف ایتدی . باش قوماندان عبد الکرم پاشا
بو ائشاده یه حال عطالته قالدی .

بو موقعک آقنتی جهته ده اولتانیجه ده نه ری کچمک اوزره
۱۱ نجی قول اردونك بر مفرزه سی ۲۵ حزرانده نمایش بپادی .
عین کونده روسلر نهرك صول طرفنه تعبیه ایش اولدقاری بطریقه لره
اولا روسلرک و بعده نیکبولی اوزرینه غایت شدتلی آتش آچدی .
استحضارات فلامونده ده ایجه باییلدی ، چارده ، بیوک ارکان
حریه سیله ، نیکبولی قارشیسنده کی تورنو موقعنده قرارگاهنی
تأسیس ایتدی .

بو ائشاده روس اردوسنک قسم کلیمی سلاتینا - بکرش

جبهه‌سندن اشاغی طوغری اینور و وده نه‌ری وادیسنده طوپلار- نیوردی . ایلک کچید حرکتی بابه‌جق اولان جنرال دراغومیروف قومانداسنده کی ۱۴ نجی فرقه زیمینجه و جوارنده بولنان تپه‌لرک کر بارنده مستور اوله‌رق ۲۶ حزیرانده صوگ حاضرلقاری کورمکه مشغول ایدی . بوراده آلتی مفروزه تشکیل و هر مفروزه عین مقدارده سال تخصیص ایدیلدی ، بومفروزه لر سس سزجه صاغ ساحله کچوب باصقین طرزنده ساحلی طوته‌جقار و ساحل قربنده کی مهم حاکم نقطه‌لرده صوگ درجه ثبات ایدرک کریدن کله‌جک قوتلرک کچمه‌سنی و کوپری قورلمه‌سنی ستر وحمایه ایده‌جکلردی . شمدی‌ده بو‌اشاده بزم طرفنده کی وضعیتی مطالعه ایده‌لم :

زشتووی جوارنده ۱ طابور و ۱ سواری بلوکی و ۲ طوب ، بونک مجموع قوتی ۷۷۰ محارب ، و رادن جوارنده ۵ طابور و ۴ طوب بونک مجموع قوتی ۳۳۳۰ محارب ، بونلری تقویه ایده‌جک الیقین قطعاتدن ۷۰ کیلومتر و مسافه‌ده طرنوده ۴۰۰۰ محارب ، ۷۰ کیلومتر و مسافه‌ده روسجقده ۲۱۰۰۰ محارب ، ۴۰ کیلومتر و مسافه‌ده نیکولی‌ده ۲۱۰۰۰ محارب بولنیور .

عثمانیلرک تحکیماته‌کنجه : زشتوویده طونه‌یه قارشی ۶ طوپلوق ایکی بطریه ایله و رادینک جنوب غریبسندنه کی تپه‌بونارنده بر طوپراق بطریه موجود ایدی ، فقط بونلر اولجه تسلیح ایدلمش اولمه‌یوب ایجابنده زشتووی و و رادینده بولنان مفروزه‌لرک صحرا طوپلریله اشغال ایدیه‌جکلردی .

سردار اکرم عبدالکریم پاشا فی‌الواقع روس قرارگاه عمومیسنک و وسطی طونه‌دن کچمک نیتنده اولدیغنه زیاده احتمال ویریوردی ، فقط معیتنده بولنان قوتلره روسلرک بوحرکتی منع ایده‌بیلمکی غیر ممکن بولیوردی . عبدالکریم پاشانک بو فکرده اولدینی حزیران ابتدالزنده استانبوله کوندردیکی بروجه‌آتی راپورندن آکلاشیلیمقده در : « دشمن طونه‌یی باشلوجه قوتلریله روسجق ایله ویدین آره - سندن کچه‌جکلر . فقط دشمنی کری‌یه طرد ایده‌بیله‌جک نه قوتلی استحکاملریمز ونه‌ده بیوک مفروزه‌لریمز اولمدیغندن ، روسلر طونه‌یی کچمکده موفق اولدقاری حالده ترتب ایده‌جک مسؤلیتی قبول ایتیم . » عبدالکریم پاشانک روسلرک وسطی طونه‌یی کچمه‌لرینی منع ایتمه‌نک غیر ممکن اولدینی فکرینه ، استانبول‌ده موافقت ایتدی و بو صورتله قسم کایسی قلاع اربعه‌ده و قسم دیگر کی ده ویدینده بولنان اردونک صحرا حربلرینه اشتراک ایتمه‌سی ده قبول اولندی . بونلرده ، عبدالحمیدک باب عالی‌یه کوندردیکی بروجه‌آتی اراده ایله مثبتدر :

« شمدی سردار اگرمدن آلدیغ راپوره نظرآ ، روسلرک طونه‌یی کچمک ایچون حاضر لاقمده اولدقاری آکلاشیلیر . طونه خط مدافعه‌سنک یانلارنده بولنان قطعات آنجق مدافعه‌یه تخصیص ایدیلشلردر ؛ صحرا ده میدان محاربه‌لری ویرمک ، دشمن اردوسنک داخل مملکته ایلریله‌مسنی منع ایتمک ، قوای اصلیه‌سنه قارشی قویقم و خطوط رجیه‌سنی تهید ایتمک اوزره ، ممکن اولدینی تقدیرده

بر احتیاط اردوسنك تشكيلي ايجاب ايدر .
عثمانليار طرفنده كي وضعيتي و باش قوماندانك فكر و مقصديني
آكلادقدن صكره روسارك حركاتي تعقيب ايدم :

روسار زيشتوينك غايت يقيننده بوحاضرلقاري اتمام ايتديكري
حاله عثمانليار هيچ خبر آلديلر ، بتون عثمانلي اردوسي طرفنده برغفلت و
عطالت مطلقه حكيم فرما ايدى . زيشتووي وورادينده كي مجموع قوت ۶
طابور پياده و بر بطريه صحرا طوپندن عبارت بولتيوردى . بونلر هيچ
تقويه ده ايديله ديلر . روسار طونه نك صول ساحلنده بولنان دوزلك
و بطاقلق اراضيده كي اغاجاتي وچاليلقارلك تستردن استفاده ايتديلر .
بوندن ماعدا ، ۲۶ - ۲۷ حزينان كيجه سي پك قاراللق بر كيجه
ايدى ، هوا فرطنه لي و دهشتلي بر روزكار اسيوردى ؛ بتون احوال
روسارك حركاتي عثمانلياردن ستر ايمك ايچون پك مساعد ايدى ؛
خصوصيله بزم عطالتمزده بواحوال مساعديه انظام ايدسيوردى .
فقط كچيدمجلي انتخاب ايديلن نقطه ده طونه نهري ۸۰۰ متره عرضنده
و جرياني ده سريع و نهري درين و صاغ ساحل پك ديك و همان صول
ساحله قدر كاملاً آتش آلتنده بولنديرمق ممكن ايدى .

كيجه ساعت ۶:۳۰ طوغري دراغوميروف فرقه سنك ايلك
قدمه سي صوك درجه سلس سز اوله رق زمينيچه ساحلندن حركتله
ريشتوونيك روزكار (شرق) جهتنده كي تكردره آغزينه طوغري
حركت ايتدى ؛ ساعت ۷:۳۰ ده برچوق صالارله صاغ ساحله
ياناشدى . عثمانلي نوبتچيلري روسار ساحله برقاچ يوز متره ياقلاشنجه يه

قدر خبر آلمه ديلر و روسلر ساحله ياناشيركن برقاچ نوبتچي كوره رك
سلاح باشنه اشارتي و يردى ، بونك اوزرينه عثمانلي ايلري قره غوللريه
مشكلات ايچنده قره يه چيقمغه چالشان ضعيف روس قوتلري آره سنده
شدتلي بر آتش محاربه سي باشلادى ، عثمانلي ايلري قره غوللري روسارك
برناكهاني حركتي حالنده چالي يغيته آتش و يره رك كري يه اشارت
ايدم جكاردي ، بوني ده اونوتديلر و كريده كي قطعات پك كچ خبر آلدى .
عثمانليارك سلاحه صاريله رق بورايه وقت و زمانيله يتيشمك
خصوصنده كوستردكاري تأخردن طولاني روسارك برنجي قدمه و
دها صكره ديكر قدمه لري صاغ ساحله كچه رك حاكم اولان
تپه لري ضبطه موفق اولديلر . روسلر مقابل ساحلده تعبيه
ايتديكاري طوپچي ايله ديكر ساحله كچمش اولان تعرض قوتلرينك
يانلريني حمايه ايدسيورلردى . ورادينده كي عثمانليارك ترصد لواسي خبر
آله رق اخراج نقطه سنه طوغري ايلريله دى ، فقط پك كچ قالدى .
اراضينك قبالي و عارضه لي بولمه سندن روسلر كمال مهارتله استفاده
ايتديلر . لاييق قطع تقويه ايديلن روسلر سونكو هجومه كچه رك عثمانلي
قوتلريني موضعدن موضعه طرد ايتديلر . صباحين ساعت يازم
ايدى ، عثمانليار محاربه يه دوامدن صرف نظر ايدمرك قسمماً شرقه
روسجغه طوغري ، قسمماً غربه زشتووي اوزرينه طوغري رجعت
ايتديلر . روسلر بوزمائدن كچيد حركتني تسريع خصوصنده استفاده
ايتديلر . اوكله دن صكره بتون برفرقه ايله غربه متوجهاً زيشتووي يه
يوروديلر . عددآ پك ضعيف اولان عثمانلي محافظلري اولاً نتيجه سز

بر صورتده نهرک کنارنده مدافعه ايتديار . فقط بر روس لوانسک جنوبه طوغرى احاطه يه باشلادىغى کورنجه بيه لا استقامتنده رجعته قرار و يرديار .

حزيرانک ٢٧ و ٢٨ نجى کونارى کچيد حرکتنه عين طرزده دوام اولنه رق ٨ و ١٣ نجى قول اردولرک پياده و طوبجيسى کچير . يلدی . بوندن صکره بر کوپرى انشاسنه باشلاندی و کوپرى انجق ٢ تموزده قوللانيه بيله جک بر حاله کلدی . بو کونده سقوبلف قول اردوسی ، غورقونک يکي تشکيل ايدلمش بر مختلط قول اردوسی و ٨ و ١٣ نجى قول اردولرک سوارى فرقه لرى صاغ ساحله کچير يلدی . روسلرک ١٢ و ٩ نجى قول اردولرينک کچير يله سی تأخر ايتدی و انجق ٧ و ٩ تموزده کچير يلدی . بو حالده غراندوق نيغولا بلغارستان طرفنده ، ١٣٠٠٠٠٠ محاربه مالک بولتيور .

تقييدات : روسلرک عثمانلى اردوسی قارشوسنده اولان کوپرى قورمه دن و بعده بر کوپرى ايله غايت جسيم اولان طونه نهرينى نصل کچمه که موفق اولدقارى تدقيق ايديله جک اولورسه کوريلور که بونک سبب اصلينى سردار اکرمک قوماندانلق اقتدارينه مالک اولمه مسنده آرامق ايجاب ايدیور . فى الحقيقه باش قوماندان ، روسلرک وسطى طونه دن کچه جکلرينى اکلا دینی حالده بونلرک کچيد حرکتارنى منع ايتمک خصوصى غير ممکن کوريلور ! اوت بر قوماندان دشمن اردوسنک بيوک بر خط الحركات تعقيب ايتدکن صکره بر خوق اکسيکلر ايجنده بيوک بر اردو قارشيسنده

بيوک بر نهرى کچرکن نه درجه ضعیف بولنه جغنى و بو کچيد حرکتنک هفته لرحه دوام ایده جکلنى و کچن قوت اوزرينه سريعا آتيلندينى تقدیرده دشمن اردوسنى تکرار نهره دوکمک غايت قولای اولديغنى تقدیر ايتمزه آلت بويله بر زمانده دشمنک ضعیف آن نقطه سنى کشفدن عاجز اوله رق حال عطا لنده قالمغه محکومدر . طونه نک مدافعه سنک غير ممکن اولديغنه قناعت ایدن بر قوماندان طبيعى جوارده بولنان قطعانى ايجاب ایدن نقطه يه وقت وزمانيله يتشه بيله جک وجهله وضع ايتمک و مخبره نک تسريى ايجون وسائط مخبره يى احضار ايتمک و اولجه بونلره ايجاب ایدن نقطه يه سريعا يتشمک اوزره تعاليمت و يرمک خصوصى خاطرينه بيله کتيرمز و بلکى دشمنک کچيدکلى خبر آير آير قطعانه رجعت امرى ويرر .

واقعا طونه بويلی بونجه بر مدافعه خطى حالنده مدافعه ايديله مز فقط سوق الحيشجه طونه نک مدافعه سى دشمنه هيچ بر یرده طونه يى کچيرمه مکه چالشمق و فقط کچرسه ، کچن قوتلر اوزرينه سريعا آتيلوب مغلوب ايتمکه هر وقت ممکن و حتى بزم ايجون پک کوزل بروضعت سوق الحيشه ايدى . بر باش قوماندان عدم موفقيتى تصميم ايتديکى حالده نتيجه ده موفقيت قزانيله بيلورمى ؟ شايان تأسفدر که عبدالکريم پاشانک استانبوله يازديغى راپور حکم دارجه ده موافق کورولدى . هنوز حربک بدايتنده هيچ مغلوب اولمه مش بر اردو طونه يى کچمک ايسته ين روس اردوسنه قارشى هيچ محاربه ايدمه يه جک بر حالده اولديغى قبول اولنورسه حربه دوام اولنه بيلورمى ؟ فى الواقع

روسارک وسطی طونه دن کچه جگنی تقدیر ایدن باش قوماندان روساری بورادن کچیرمه مکّه و کچن قوتلری طرده قرار ویرسه ایدی کمال موفقیتله بونی باشه چیقاره جقدی: بو حالحه بو نهر منطقه سی کر بسنده ترصد قوتلریغی تزیدد ایتمکه برابر بولنرک کریسند قوتلی احتیاطلر (۴ فرقه قدر) بولندره حق و قلاع اربعه ده بولنان اردوی بیه لا - طرنوه خطنه و ویدینه بولنان اردوی ده پلونه - نیکولی - راحوه منطقه سینه جلب ایده جک و دشمن زده دن کچرسه جوار بولنان مفروزه لک سربعا دشمن اوزرینه آیلیمه سی امر ایده جکدی.

بولنر پالیه یوب ده حقیقتده اولدینی کبی فنا وضعیتده بولنسه بیله ینه روس اردوسی محو ایدیله یلوردی: روسارک کچید حرکتی خبر آلنور آلتز روسجق، نیکولی و طرنوه ده بولنان قوتلر زشتووی استقامتده ایلرله سه لردی حیزرانک ۲۹ ویا ۳۰ نجی کونی هنوز سواری فرقه لری کچمه مش اولان ۱۳ و ۸ نجی روس قول اردولریغی ۵۵۰۰۰ محاربه نهره آتق ممکن اولدینی کبی قلاع اربعه و ویدینه بولنان اردولرکده بلا افاقه زمان زشتووی استقامتده حرکتی حالنده بو اردولرده روسارک صاغ وصول یانلرینه آیک ۳ ویا ۴ نجی کونی یتشورکه هر حالده فنا بر وضعیتده بولنان روسلره قارشى ایکی مثلی بر قوتله میدان محاربه سی ویرله بیله جک ایدی. خصوصیه روسارک ۱۲ و ۹ نجی قول اردولرینک آنجق آیک ۷ و ۹ نجی کونلری کچیر یله سی سبیلله قلاع اربعه و ویدین اردولری حرکتلرند ۴-۵ کون تاخر ایتش اولسهر بیله ینه ایکی مثلی بر فاقیته مالک ایدیلر

حتی روسلر بتون قوتلریغی کچیرمش اولدقاری حالده ۱۳۰۰۰۰۰ موجودنده اولدقارندن عثمانلی اردوسی باش قوماندانک عطالتی ترک ایدوب روسلره قارشى جدی بر تعرضه کچمه سی هر وقت موجب موفقیت ایدی. بوراده باش قوماندانی معذور کوستره جک برسبب ارانورسه اوده قطعاتک ایسته نیلن بر زمانده همان حرکت ایده جک وجهله تشکیلاتنک مکمل اولمه سی و نقلیه تشکیلاتنک بولنمه سی ایدی. فقط بو حالده دخی صولک بر غیرت وفدا کارلق ضروری ایدی. بزم عسکریمز احوال ضروریه ده درت بش کونلک پکیمانی صرستده طاشیر، آچ ده قالیر، ینه کمال جسارت وفدا کارلقه محاربه ایده. ییلوردی. بتون حرب امتدادنجه بردها قطعیا اله کچیمه جک اولان بوفرستی نواقصی، بهانه ایده رک قاجیر مق هیچ بروقتده قبول ایدیله مز.

۰۲ طونه کچیلدکن پلونه نک سقوطنه قدر

برنجی دور (تموز ظرفنده کی حرکات سوق الحیشیه)

روس اردوسی طونه یی کچیلدکن صکره مرکزی وضعیتلرندن استفاده ایتیه رک بالعکس یلپازه واری اوله رق قوتلریغی طاغتلر. شبهه سز طونه کچیلورکن و کچیلدکن صکره عثمانلی اردولرینک هیچ بر ضربه سی یمه دکلرندن بتون بتون دشمنی هیچ منزله سنده کوره رک عبدالکریم پاشانک عطالت عنودانه سندن جرأتیاب اوله رق،

صانکی مغلوب اولوب پریشان برصورتده رجعت ایدن بردشمنک تمقینندن و بیوک براراصینک استلاسندن بشقه وظیفه لری قائمه مشکی چیاغنه سینه ایاری آتیلدیلر. عثمانلی اردولرینی مغلوب ایتمه دن بالقانلر اوزرینه یورویه بیلمک و بو حرکتی ستر ایتک ایچون روس اردوسی اوچ غروبه انقسام ایتدی :

صول جناح غروبی، چاره ویچ اردوسی ۱۲ و ۱۳ نجی قول اردولر. بواردو همان ۱۱ نجی قول اردو ایله تقویه ایدیلدی. بواردو عبدالکریم پاشا اردوسنه وقلاع اربعه یه قارشی حرکات سوق الحیشیه اجرا ایده جک؛

صاغ جناح غروبی، جنرال قروندز قول اردوسی، نیکبولی و وید خطنی پلونه اوته سینه قدر اشغال ایدرک عثمان پاشا اردوسنه قارشی اخذ جبهه ایده جک،

مرکز غروبی، بوده بالقانلری تضییقه تخصیص ایدلشدی که بیوک قرارگاه عمومی ایله ۸ نجی قول اردودن عبارت بولنیوردی.

تمقیدات: روسلر اساساً عثمانلی اردولری قارشیسندن متفوق اولیان قوتلرینی یوزلرجه کیلو متره لک مسافه اوزرنده یکدیگرندن آیرمقله بتون بتون کسب ضعفیت ایدیورلر و حالا خیالی اولان، عثمانلی اردولرینه اهمیت ویرمه دن استانبوله یورومک، پلانلرینه بلا تغییر دوام ایدیورلردی! فقط زرده فعال بر عثمانلی اردوسی! بونلرک غایت دهشتلی اولان خطای سوق الحیشیلرندن استفاده ایدرک بارچه بارچه ازوب طونه یه دوکسون! حالا عبدالکریم پاشا حال عطا لنده!

روسلر ایچون طونه کچیلدکدن صکره یاییه جق اک معقول حرکت، عثمان پاشا اردوسنه قارشی کافی بر قوت سوق ایدرک متباق بتون قوتلرله عبدالکریم پاشا اردوسی یاقالایوب مغلوب ایتک اوزره شرقه تبدیل جبهه ایتک ایدی. بواثناده روسجغک ترصد و یا احاطه سی ده ایجاب ایدردی.

مرکز غروبنک حرکات سوق الحیشیه سی (غورقو)

غورقونک حرکاتی: مرکز غروبنک بالقانلری کچه رک ایلرله مسی ایچون بونک یولنی آجق اوزره جنرال غورقو قوماندانلر سنده یکی بر «مختلط پیشدارقول اردوسی» تشکیل ایدیلدی. بوقول اردو ۱۰ طابور پیاده (۶ طابوری بلغار کواکلیلرندن)، ۳۱ بلوک سواری، ۵ بطریه و بر قازمه جی مفرزه سندن مرکب اولوب تخمیناً ۱۵۰۰۰ محارب قوتنده ایدی.

بو بیوک مفرزه عین زمانده هم عسکری، هم فنی و هم ده سیاسی وظیفه ایفاسنه مأمور ایدی: بالقان کچیلرینی کشف ایده جک و بونلری آچه جق، کریدن کله جک اردونک نقلیه لرینک کچمه سی ایچون یوللری تعمیر ایتدیره جک، کلیتی سواریسنی بالقانلرک جنوبنه صالدره رق عثمانلیرک احتیاط تشکیلاتنک اجرا سینه مانع اوله جق، رومیلیده بولنان خرسیتیانلری تحریک ایدرک اختلال چیقارتیه جق ایدی. ۷ تموزده طرنویه کلدکدن صکره آیک ۱۲ سنده پیشدار قول اردوسی بورادن حرکت ایتدی. اولجه بالقان کچیلرندن آنجق شپقه نک قوتلی صورتده عثمانلیر طرفندن تحت اشغالده اولوب دیگر

کچیدلرک مدافعه سز اولدینی بیلنوردی. بوکا بناء غورقو، حاین کوی کچیدنن کچوب طونجه وادیسنجه ایاریله یهرک قیزانلی طوتوب شپقه کچیدینه جنوبدن تعرض ایتمه قرار ویردی. بو ائشاده ۸ نجی قول اردونک بر قسمی ده غابرو وادن کاهرک شمالدن تعرض ایده جکدی. تعرضک بوصورتله متحداً اجراسنک آیک ۱۷ سنده اوله سی قرار لاشدیریلدی.

غورقو قرار لاشدیریلن کونده تعرض ایتک اوزره یتشه مهدی، یوروش یا ککش حساب ایدیلشدی، طاغ یوللرینک مشکلاتندن، طونجه وادیسنده عثمانلی مفرزه لریله ایتدیکی محاربه لردن طولانی حرکتی تأخر ایتدی. نهایت آنجق آیک ۱۷ نجی کونی اقشامی شپقه کونینک جنوبنه کله بیلدی. بو ائشاده ۸ نجی قول اردونک بر آلائی روس قرارگاه عمومسی طرفندن ویریلن امر اوزرینه آیک ۱۷ نجی کونی صباحین شمالدن شپقه بوغازینه تعرض کچمش ایدی. حالبوکه بو آنده شمالک بو حرکتندن غورقونک خبری یوقدی، خبری اولسه ده غورقو هنوز شپقه یه اوکون کله مه مشدی که متحداً تعرض ایتسون. شمال مفرزه سی اوکون ویردیکی محاربه ده مغلوب اوله رق کچه غابرو یه رجعت ایتدی. ایرتسی کونی غورقو جنوبدن تعرضه کچدی فقط اوده مغلوب اوله رق شپقه یه رجعت ایتدی. هر ایکی قولک ارتباطی محافظه ایده مه سندن و اتحاد حرکت کوزه دیله مه سندن طولانی روسلرک وضعیت کسب مشکلات ایتشدی، بو ائشاده غورقو قولنک کریارنده رؤف پاشا قومانداسنده ۱۲ طابور قدر بر قوت

اجتماع ایتمه کده اولدیغندن غورقونک وضعیت ده تهله کلی بر حال آلیوردی. فقط شمال و جنوبدن شدتلی تضییق آلتنده بولنان خلوصی پاشا قومانداسنده کی شپقه محافظینی صوگ درجه جسورانه اوله رق ایتدیکلری مدافعه یه رغماً ییه جکلرینک بمش اوله سندن طولانی آیک ۱۸-۱۹ نجی کیجه سی خلوصی پاشا رجعتیه قرار ویردی. قرانلق یولی غورقو قطعاتی طرفندن طوتلش اولدیغندن غربه طوغری رجعت ایتک مجبوری ایدی بوسبیدن طاغر ایچندن فله استقامتنده رجعت امرینی ویردی و فله یی اجتماع نقطه سی تعیین ایتدی. رجعتی تسهیل ایچون ده کیجه دن غورقویه، شرائط تسلیمی قرار لاشدیرمق اوزره مأمور لر کوندردی و آنجق ایرتسی کونی اوکله یین تسلیم اوله جکلرینی بیلیدردی. غورقو الداندی، ۱۹ تموز صباحی تعرضه دوام ایتمه دی. بو صورتله خلوصی پاشا هیچ تعقیب ایدیله دن رجعتیه موفق اولدی، ۱۷ تموزده شمال مفرزه سی، مغلوبیتنی و کرییه رجعت ایتدیکی و حالا غورقونک تعرضندن اثر اوله دیغنی روس قرارگاه عمومینسه بیلیر. مشدی، قرارگاه عمومی ایسه غورقونک مطلق تعرض ایده جکندن شمال مفرزه سنکده همه حال ۱۹ تموز صباحی تعرضه کچمه سنی شدیداً امر ایله مشدی. بوسبیدن ۱۹ تموز صباحی شمال مفرزه سی تعرضنده عثمانلی موضعنک بوش اولدیغنی کوردی عین زمانده غورقوده آلدان دیغنی آکلادی. فقط کندینه ترتب ایدن وظیفه یی ده ایفا ایتش اولدی. غورقو شپقه کچیدنک محافظه سی ۸ نجی قول اردویه ترک ایده رک جنوبه طوغری حرکات سوق الحیشیه سینه دوام ایتدی.

سواریمی تلغراف خطلارینی و یکی زغرہ جنوبندہ و فلہہ شرقندہ شمندو فر خطلارینی تخریب ایتدی، فقط عثمانلی قوای فائقہسی قار- شوسندہ کریہ رجعت ایتکہ مجبور اولدی. لکن غورقو ۸ نجی قول اردونک بر لواسیلہ تقویہ ایدیلہرک حاین کوی، قازانلق و اسکی زغرہ اوزرندن حرکت ایدن اوچ قول ایله یکی زغرہ استقامتندہ یورویشه کچدی.

بو ائشاده سلیمان پاشا قرہ طاغدن جلب اولسان اردو ایله قرہ بونارہ کلشدی؛ یکی زغرہده توقف ایدن رؤف پاشا و فلہہده طوپلانان خلوصی پاشا ایله مخبرہ ایدرک متحداً اسکی زغرہ اوزرینہ بر تعرض تمرکزی اجراسنی قرار لاشدیردیلر. عین زمانندہ غورقودہ شرقہ طوغری یکی زغرہده تعرضه کچیوردی. هر ایکی طرفده یکدیگرینه دائر یکی معلومات آلهمامه سندن طولانی، وقوعه کان بر چوق تصادفی محاربه لرده همان دائماً عثمانلیلر روسلره فائق ایدیلر. تموزک ۳۱ نجی کونی وقوعه کان محاربهده غورقو اطرافنک احاطه یه معروض قالدیغنی کورنجه و پلونهده روس اردوسنک مغلوبیتنه دائر خبرلر ده آلدیغندن رجعتہ قرار ویردی. اغستوسک ۸ نجی کونی حاین کوی کچیدینی کچهرک طرنوہ یه عودت ایتدی و بوراده غورقونک اشبو پیشدار قول اردوسی طاغیدلدی.

تفصیلات: شایان دقتدرکه روسلر حاین کوی کچیدندن خارجه چیقنجه یه قدر عثمانلیلر طرفندن هیچ خبر آلمدی. اگر عثمانلیلر طرفندہ کچیدلرک ایجریلرینہ و حتی کچیدلرک شمال مخرجلرینہ قدر

دائماً کشف اجرا ایدیلسه ایدی هر وقت ایجاب ایدن کچیده کافی قوت جلب ایدیلہ ییلوردی. عثمانلیلر وقتیلہ خبر آلوبده روسلرک قولی حاین کوی کچیدندن چیقارکن کچید جوارندہ بولنان طابورلر یتشه ایدی روسلرک کچیددن چیقماسی غیر ممکن ایدی. فی الواقع برایکی طابور مقابلہ ابتدی فقط عثمانلیلر طرفندہ اتحاد حرکت محافظه ایدیلہ دیکندن آیری آیری لزومسز یرہ مغلوبیتلر باش کوستردی.

خلوصی پاشانک برلوا قوتله شپقه کچیدی داخلندہ مصرراً مدافعهده قالمهسی سوق الحیشجه ایجاب ایتزدی؛ مادامکی روسلر حاین کوبندن کچیدیلرک مهم وظیفه درحال کچن قوت اوزرینہ بتون قوتلرله متحداً آتلقی ایدی اگر خلوصی پاشا غریبدن و رؤف پاشاده جنوبدن غورقو اوزرینہ متحداً تعرضه کچسه لردی فائق قوتله غورقو قولی هر حالده فنا بر وضعيته دوشه جکدی.

نهایت سلیمان پاشا اردوسنک ورودیلہ عثمانلیلر غورقویہ نظراً پک فائق ایدیلر؛ فی الواقع بواشاده فعالیتہ کچلمک ایسته ندی، فقط غایت فنا بر وضعيته دوشمش کن غورقونک قور تولوب کری یه چکیله بیلمهسی ینه بزم عطا التمزک نتیجه سیدر.

غورقو قولنک حاین کچیدندن کچهرک طرنوہ یه رجعت ایتمهسی اوزرینہ سلیمان پاشانک بلا افاته زمان غورقویی تعقیب ایدهرک بالقانلری کچمهسی و بوفرصندن استفاده ایدهرک قلاع اربعه اردوسنه التحاق ایتمهسی الزم ایدی، حالبوکی عثمان پاشایه معاونت ایتک ده مهم ایدی

سليمان پاشا ايسه بومهم حرکات سوق الحيشيه دن هيچ بريني باعه يهرق
بالقانرك جنوبنده قالدی و باش قوماندان طرفدن بو طرزده حرکت
ايچون ويريلن امری ده ايضا ايمه دی.

صول جناح غروبك حرکات سوق الحيشيه سی (چاره ويچ)
بوکا قارشى قلاع اربعه اردوسنك صورت حرکتی

صول جناح غروبنه تخصيص ايديلن ۱۲ و ۱۳ نجی قول
اردولرك سواريلاری طونه یی کچر کچمز همان بيه لایه ايلريه تيلدی
و ۵ تموزده بو موقع اشغال ايتديريلدی . بونی متعاقب قول
اردولرده يانترا خطنی طوتديلر ، بو غروبك قوماندانی چاره ويچ
صول جناحده بولنان ۱۲ نجی قول اردو ايله روسجنى تهديد
ايده جك وجهله و صول جناحده بولنان ۱۳ نجی قول اردو ايله ده
رازغراد استقامتنی ترصد ايدهرك لوم نهري نه طوغری ايلريه يه جكدی
بو سببدن يانترا نهرينى قول اردولرله کچمزدن اول سوارى ايله
روسجق استقامتنی کشف ايتديرمك ايچون ۸ تموزده بر قسم
سوارى يی بيه لا - روسجق جاده سندن ايلری سوردی . ترسته نيك ،
ديوى موثيلى استقامتنده سوق ايديلن کشف قوللاری صباخلين عثمانلى
سواريلرينك ترسته نيکدن ايلريه مکده اولدقارینی خبر ويرمه لری
اوزرينه روس سوارى آلایى او بر ته نيکده بر موضع اشغال
ايدهرك و ياننده بولنان بر بطريه طوپه ده موضع الديره رق سواريار
اوزرينه آتسه باشلادی . عثمانلى سواريلری پياده ايله تقويه

ايديله رك ايلريه مکه چاليشديلر سده کرى طرد اولنديلر . اقشام
ساع ۹.۳۰ ده ديوى موثيلى استقامتندن عثمانلى پياده قطعاتنك
ايلريه ديکي کورولدی ، بوناره قارشى روسلر بر قاچ سوارى بلوکی
و بر بطريه ايله مقابله ايتديلر و عثمانليرده بر بطريه يه موضع الديره رق
پياده نك ايلريه مه سنی حمایه يه چاليشديلر سده روسلرک سوارى
و طوپچی آتشی آلتنده کرى چکيلديلر . بو صورته بو کونک
محاربه سی ختام بولدی . ايرتنی صباح روسلرک کشف قوللرندن
کان خبرلره نظرأ ديوى موثيلى استقامتنده تعرض ايدن عثمانلى
قطعاتی روسجق استقامتنده رجعت ايدیورلردی .

شمى عثمانلير طرفنه کچه لم : او بر ته نيکده روس
سواريلريه محاربه يه طوتوشان قوتلر احمد ايوب پاشا قومانداسنده
قلاع اربعه دن تجاوزده کچن اردودر . شمی و روسجق قوللرندن
تشکيل اولنان بر سوارى فرقه سی و ايکي پياده فرقه سندن (۳۴
طابور پياده ، ۴۰ بلوک سوارى . ۱۱ بطريه طوپ) مرکب
۲۸۰۰۰ موجودنده بو اردو ۴ تموز صباحي شميندن حرکتله
ايلريسنده سوارى فرقه سی اولق اوزره روسجق استقامتنده
ايلريه يوب و روسجق ۱۵ كيلومترو قدر غربنده قاضی کوينده
صوله تبديل استقامت ايدهرك ديوى موثيلى - بيه لا استقامتنه
و روسجق فرقه سی ده روسجقده ترسته نيك - بيه لا استقامتنده
يورودی . بوقطعات انجق ۸ تموز صباحي ترسته نيك و ديوى
موثيلى يه کلدی بواشاده سواريدن بر آلای ترسته نيك اوزرندن بيه لا

استقامتته سوق اولمش ایدی و بوده دشمنك تفنك و طوپ آلتنه اوغرایه رق کری یه چکیلدی . دشمنه تصادف ایدیلدیکی قوماندان طرفندن اكلاشیانجه همان بتون پیاده ترسته نيك و دیوی موژیله ده توقیف ایدیلدی ، او کون اقشامه قدر او یله تردد و توقف ایچنده کچدی ، عثمانلی اردوسی باش قوماندانی بو قدر جق بر محاربه یی کافی کوره رك، دهاز یاده ایلری کیمکی کوزینه کسیدرمیه رك ایرتمی صباح ایرکندن تکرار روسجق و شمنی استقامتمنده رجعتیه باشلادی ، بو صورتله بو مانوره یه ده ختام ویریلدی . حالبوکه بو مانوره روسلرك اوزرینه بیهلا استقامتمنده تعرض ایدرك یانتره خطنی طوتوب غربدن كله جك اولان عثمان پاشا قول اردوسیله ارتباط و توحید حرکات ايله روسلره خط رجعتاری استقامتمنده تعرض ایتك مقصدیه ترتیب ایدلش ایدی !

روسلر بونك اوزرینه میدانی بوش بولنجه کال جرأته لوم خطنه طوغری ایلریله مه لرینه دوام ایتدیلر و بو خطده کوزل بر تدافعی موضع طوتدیلر .

بو ائنده روسلرك غورقو قولى ده بالقانلره طوغری صارقش و طرنوه یی ضبط ایتمشدی . بو سببدن استانبول صیقیشمش اولدیغندن روسلرك بالقانلری كچمه لرینی منع ایچون وسائط لازمه یه مراجعت ایتك اوزره سرعسكر ردیف پاشا استانبولدن شمنی یه کوندرلمشدی ، بو ذاتك استانبوله یازدینی راپور شایان دقت اولدیغندن بر دفعه مطالعه ایدلم :

« نزهیه باقیسه طوپلو قطعات کورونه یور و هر کس عسكرك فقدانندن شکایت ایدیور . لکن نزهدن عسکر آلتنه جنی ونه ايله تعرضه کچیله جکی جای سوألدر ؟ فی الواقع شمنی ده ۲۲ طابور موجود ایهده ، روسلر دوبریجه دن ایلریله یه رك وارنه ايله شمنی آردسینه کیرسه بو قوتك غایت وسعتلی اولان استحکاماتی بیله مدافعه یه مقتدر اولوب اوله میه جنی شبهه لیدر . »

بو ائالرده ، ۱۶ تموزده ، استانبولدن عبد الکريم پاشایه چکیلن تلغرافده شایان اهمیتدر :

« نیچون شمنی دن قوت کوندرمیورسکز دیه صورارسهم ، قوت کوندررسك دشمن بالقانلره ایلریله مکدن صرف نظر ایدرك شمنی یی احاطه ایدر دیه جواب ویررسکز دکلی ، فقط دشمن چوقدن یکی زغرعه ایلریله دی و قرانلنی یاقدی ! (حالبوکه انجق ۱۷ تموزده قرانلنی ضبط ایتدی) اردو مدافعه ده قالمنی اختیار ایدرك و طاغنیق بر حالد بولنه رق و مهم نقاطده کافی مقدار سیار مفرزله ر بولندرمه دجه دشمن ده بتون قلعه لره اوغرا- مهن یانندن طولاشه رق طوغریجه ادرنه اوزرینه واستانبوله ایلریله یه جکدر . »

۲۱ تموزده عبد الکريم پاشانك یرینه محمد علی پاشا سردارا کرم تعیین اولندی . یکی قوماندان تجاوزده کچمکه قرار ویردی ، فقط تجاوزده کچمزدن اول اردوده جدی صورتده تشکیلات و اصلاحات یامق ایچون ایجه زمان و فرصت لر ضیاعنه مجبور اولدی .

تنقیدات : احمد ایوب پاشا اردوسنك ۴ تموزده حرکتله بیهلا استقامتنده تجاوزده کچمهسی بزه عیاناً ارائه واثبات ایدیورکه او وقت قلاع اربعه اردوسی سیار صورتده حرکتله مقتدر ایش ، اوحالده نیچون روسلر طونهی کچمهکه باشلارکن حرکت ایدلهدیده بوندن بر هفته صکره حرکتله باشلاندی ، روس اردوسنك کاملاً طونهك صاغنه کچمهسی نیچون بکلندی ؟

روسلره قارشى تعرضه قرار ویریلدیکی حالده ، انجق ۳۴ طابور قوتله بو حرکتك اجرا ایدیلهمهسی قطعاً جائز دکلدر . چونکه بو ائشاده عثمانلارک قارشینه دها بیوک روس قوتلرینك چیمقهجنى شبهه سزدر . جای تعجبدرکه عثمانلی باش قوماندانی قوتنك قسم اعظمی شمنی ده ترك ایدیور . حالا دوبریجهدن قورقویور ! شمنی قوتنك اولار روسجق استقامتنده ایلرلهسی پك فنا بر حرکتدی ، چونکه غائب ایدیلهمهك زمان یوق ایدی کچن هر ساعت روسلری تقویه ایدیوردی . بو سببدن روسجق و شمنی قوتلری طوغریدن طوغرییه بولندقاری موقعلرندن بیهلا اوزرنده برلشمك اوزره حرکت ایتدیریلدی ایدی .

باخصوص سواری فرقه سنكده شمنی قوتنك اوکنده وپك یقیننده اوله رق روسجه قدر چیقاریلهمهسی اك بیوک خطای سوق الحیشیدر . حرکات تجاوزیهنك ستری ایچون دها بر هفته اول سواری فرقهسی یانتر خطنه سوریابوب بوخطك طوتیلهمهسی و مهم کچید نقطه لرینك الیزده بولهمهسی ایچون بونقطه لر پیاده وطوپچی ایله

تقویه و دشمنك حال و وضعیتی دائماً کشف اولنهلی ایدی . بو صورتله حرکت اولنسه ایدی کور کورینه دشمنك بر سواری الاینك آتشنه اوغرامقدن طولای دشمن اردوسنه تصادف ایتدك دیهرک کرییه رجعت ایدیلز ایدی .

۸ تموز صبحی سواریلریز دشمن سواریسنه تصادف ایتدکلری وقت اردونك ترسته نيك و دیوی موثریلده اقسامه قدر توقیف ایدیلهمهسی ده پك عظیم خطا در . بر آن اول یانتر خطنك طوتیلهمهسی و شاید دشمنك بر قسم قوتی بو خطی بزدن اول کچمش ایسه بونی آریجه مغلوب ایتك اوزره سریعاً اوزرینه آتیلهرق تقویت بولمغه و بزم وضعیتمز حقننده معلومات ایدینه رك کندینی طوپلامغه میدان بولمدهن مغلوب ایدیلهلی ایدی .

کوچك بر سواری محاربهسی اوزرینه میدان محاربه سندن صرف نظر ایدهرک ۹ تموز صبحی تکرار رجعتله باشلامق خصوصی ایسه ارتق شمدییه قدر تاریخ حربلرده پك اندر تصادف ایدیان قرار سزلغك اك برنجی نمونه سیدر ، نیچون بورایه قدر کلدك ؟ نیچون کری کیدیورسك ؟ دشمنك قوتنك پك فضله اولدیغنی آکلادیغ ایچون دینورسه او ده آکلایشله مدی که !

مادامکه قلاع اربعه اردوسیله روسلرک صول یانه تعرضه قرار ویریلدی ، ۴ تموزده هر نه قدر فرصت قاجیریلدقدن صکره باشلامش اولسه دخی ، هر حالده ینه عثمان پاشا قول اردوسیله توحید حرکت شرط ایدی ، او حالده نیچون عثمان پاشانك ده ۱ تموزده حرکتله

باشلامه سی ایچون امر ویریلهدی ؟ عثمان پاشایه انجق قلاع اربعه اردوسی رجعتیه باشلادیغناک ایرتسی کون ، ۱۰ تموزده ، حرکت امری ویریلشدی . مادامکه عثمان پاشانک حرکت ایده جکی بیلینور . (چونکه هر آن تلغرافله مخبره ممکن ایدی) او حالده ترسته نیکه قدر گلش اولان احمد ایوب پاشا اردوسی نیچون بولندیغی خطله عثمان پاشانک تقریبی بکله مدهن کری یه چکیلیور ، عثمان پاشانک ده آیروجه مغلوب اولمه سی ایچونمی ؟

نتیجه اردونک باشنده مقتدر بر قوماندان و ارکان حربیه هیئتک بولنمه مه سی بوکی مدهش خطارک ارتکابه و فرصتک قاچیر- یله سنه باشلوجه سبدر .

سرعسکر ردیف پاشانک استانبوله یازدیغی راپور ده شایان دقتدر . اوزات اردویی حال فعالیتیه کترمک ایچون کلدیکی حالده ، اردونک عطالتی موافق کورویور ! بونک فکر نیجه ، روسلر دوبر- یجه دن ایلرله دیکلری تقدیرده موجود قوتلرک قلعهلری مدافعه یه موفق اوله جقلری بیله شبهه لی ایش ! البت بیوک بر منطقه اوزرینه انجق مدافعه مقصدیلر طاعیدیلن قوتلر نهایت آیری آیری مغلوب اولورلر ، مدافعه شبهه لیدر ، فقط اولر جمع ایدیلوب مهم استقامتلرله متحداً تعرض ایدیلاورسه موفقیت محتملدر . مدافعه مطلقه هیچ بروقتده نتیجه حسنه تأمین ایده من . شایان دقتدرکه روسلرک دوبر یجه ده بولنان ضعیف بر نمایش قولی قوجه بر اردویی قلعهلر مدافعه سی ایچون طاغنیق بولنمه ویرندن قیلمدانه مغه محکوم ایدیور !

عین زمانده شایان تعجب اولان نقطه روسلر طونه یی کچوب بالقانلره ایلرله یورلر ، بر چوق فرصتلر ظهور ایدیور . بونلره اهمیت ویریله یورده قلاع اربعه ده قالمغه اهمیت ویریلیور ! اکلاشیلورکه کرک رؤف پاشا و کرک عبدالکریم پاشا طونه یی کچن روس اردوسنک حرکاتی و بالقانلره اینمسنی بر نمایش حرکتی ظن ایدیور و اصل روسلرک جدی حرکاتی دوبر یجه دن بکله یور ! عین زمانده قلعهلرک محافظه سی مقصد اصلی اتخاذا اولنیور !

اراضی و قلعه محافظه سی حربی قازاندرمن ، انجق اردونک قازانه جی موفقیت حربیه حسن نتیجه ویرر .

استانبولدن چکیلن تلغرافده شایان دقت ! اوراسی ده بشقه بر تلدن چالیور ! فی الواقع قلاع اربعه اردوسنک عطالتده قالمه سی موافق کوریله یور . فقط کرک قلاع اربعه و کرک عثمان و سلیمان پاشلر اردولرله روسلر قارش یانلردن و جهه دن عمومی بر تعرض اجرایی امر اولنمه یورده انجق روسلری بالقانلردن یکیممه مک ایچون ایجاب ایدن محله (یعنی سلیمان پاشا اردوسنه التحاق ایتک اوزره بالقانلرک جنوبه !) ایجابی قدر سیار مفرزلر کوندلرله سی ایسته نیور ! اک زیاده استانبوله یورومه سندن قورقولان روس قوتلرینک (یعنی غورقونک) حرکتیه ممانعت ایدیله سی ایسته نیور !

صاع جناح غروبك حرکات سوق الجیشیه سی (قرودتر)

بوکا قارشی نیکبولی محافظینک و عثمان پاشانک

صورت حرکتلری

روسار طونه یی کچنجه جنرال قرودر قوماندا سنده اوله رق
 ۹ نجی قول اردو ایله بر قازاق سواری لواسنی صاغ یانلرینک
 و زشتووی کوپرینک ستر و محافظه سنه توظیف ایتدیلر ، بو قول
 اردو ۳۵۰۰۰۰ موجودنده ایدی . کندیسنه ۸ تموزده ویریلن
 امره نظراً وظیفه سی بوجه آتی تعیین اولنیوردی :

« نیکبولی قلعه سنی اول امرده ضبط ایدوب بعده پلونه
 استقامتنده ایلریله یه جک ، بوراده اردونک صاغ یانک ستری
 ایچون بر مفرزه ترک ایدوب بالقانلره اینک ایچون آیریجه امر
 بکله یه جک و بو حرکت ایچون حاضر بولنه جق . »

جنرال قرودر تموزک ۱۲ نجی کونی بتون قوتلریله نیکبولی
 اوزرینه یورودی ، بو قلعه یی بر هجوم جبری ایله ضبط ایده جکنه
 احتمال ویریوردی .

بو ائشاده نیکبولی قلعه سنده حسن پاشا قوماندا سنده ۱۰۰۰۰۰
 محافظ موجود ایدی . ایلری موضع اوله رق ، اسکی طابیه لر دن
 ماعدا ، ایلری اراضیده حاکم صرتلر اوزرینه بر چوق آوجی
 سپرلری و غروبلر یاییلمشدی و کایتلی قلعه طوبلری واردی .

فقط حسن پاشا خط رجعتک محافظه سی ایچون دها ۹
 تموزده محافظیندن ۳ طابور پیاده ، ۱ بطریه و بر سواری
 بلوکندن مرکب بر مفرزه یی عاطف پاشا قوماندا سنده اوله رق پلونه یه
 کوندرمشدی .

بو ائشاده ویدینده بولنان عثمان پاشانک نه وضعیتده بولندیغنی ده
 بر کره نظر ملاحظه یه آله م : روسار طونه یی کچمکه موفق اولونجه
 حزیران نهایتنده عثمان پاشا باش قوماندا نه بوجه آتی پلانی تکلیف
 ایتمشدی : « بن ویدینده قلعه یی محافظه ایچون کوچک بر قوت ترک
 ایدره و راحو وده کی قوتلری ده برابر آله رق پلونه یه کله ییم . بوراده
 نیکبولی محافظینی ایله برلشه ییم . دشمنک تعرضه انتظار ایتهدن
 نیکبولی قلعه سنی ترک ایدم ، بوندن صوکره بن لوفچه اوزرندن
 طرنوده ایلریله یه ییم ، احمد ایوب پاشا قوماندا سنده کی قولده (قلاع
 اربعه اردوسی قوه سیاره سی) شمنی دن حرکتله اسکی جمعه اوزرندن
 طرنوده ایلریله سون ، بوراده برلشوب زیشتووی استقامتنده تعرضه
 کچم . » بو پلانه موافقت ایدیله یه عثمان پاشا لوفچه اوزرینه
 یورویه رک اوراده بالقان کچیدلرینی یاندن سترایمکی تکلیف ایتدی .
 ابتدای امرده بوده قبول اولنمادی . چونکه هنوز یک صیقیشادی
 حس ایدیله دیکی ایچون وضعیتک اهمیتتی تقدیر ایدیله میور ، رومانیا لی
 و صربلیله قارشی ویدینی ضعیف بر اقق ارزو ایدیله یوردی ، لکن
 تموزک اوننه طوغری روس اردولرینک آز زمان ظرفنده یک
 موفقیتلی بر حالده بالقانلره یا قلاشمه لری ، بو ائشاده ادرنه وصوفیه ده

روس اردولرینک ایلرله مهسنه ممانعت ایتمک اوزره کچیدلرک محافظه سی ایچون قوتده بولمادیغندن ، استانبولی پک تلاشه درشوردی ، بوسبدن جوار دارالحرکاتلرده بولنان قطعاتک سریعا ممکن اولدیغی درجه دارالحرب اصلیه (یعنی روس اردولرینه تأثیر قطعی یاییه ییلهجک منطقه یه) سوق ایجاب ایتدی .

بونک اوزرینه قره طاغده حرکات حربیه اجرا ایدن سلیمان پاشایه ، اردوسنک قسم کلیمسی آتی واریده کیلره بندیره رک دده اغاجه و اورادن شمندوفرله ادرنه یه کتیرمه سی و قلاع اربعه ده کی احمد ایوب و ویدینه کی عثمان پاشالرده روس اردوسنک یانلرینه دوشمه لری امر اولندی .

فقط نیکبولی قلعه سی تخلیه ایدیلیه جکدی . چونکه اووقتک سرعسکری رؤف پاشانک فکر نهجه نیکبولی قلعه سی برشهری محافظه ایتدیکی کبی برچوق بیوک چاپده طوپاری بولندیغندن و بونلرک سریعا قاچیریله سی ده ممکن اولمادیغندن ترکنه رضا کوسترلمه دی .

عثمان پاشا استانبولدن کوندریلن بوخصوصده کی امر تلغرافی یی ۱۰ تموزده آلدی . وهان یوروش حاضرقلرینه باشلادی ، عین کونده نیکبولی قوماندانه ، اجراسنه قرار ویردیکی حرکاته دائر تلغرافله معلومات ویردی ، و روسلر نیکبولی یه تعرض ایدرلرسه صوک درجه ثبات ایتمه سی چونکه کندیسنک سریعا امدادینه یتشه جکدی ده بیلدیردی و ۱۳ تموز صباحی عثمان پاشا قول اردوسیه لوفچه استقامتمنده یوروشه کچدی .

شمیدی نیکبولی محاربه سنی عمومی اوله رق مطالعه ایده لم :

روسلرک ۹ نجی قول اردوسی ۱۲ تموزده نیکبولی یه طوغری حرکتیه باشلادی و ایک ۱۵ نجی کونی صباحلین تعرضه کچدی ، نیکبولی محافظینی روسلرک تقرب ایتدیکنی خبر آلنجه هان ایلری اراضیده کی سپرلری اشغال ایتدیلر . عثمانلیرک مدافعه خطی اوسما نهرینک صاغ وصول جناحنده بولنیور وقلعه یی دائراً مادار احاطه ایدیوردی . روسلر اوسما نهرینک صول جهتنده احاطه قطعاتی سوق ایده رک هر جهتن عثمانلیرله شدتلی تعرضه کیدیلر ، اقشامه قدر ایدیلن محاربه لرک نتیجه سنده عثمانلیر ایلری مواضعدن طرد ایدیلرک اصل طاییه لره چکیدیلر ، کیجه بوضورتله کچدی ، صباحلین ده محاربه باشلامه دن عثمانلی قوماندانی تسلیم اولدی . بو صورتله ۷۰۰۰ محارب روسلره اسیر دوشدی . بونلرک ایچندن آنجق ۳۰۰ یارملی ایدی . بو محاربه ده ۱۰۰۰ شهید ویردک ، قلعه ده ۱۰۰۰۰۰ تفنک ، ۱۱۳ قلعه و صحرا طوی ، ایکی مونیتور ، ۶ سنجاق ترک ایتدک .

روسلردن ۱ جنرال ، ۳۱ بیوک ضابط و ۱۲۷۹ نفر تلف اولدی .

تنقیدات : عثمان پاشانک پلونه استقامتمنده حرکتیه باشلادیغی خبر آلان نیکبولی قومانداننک ، خط رجعتنی تأمین ایچون پلونه یه کوندردیکی قوتی ، روسلرک قلعه یه طوغری ایلرله دیکلرینی خبر

آلمهسی اوزرینه همه حال کری آلمهسی الزم ایدی . چونکه روسلره قارشى مدافعهیه قرار ویردیکی تقدیرده قوتلارینی لزومسز یره طاغتمه یوب قوتلی بولمیهسی ایجاب ایدردی . خصوصیه عثمان پاشا پلونهیه طوغری ایلرله مکده اولدیغندن هر حالده خط رجعتی ده ائی تأمین ایدیور ایدی . اوافق برمفرزه بیوک روس قوتلرینه قارشى اوراده طورده مز ؛ هیچ اولمزه روسلر نیکبولىیه تعرض ایدرکن بومفرزه ده پلونه ده طورمیوب همان روسلرک صول جناحی کریسنه (اوسمانک صولندن) ایلرله سه ایدی پک مؤثر برایش کوره بیلیردی .

بومحاربه ده اک بیوک خطا قلعہ قوماندانه ترتب ایدر : باش قوماندان قلعہیی ترک ایتک ایچون امر ویرمه دیکی ، عثمان پاشا صولک درجه ثبات ایت ، بن سریعاً سکا معاونت ایدرم دیدیکی حالده ، ایلری مواضعک روسلر طرفندن ضبطندن صکره قلعہک هئوز کلپتلی محافظی اولدینی حالده اصل طایبه لرده قطعی محاربه ایدینه دن ، دشمنه تسلیم ایدیله سی تاریخ حربمک عفو ایدمه جکی برخطادر . اوت بر قلعہک سوق الحیشه مدافعه سی ایجاب ایتیمورسه بونی باش قوماندان امر ایدر ، وهر حالده دشمن قلعہیه تقرب ایتمه دن محاربهیه کیریشمک سزین ترک ایدیلور ، عکس حالده قلعہک قطعاً مدافعه سی ایچون بر نفر قلمه نیجهیه قدر اولمک اک بیوک بروطفه و شرفدر .

ایکنجی خطا باش قوماندانه ترتب ایدیور : نیکبولى قلعہ- سنک مدافعه سی ایجاب ایتدیکی تقدیرده جسارت و ثباتی مجرب بر

قلعه قوماندانی تعیین ایتله ایدی .

برقلعه صولک درجه جسور و متین برقلعه قوماندانه مالک اولمزه ، نیکبولى ده اولدینی کی دشمنک ایلک تضییقنده قلعہیی تسلیم ایده جک اولدقن صکره ، قلعہک وسائط تدافعه سنک مکمل اولمیه سی نهیه یارار . پلونه ده عثمان پاشا آجیق صحراده کندینک اوچ درت مثلی قوتده دشمنه قارشى بش آى غایت شانلی محاربه لر ویریور ، نیکبولىده کافی درجه محافظه و کلپتلی طوپاره مالک بر قوماندان همان ایلری اراضینک ضبط اولمیه سیله ایلک کونک محاربه سی نتیجه سنده قلعہیی تسلیم ایدیور !

نیکبولى قوماندانی اصل طایبه لر خطنده ثبات ایتسه ایدی روسلرک ، قوتلرینک بویله برقلعهیی هجوم جیری ایله ضبطه کافی اولمیه - سندن طولانی ، هجومی ایلری کتوره میه جکری اغلب احتمال ایدی . چونکی ایلری موضع محارباتنده بیه ۱۲۰۰ ى متجاوز تلفات ویردیلر . نیکبولى اوچ کون ثبات ایدمه بیلسه ایدی عثمان پاشا پلونه اوزرندن روسلرک ارقه سنه مؤثر صورتده تعرضه کچه جک وبوحالده روسلر ایچون قطعی بر مغلوبیت باش کوستره جکدی .

فقط شایان تعجب برشی وارسه ، مادامکه باش قوماندان قلعہک مدافعه سی لزومنه قانعدر ، یالکز باشنه هیچ معاونت ایدیله دن تسلیم اولمق ایچونمی ؟ عثمان پاشا وظیفه سنک اهمیتی تقدیر ایدرک ایلرله یور ، لکن قلاع اربعه دن بیوک برسیار قوت نیچون روسلره قارشى شو آنده تعرضه کچمیور باش قوماندان ده هانکی فرصتی بکله یور . نیکبولى

قلعه‌سی ایچون ایکی وظیفه سوق الحیشه نظر ملاحظه‌یه آله‌ییلور:
(۱) دشمنك طونه‌دن كچه‌سنة مانع اولمق . دشمن كجی بووظیفه‌ده
قاله‌دی ؛ (۲) دشمن اردوسی جناحی تأمین ایچون بوقله‌ی ضبطه
مجبور اوله‌جقندن قوتك بر قسمی بو قلعه‌نك ضبطی ایچون افراز
ایتسون‌ده سیار اردومز دشمنك شو‌آنده‌کی ضعفیتندن استفاده ایدرك
تعرضه كسون . بو وظیفه ایسه انحق سیار اردونك بو فرصتدن
استفاده‌سندن بشقه برشی دكلدر . یوقسه آیرجه نیکبولی‌نی دشمن
ضبط ایدركن قارشیدن سیار اردونك سیرجی اوله‌سی قطعاً تجویز
ایدیلور خصوصاًتدن دكلدر .

روستلر نیکبولی‌نی ضبطه مجبور ایدیلر . چونكه قوجه بر
اردونك خط‌الحركاتی زشتویدن كچن بر کوپری‌یه منحصر بولمق
محدورندن ماعدا بو کوپری‌نك ۴ کیلومتر و شرقنده بیوجك محافظینی
بولنان برقله‌ی علی‌حاله ترك ایتك‌ده بالاخره جنوبه طوغری اجرا
ایده‌جکلی حرکات سوق الحیشه ائناسنده تهلكه‌لی ایدی . فقط
عثمانلی سیار اردولری هیچ مغلوب ایدیله‌دن ویدیندن ، پلونه اوزرندن
کله‌سی محتمل اولان عثمان پاشا قول اردوسی نظر اهمیته آلمق
ضروری ایدی . بو سببدن پلونه موقعی و نیکبولینك غربنده وید
خطی عثمان پاشانك حرکات محتله‌سنة قارشى قواى كافیه ایله
طوتیله‌دجه و عثمان پاشانك کله‌سی محتمل اولان استقامتلك كشفنه
اهتمام ایدیله‌دجه نیکبولینك ضبطنه قالقشمق روسلر ایچون تهلكه‌لی
ایدى ، روسلر بوتدا بیرى باعه‌دیله ، حتی عثمان پاشا پلونه‌یه کله‌جه‌یه

قدر خبر آله‌مدیلر . عثمان پاشا براز ده‌ا اول حرکت ایتدیرسه ایدی
وضعیت روسلرك عامینه دونه‌جکدی .

برنجی پلونه محاربه‌سی : قورودنك ۱۶ تموزده نیکبولی‌نی
تسلیم آلدقندن صكره پلونه‌یه یورومه‌سی ایجاب ایدیوردی ، لکن
نیکبولی محاربه‌سنده قوتلر زیاده یورولمش و قطعات بربرینه قاریشمش
و جیخانه‌ده آکسیلمش اولدیغندن درحال بتون قول اردوایله پلونه‌یه
حرکت ممکن دکل ایدی . عین زمانده غورقو عثمان پاشانك کله‌ده
اولدیغی‌ده بیلمیوردی ، آنحق پلونه‌ده ضعیف بر قوتك بولندیغنه
قانع ایدی ، خصوصیه نیکبولینك محافظه و اسرانك سوق ایچون‌ده
اولدجه اهمیتلی بر قوت افرازی ایجاب ایدیوردی . بو ائشاده قورودنر
قرارگاه عمومی طرفندن درحال پلونه‌یه یورومه‌سی و نیکبولی‌نی
واسرا سوقی نیکبولی قارشیسنده‌کی رومانیا عسکرینه تودیع ایتمه‌سی
امر اولنیوردی . رومانیا پرئسی ایسه عسکر ویرمکده تعلل ایتدی .
چونکی روس اردوسی داخلنده رومانیا عسکرینك استیخامی
و خصوصیه متفقاً حربك اجراسی حقنده اووقته‌قدر بر معاهده امضا
ایدیله‌مشدی . روسیه قرارگاه عمومی ایله برچوق مخبرات نتیجه‌سنده
۱۸ تموزده قورودنر آنحق شیلدنر شولوزر قومانداسنده‌کی ۵ نجی
فرقه‌ی پلونه موقعی اشغال ایتك اوزره سوق ایتدی ؛ بو فرقه‌نك
پلونه‌ی قولایجه آله ایده‌جکلی ظن ایدیوردی .

عثمان پاشا بالاده عرض اولندیغی وجهله ۳۳۰۰۰۰ محارب
قوتنده قول اردوسیله ویدین وجوارنده بولنیوردی . ۱۰ تموزده ،

بالقائله ايلريله ين روس اردوسنك ياننه ايلريله مك اوزره امر الدقن صكره يورويش حاضرلقريني اكال ايدوب آيك ۱۳ نجى صباحي ۱۹ طابور پياده، ۵ بلوك سواري و ۹ بطريه ايله ويديندن يورويشه باشلادی. بونك حركتنى طونهك ديكر جهتنده بولنان رومانيليلر همان كورديلر ورومانيا پرئسى ۱۴ تموزده روس قرارگاه عموميسنه تلغرافله اخبار ايتدی. پرئسك قرارگاه عمومى يه چكديكي تلغراف بروجہ آتی در. « دشمنك ۲۵ طابور قوتنده بيوك برقولنك برابرندہ سواري ده بولنديني حالده سرعتله لوم پلانغه يه طوغرى يوروديكنى قلفاتده بولنان ايلرى قره غوللر بكا اخبار ايتديلر الخ » روس قرارگاه عموميسى بوخبره اهميت ویرمه دكن ماعدا قورودنزه ده بو خصوصده معلومات ویرمه دی.

عثمان پاشا آيك ۱۴ نجى كوني اوكله دن صكره ساعت ۸:۵۰ ده قري وودوله (پلونهك ۸۰ كيلومترو غربنده) كلديكي وقت استانبولدن بروجہ آتی ايكي تلغراف آلدی.

۱. « سريعاً هدف الحركا نكزه يتشمه كزى ذات شاهانه ايراده بيوريورلر. دشمن ايكي قولله يكي زغره وقزاناغه تعرض ايتدی. زده دسكز؟ يانكزده بولنان قطعاتك قوتى نه قدر در؟ سريعاً بيلديريكتز. »

۲. « بوندن اولكي تلغرافده بيلديريديكي وجهله شو آنده مملكت حيات و ممات آره سنده در. بالخاصه شو زمانده غيرت و بيسوك بروطنرورلك ابرازينه مجبوريت واردر. ممكن اولديني

درجه يورويشكزى تسريع ايتمه كزى ذات شاهانه امريوريورلر. عثمان پاشا بو تلغرافلرى آلتجه ۱۴-۱۵ تموز كيجه سى قري وودولدن حركتله ۱۵ نجى كون اوكله دن صكره ويلچدرايه مواصلت ايتدی. بوراده ده عبدالكريم پاشادن بر تلغراف آلدی، بو تلغرافده، « نيكبولينك حالى پك تهلكه لي اولديني بيلديريليور. و ممكن اولديني درجه سرعتله پلونهك اشغالى امر ايديليوردی. »

بو تلغراف اوزرينه عثمان پاشا لوفچه استقامتنده حركتندن صرف نظرله پلونه استقامتنده حركته قرار ویردی و همان پلونه ده كي عاطف پاشا مفرزه سنى تقويه ايتك اوزره پلونه يه ۳ طابور كوندردی. كندىمى ايرتسى كون ۱۶ ايلولده ويلچدرادن حركتله او كون آقشام آتیه ميره كلدی، بوراده تموزك ۱۷ نجى كوني اوكله دن صكره ساعت ۸:۵۰ قدر قالدی، بورادنده حركتله او كون كيجه ساعت ۱۰:۵۰ ده قوياسا (اسماعل بوسار) كوينه كلدی؛ راحوه دن جلب ايتديكي ۳ طاבורى ده بوراده قول اردوسنه التحاق ايتدردی، لوفچهك روسار طرفندن ضبط اولنديني بوراده خبر آلدی. (بو قصبه او كون ايكي روس سواري بلوكى طرفندن اشغال اولنمشدى). آيك ۱۷-۱۸ كيجه سى عثمان پاشا قوياسا كويندن حركتله شفق سوكركن اسقر نهرينه كلدی. بو كيجه يورويشى اثناسنده نيكبولينك ضبط اولنديني خبر آلدی. اسقر نهرينى كيركن وقوعه كان تأخراندن طولاني انجق ۱۸ تموز كيجه سى دولنى متروپوليسايه كله بيلدی. ۱۹ تموزده شفق سوكركن پلونه يه

کردی . اولجه ايلريدن كوندردیكي اوج طابور ايسه ۱۷ تموز
اقتشامی پلونه يه يتشمشدی . بو صورتله عثمان پاشا ويدیندن پلونه يه
قدر ۱۹۰ كيلومتر ولك يولی ۶ كونده هيچ روسار طرفندن خبر
المنه دن قطع ايتدی . عثمان پاشا پلونه يه كلنجه كشف قوللرندن دشمن
قوللارينك پلونه نك شمالنده كي تپه لره ياقلاشمقده اولدقلريني خبر
آلدی و همان اطراف اراضي يي كشف ايدوب ويد نهرينك صاغ
جهتنده بولنان تپه لره قطععاتي يرلشديره رك تحكيمات باشلاتدی . بو
كون پلونه نك شمالنده و رچانك غربنده اك ايلريده بولنان بر قاچ
بلوك دشمنه تماس ايتدی و آتش باشلادی ايسه ده روسار كندی صول
جناح قوللرندن خبر اله مدقلرندن تعرضی ۲۰ تموزه تعلیق ايتديلر .
۲۰ تموزده روس فرقه سی ۱۲۰۰۰ محارب و ۷۰ طوب
قوتنده اولديني حالده شمال و شرقدن تعرضه كچدی . روسارك
بو ايكي جبهه سی آره سنده ارتباط محافظه ايديله مدیكي كي كوچك
بر قوتك غایت بيوك بر جبهه ده تعرضی ده تعرضك شدتی تنقیص
ايتدی . عثمانلی موضعی كشف ايديله مه مشدی . روس طوبخچی
تعرضی احضار ايدهمدی . روس پیاده سی پك اوزاقدن درین یناشیق
نظاملره عثمانلیرك سپرلر ايجندن اجزا ايتديكلری يالايحي آتشاری
التمه ده هجومه قالقدی ؛ روس سواريسي جناحارده عاطل اوله رق
قالدی . بو اسبابدن طولاني روسلر ايجه مغلوب اوله رق ۳۰۰۰۰
كشی ضایعات و يره رك منهزماً اوسما نهری اوزرينه رجعت ايتديلر .
عثمان پاشا تعقيب ايمه دی، فقط جنوبده بولنان لوفچه موقعی

اشغال ايتدیردی ، لوفچه موقعی صوفیه يه و جنوبی بالقانلره كیدن
يولاری ستر ايتديكي جهتله پلونه ده بولنان عثمان پاشا اردوسنك
اشبو ايكي جهتله اولان خطوط مواصله سی تأمین خادمدر .
كریده قالان قابل استخدام مفزره لريني ده جلب ايتدی ، و پلونه يي
دهشتلی بر موقع مستحکم حاله قويمق اوزره تحكيمات دوام ايتدی .
بو حالده پلونه موقعی ويد نهرينك صاغ جهتنده هر ايكي جناحی بو
نهره مستند قوتلی بر صحرا موقع مستحکمی اولمشدی .

تقیدات : روسارك بيوك خطاسی عثمان پاشا قول اردوسنك
حرکتی رومانیا پر نسی اخبار ايتديكي حالده بوكا اهمیت و يرمه مه -
لرنده در . هيچ اولمزه بو خبر كندیلرنجه جای شبهه ايسه بهمه -
حال رومانیا عسكرينك طونه يي مرور ايدرك بر كشف تعرضی
ياهمه سی و بر روس سوارى قولنك ويدین استقامتمنده كشف
ياهمه سی نظر دفته الملی ايدیلر ؛ بو طرزده حرکت ايتسه ايدیلر
برنجی پلونه محاربه سنده كور كورينه مغلوبیتدن قور توله جقلاردی .

عثمان پاشا قول اردوسنك ۶ كون ظرفنده ۱۹۰ كيلومتر ولك
يول قطع ايمه سی او وقت عثمانلی اردوسنك غير قابل حرکت بر
حالده اولمديغي و انجق قلاع اربه ده كي قوماندانلرك عطالتندن
طولاني قلاع اربه اردوسنك يرنده قالدیغنه حكيم ايتك ضروريدر .
عثمان پاشانك لوفچه استقامتمنده حرکته باشلامه سی پك موافقدر ،
بوصورتله هم بالقانلری تأمین وهمده قلاع اربه اردوسيله ارتباطی
تسپیل و كندینك صوفیه و ادرنه ايله مواصله سی تأمین

ایدیش اولدینی حالده روس اردوسنك اوزرینه قلاع اربعه اردوسیه تعرض کسب امنیت ایدیور .

استانبولدن چکیلن تلغرافده شایان دقتدر . اوراسیینه مملکتلرک کیتدیکندن ، مملکت محافظهسی ایچون عثمان پاشانك همان سرعته ایلریله سندن بحث ایدیور !

عین زمانده باش قوماندان عبد الکریم پاشاده نیکبولینك وضعیتی پک تهلهکی اولدیغندن پلونهك اشغالنی امر ایدیور ! فقط باش قوماندان کیم ؟ عبد الکریم پاشایه اعتماد وارسه استانبول نه قاریشیور ؟ یوقسه نیچون باش قوماندان نصب اولنیور ؟

عبد الکریم پاشانك امری شایان دقت . اولجه تقرر ایدن پلان قلاع اربعه اردوسیه عثمان پاشا اردوسنك متحداً روسلرک یانلرینه تعرضی ایدی ، شمدی نیکبولینك تهلهکی بروضعیت آلمهسی اوزرینه بوپلان دیکشیدی ؟ طبیعی اولجه بو احتمالی دوشونهرک بو پلانه قرار ویرلیدی . البت روسلر نیکبولییه تعرض ایده جکره ، روسلر نیکبولییه تعرض ایدرسه بزم ایچون دها ائی فرصت یا ؛ بو صورتله بزم یابه جغمز تعرض قولایلاشیور ، چونکه نیکبولییه قوتلرینك بر قسمنی افراز ایتمش بولنیورلر . عبد الکریم پاشانك بو تلغرافنده هر قطعهك بولندینی یری مدافعه ایتمهسی ، دشمنك بریری ضبط ایتمهسی ایسته دیکی آکلاشیلیور . اراضی محافظهسی سوق الحیشی ! اراضی یی محافظه ، فرصت اولوب دشمن اردوسنی از مکه ممکندر . یوقسه هر کسك بولندینی یری مدافعه ایتمهسیله دکل .

چونکه دشمن بر زمان قوتلرینك قسم اعظمی بر یره طویلار ، اورایی ضبط ایدر ، صکره دیگر طرفه طویلار ضبط ایدرده بزم دیگر قوتلرغز یرغزی محافظه ایده جکر دیه سیرجی اولورسه طبیعی هیچ بر وقتده وطن محافظه ایدیه مز .

عین امرده نیکبولینك وضعیتك تهلهکی اولمسنه نظراً پلونهك اشغالنك امر اولمسی ده عین قیلدندر . نیکبولی کیدرسه پلونه قالسون ! مادامکی نیکبولینك وضعیتی تهلهکه دهر . سریعاً نیکبولییه تعرض ایدن دشمنك کریسنه تعرضه کچ بنده قوتله زیشتووی استقامتده تعرضه کچورم . دیمک ایجاب ایتزمی ایدی ؟

بوامر اوزرینه عثمان پاشانك پلونه استقامتنه تبدیل حرکت ایتمهسی پک موافقدی . چونکه طوغریدن طوغرییه راحوه اوزرندن نیکبولییه ایلریله سه ایدی . وید و اوسما نهر لر نده دشمنك اوافق بر قوتی طرفندن توقیف اولمق تهلهکه سی واردی . حالبوکه پلونه یه کلدکدن صکره هنوز روسلر نیکبولی یی ضبط ایده مامشار ایسه عثمان پاشا نیکبولییه تعرض ایدن روسلرک قولایقله کریلرینه تعرض ایده بیلیدیکی کبی قلاع اربعه اردوسیه متحداً دیگر روس قوتلری اوزرینه ایلریله یه بیلور ایدی .

فقط پلونه یه تقرب ایدنجه نیکبولینك سقوطنی و روس قوتلرینك کندی اوزرینه ایلریله مکده اولدیغنی خبر آلمهسی اوزرینه ، قلاع اربعه اردوسنك اولجه مصمم اولان تعرضندن اثر کورلمه نیجه پلونه موقع مهمنده توقف ایده رک و موضعی تحکیم ایده رک هر حاله

قارشی حاضرق وضعیتند بکاهمه سی چاره یکانه ایدی .
روسار پلونهیه تعرض ایتدیلر ، قلاع اربعه اردوسی بو ائنده
ینه عطاالته قالدی . عثمان پاشا اردوسی روسلرک صاغ یانلرینه قدر
کتیرلدکن صکره قوجه روس اردوسنه الکز بو قول اردویی
یالکز تپله ییکز ، بز اوزاقدن سیرجی اوله جغز دیمک می لازم ،
اوقول اردو اونک ایچونمی دعوت ایدیلدی ؟
فقط جدا شایان حیرت بر اقدار و فعالیتله عثمان پاشا اردوسی
الکی کونلک دهشتلی برجیری یوروشدن صکره ینه او یالکز حالیه
روساری پلونهده مغلوب ایتدی .

فی الواقع روساری تعقیب ایتسه ایدی پک بیوک موفقیتلر
امیدی واردی ، الکی کونلک جیری یوروشدن و ایرته سی
کون بیوک بر میدان محاربه سی ویرلدکن صکره تعقیب ممکن اوله
مه دی ؛ تعقیب اجرا ایدیله مه مه سنه مهم بر سبب دها واردر : قلاع
اربعه اردوسنک تعرضدن خبر یوق ! عثمان پاشا جدی تعقیبه دوام
ایتسونده روس اردوسی اورته سنده کنیندی کاملاً قوشادیلهرق
محو ایدلمش می کورسون ؟ خصوصیه عثمان پاشا قول اردوسنک
کافی مقدار سوارسی ده موجود دکل ایدی ، فقط بوموفقیتدن
استفاده ایدرک قلاع اربعه اردوسیله توحید حرکات ایده ییلمک
ایچون طرنوه استقامتند حرکت ایتسه ایدی شبهه سز ایی اولور
دی ؛ بو حالده عثمان پاشانک غالب قوتلری قارشیسند طرنوه جوارنده
بولنان روس قول اردوسنک مغلوبیتی و یا محاربه یی قبول ایتیه رک

شماله چکیلیمه سی حالنده ، بالقانلرک جنوبه اینوب بو ائنده شبقه یی
ضبط ایتش اولان غورقو قولنک خط رجعتی ده قطع ایدلمش
اوله جقدی ؛ عثمان پاشا بو حرکتیه قرار ویردیکی حالده درحال
قلاع اربعهده بولنان باش قوماندانه معلومات ویروب بو خصوصه
معاونت اولقی اوزره شمنیدن طرنوه استقامتند تعرضه کچیلیمه سی
رجا ایدر . و بالقانلرک جنوبنده بولنان قطعات قوماندانه قرارینی
تلغرافله بیلدیره رک اونلرکده غورقو اوزرینه مقابل تعرضه باشلا
مه لرینی امر ایدر ایدی . بو صورتله حرکت ایتدیکی تقدیرده
موفقیت احتمالی پک زیاده ایدی ، بو صورت حرکتک ترتیبی اساساً
باش قوماندانه ترتیب ایدردی .

ایکینجی پلونه محاربه سی : غران دوق نيقولا انجی قول
اردویی شاقووسکی فرقه سی و سبقوبلف سواری فرقه سیله تقویه
ایدهرک تکرار پلونهیه تعرض ایتک ایچون قرودره امر ویردی .
بو صورتله قرودرک قوتی ۳۵۰۰۰۰ محارب و ۱۷۰ طوپه
بالغ اولدی . عثمان پاشانک قوتی ایسه آنجی ۲۰۰۰۰۰ محارب و ۵۸
طوپ ایدی .

ایکینجی پلونه میدان محاربه سی ۳۰ تموزده وقوعه کلدی .
روسار عینی برنجی پلونه محاربه سنده یاپدقاری کبی بوندهده بربرندن
متفرق ایکی جبهه دن شمال شرقی و جنوب شرقیدن ، تعرض ایتدیلر .
اولجه نه عثمانلی موضعنک هیئت مجموعه سی ونهده منفرد طایه لری
کشف ایدمه مشرلردی . ایکی جبهه دن یاسیلان بو تعرضده اتحاد و ارتباط

محافظه ایدیلهدی. صول جناح جبهه سی پک چابوق ایلری کیتدیکندن، ده صاغ جناح جبهه سی تأثیره باشلامه دن مغلوب اوله رق کریه رجعت ایتدی. و بالاخره صاغ جناح جبهه سی ده مغلوب اوله رق اوده رجعت ایتدی. روس طوپیجیسی پک فائق مقدارده اولدینی حالده بیله اوزون منزلی و طوپراق سپرلر ایچنده بولنان عثمانلی طوپلری و عثمانلی پیاده سی قارشیسنده ایش کوره مه دی. احتیاط غیر کافی اولدیغندن تعرضی اداره ایدن قوماندان برطرفه معاونت ایتک ایجاب ایتدیکی وقت و نتیجه قطعیه استحصالی ایچون محاربه یه مداخله ایده مه یوردی، قوماندان متردد بولندیغندن موجودیتی حس ایتدیره مدی. صنوف ثلثه متحداً حرکت ایده مدی، حاصلی سپرلر کریسندنه بولنان عثمانلی پیاده سنک مؤثر آتشاری طوپلو نظاملرده حرکت ایدن و اراضینک ستره لرندن استفاده ایتمه سی بیلمه ین روس پیاده لرینه قارشى پک مدهش تأثیرات یادی، نتیجه ده هجوم قوللری پک زیاده تلفات ویره رک بارچه بارچه طردایدیلر. بوجه بالا عرض اولنان اسباب و خطالردن طولانی روسار بو محاربه ده ده مغلوب اولدیلر؛ رجعت ایچون کیجه نك ظلمتندن استفاده ایتدیلر. ایرته سی صباح، ۳۱ تموزده، پریشان بر حالده رجعتلرینه دوام ایتدیلر، فقط او یله بر پریشان حالده رجعت ایدیور لردی که عثمانلیلر طرفندن جزئی بر تعقیب یالیش اولسه ایدی بو رجعت فرار حالته منجر اوله جقدی. روسلر بو محاربه ده ۷۰۳۰۰ و عثمانلیلر یالکمز ۲۰۲۰۰ ضایعات ویردیلر. عثمانلیلرده بو محاربه ده

بتون احتیاطلرینی استعمال ایتیش اولدقلرندن و کافی مقدار سواریلری ده بولمده یغندن مغلوب اولان دشمنی تعقیب ایتمه دیلر، بعض آثار عسکریه یه نظراً، عثمان پاشا کرک لوفچه اوزرندن سلیمان پاشا ایله و کرک طرنوه اوزرندن قلاع اربعه ایله برلشمک اوزره ایلریله مک ایسته مشدی، فقط استانبولدن ویریلن امره نظراً ینه پلونه ده قالمغه مجبور اولشدور.

تقدیات: عثمان پاشانک ایکنجی پلونه غالبیتدن صکره همان وضعیت حربیه نك مساعدنه سندن استفاده ایده رک حال انفراددن قورتولمق و دیگر سلیمان واحد ایوب پاشا اردولریله توحید حرکات ایده بیلمک ایچون بهمه حال طرنوه استقامتنده زمان کچیره دن تعرضه کچمه سی ضروری ایدی. بو ائشاده کی فرصت برنجی پلونه محاربه سندن صکره ظهور ایدن فرصتدن ده مساعد ایدی؛ چونکه عثمان پاشا بو محاربه ده، روسلرک بیوک برقوتی ایجه مغلوب ایتیش اولدیغندن و بو ائشاده سلیمان پاشا اردوسی ده بالقانلرک جنوبنده تقویه ایدیش اولدینی حالده فائق برقوتله غورقو قولنی مغلوب ایتیش و بالقان کچیدلرندن طرد ایتیش بولندیغندن روس اردوسنک قوه معنویه سی ده ایجه قیریلش ایدی بوسبدن عثمان پاشانک بو حرکتنی تسهیل ایتک اوزره سلیمان پاشا غایت مؤثر صورتده عثمان پاشایه معاونت ایده بیله جک بروضعیتده ایدی. عین زمانده احمد ایوب پاشا اردوسی طرنوه یه طوغری ایلریله یرک بو اوچ اردونک طرنوه استقامتنده اجرا ایده جکی متقارب بر تعرض حرکتی هر حالده هم اردولرک

توحيد حرکاتی و همده دشمنك طرنوه جوارنده کی ضعیف قول اردوسنك وغورقو قولنك تماماً مغلوب ایدیله سنی تأمین ایده بیلوردی . فقط باش قوماندان بوحرکتی اجرا ایچون اتخاذ ترتیبات ایتمدی ، عثمان و سلیمان پاشا اردولرینه ده بوخصوصده امر و یرمه دی ، حالبوکه بوضورتله حرکتك ترتیب و تطبیق باش قوماندانك وظیفه سی ایدی . فقط قوماندان امر و یرمه دیکی حالدہ دخی عثمان پاشا بو حرکتی کندیله کنندن اجرایه قرار و یروب بوخصوصده کنندینه معاونت ایدیلک اوزره باش قوماندانه و سلیمان پاشایه قرارینی بیلدیر- مه لی و حرکتیه کچه لی ایدی . چونکه بوراده قالدینی تقدیرده روس اردولرینه قارشى سوق الحیدشه برتأثیر یاپه میه جفی کبی روسلرک دها بیوک بر قوتله تکرار پلونه یه تعرض ایده جکلی محقق و بناءً علیه نهایت آروجه مغلوب اولمق آشکار ایدی . عثمان پاشایه پلونه ده قالمق خصوصنده استانبولدن امر و یرلمش اولمه سته نظرآده ینه تکرار ایدرزکه باش قوماندان کیم ؟ استانبول مادون قوماندانلرک حرکاتنه فصل مداخله ایدیور ! مادامکی بواصر فن حربیه موافق اوله رق و یرله مشدر ، او حالده فن حربیه واقف بر قوماندان آنجق آمرینك (باش قوماندانك) امرینه نظرآ حرکت ایده جکندن و حتی بعض حالاتده مسئولیتی درعهده ایدرک کندیله کنندن حرکتیه مجبور اولدیغندن عثمان پاشانك ، استانبولک و یردیکی امری هیچ اهمیته آلمه سی ایجاب ایدردی .

برنجی پلونه محاربه سنده مغلوب اولدقدن صکره دیگر

دارالحرکاتلرده . برقاچ کون ایچون ضعیف ترصد قولی ترک ایدرک روسلرک بیوک بر قوتله پلونه یه تعرض ایتمه لری ایجاب ایدردی . خصوصیه بو اثناده عثمانلی اردولری ده عطا لته بولندقارندن مهم نقطه لرده بیوک قوت جعی روسلر ایچون ممکندی . وایکنجی پلونه محاربه سندن اول هر حالده پلونه یی تماماً غریبندن ده احاطه ایتمک الزم ایدی .

۲ نچی دور

آگستوس و ایلول آیلرنده اجرا ایدیلن حرکات سوق الحیدشه

روسلرک یکی پلانی — روس اردولرینك طاغنیق بولنه

سندن طولانی ۱ اغستوسده وضعیت و حاللری بوجه آتیدر :

پلونه ده ایکی محاربه ده روسلر مغلوب اولدی ، غورقو بالقانلردن طرد اولندی ، قلاع اربعه یه قارشى بولنان چاره و یج غروبی لوم اوزرنده غیر متحرک قالدی . حربك ابتدا سنده عاقل بر حالده بولنان ایکی عثمانلی اردوسی شمدی روسلر طرفندن هان غیر قابل هجوم بر وضعیتده بولنیورلر . سلیمان پاشا قومانداسنده اوچنچی بر عثمانلی اردوسی ده روسلرک پک ضعیف قوتده کی جبهه لرینی تضییق ایدرک عثمان پاشا قول اردوسیه قلاع اربعه اردوسی برلشدره جک و اردولرینك توحید حرکاتی وجوده کتیره جک بر حالده بولنیور .

بروجه بالا خصوصاً تندن طولانی روس ارکان حربیه سی تدابیر جدیدی اتخاذینہ مجبور قالدی . روس قرارگاه عمومی طر نوهدن تکرار بیه لایه عودت ایتدی ؛ ۹ نجی قول اردو ۴ نجی قول اردو ایله تقویه ایدیلرک جنرال زو توفک قومانداسنده پلونه یه قارشی غرب اردوسی تشکیل اولندی ، ۱۱ نجی قول اردو ایله چاروچ غروب تقویه ایدیلدی . بونلردن ماعدا ، روسیه ده بولنان ۳ قول اردو ایله خاصه قول اردوسی ده سفر بر ایدیلرک بونلرک جلی ایچون امر ویریلدی . نهایت اووقته قدر اهمیت ویرلمش اولان رومانی اردوسنک ده حرکات حربیه اشتراکی ایچون چار طرفندن رومانیا پر سنه بر تلغراف چکیلدی . معلومدرکه اعلان حربدن اول روسلرله رومانیالیر آرمسندہ پایلان خفی اتفاقده آتخج روس اردوسنک رومانیادن کچمه سی تقرر اتمش ایتدی ، رومانی اردوسنک ده روس اردوسیله برلکده حربہ صورت اشتراکی آرادہ کی اختلافدن طولانی ، تقرر ایدہ مه مشدی . چارک چکدیک تلغرافک مالی : « خرسیتانلق محو اولیور . هر بر شرائطه راضی یم چابوق طونه نی کچ . » بونک اوزرینہ رومانی اردوسی نیکبولی ده طونه نی کچرک پلونه قارشیسندہ بولنان روس اردوسنک صاغ جناحنی تشکیل ایتدی . جنرال رادہ چکی قومانداسندہ کی ۸ نجی قول اردو غابرووا وشبقه کچیدلرینی تحت اشغالده بولندیر یوردی ، روسارک بروجه بالا عرض اولنان وضعیت حربیه لرینہ نظر آ پلونه و شبقه ده مغلوب اولمش و لومده غیر متحرک قالمش بولندقلری

وقوتلری ده پک آزماش اولدینی و حالبوکه هر آن عثمانلی اردولرینک یانلردن وجهه دن تجاوزہ کچمه لری محتمل بولندیغندن روسلر کریدن تقویه قطعاتی کلنجه یه قدر بولندقلری وضعیتده تدافعی اوله رق قالمغه و آتخج تقویله کلدکن صکره حرکات تجاوزیه ده دوامه قرار ویردیله . بوسیدن اغشتوس آیی وقایع مهمه ظهور ایتهدن کچدی .

عثمانلیرک وضعیت و باش قوندانک مقاصدی : عثمانلی

اردوسنک یکی سرداری اولان محمد علی پاشا حرکات تجاوزیه کچمک ایچون حاضر لنیوردی .

محمد علی پاشا ، سلیمان پاشانک ، بالقان کچیدلرینک محافظه سنی رؤف پاشایه تودیع ایدهرک اردوسیله آلهنا و عثمان پازاری اوزرندن بالقانلرک شمالنه کلسمی و بواردو کلدکن صکره ایکی اردو ایله جهه دن و عثمان ورؤف پاشانک ده یکدیگریله اتحاد و ارتباطی محافظه ایدهرک روسارک یان و کریرینہ تعرض ایتدسنی و بوضو رتیه روساری طونه یه دوکمه نی ایسته یوردی . ایکی سبیدن طولانی محمد علی پاشا بویلا نی موقع فعله قویه مدی ، اولا اردوده لوازم ، نقلیه و قطعات فنییه دائر تشکیلات پک نقصان و امر قوماندایه عائد اولان تشکیلات پک فنا اولدیغندن بونلرک تنظیم واکالی ایجاب ایدیوردی ، ثانیاً سلیمان پاشا بالقانلرک جنوبندن یوقاری حقیقتی ایسته مه دیکندن باش قوماندانک بوارزوسنه ممالعتله کلیتی تلفات ایله متعدد دفعه لر جنوبدن شبقیه نتیجه سز تعرضار یاییوردی . سردار یالکز قلاع اربعه اردوسیله تعرضه مجبور قالیوردی ، بوسیدن قلاع اربعه اردوسی باشلوجه

ایکی غروب حالده ترتیب و تشکیل ایتدی ، عثمان بازارنده بولنان غروبى مصرلى پرنس حسن ، رازغرادده کی غروبى ده احمد ایوب پاشا قومانداسنه ویردی .

تقییدات : محمد علی پاشا فی الواقع حرکات تعرضیه به باشلامغه قرار ویریور ، فقط اردونک تنظیم و تشکیل ایچون تعرض نأخر اییدیور ، بوکین زمانلار فندهده روسلرک برملی ده قوتلنه جکاری معلوم ایکن ایکنجی پلونه غالبیتی کبی بردها بولنمه سی مشکل برفرصتی قاجیرمق هیچ بروقتده جائز دکل ایدی . موجود قوت و تشکیلاته اکتفا ایده رک و عثمان و سلیمان پاشالرده سریعا تعرضه کچمه لرینی قطعی اوله رق امر ایده رک همان پلونه دن رجعت ایتمکده بولنان روسلرک اوزرینه تعرضه کچمه لی ایدی . بالقانارک شمالنه کچه رک توحید حرکات ایتمه سی تکلیفی سلیمان پاشانک قبول ایتمه سی و بونک اوزرینه استانبولک سلیمان پاشانی قوماندانلقده ایضا ایتمه سی اردویه و وطنه قارشى ارتکاب اولنان اک بیوک جنایتدر .

حکمدار امنیت و اعتماد ایده رک باش قوماندانی تعیین ایتمش اولدینی حالده فصل اولیور که باش قوماندانک امرینه اک مهم برزمانده عاصی اولان بر معیت قوماندانی کندی حالنه براقیور ، و حتی او معیت قوماندانک بایدینی اطاعتلرنی ترویج اییدیور ! استانبول بوطرز حرکتیه دیگر قوماندانلرده اطاعتلر ق و اتحادلر ق درسی ویریور ! او حالده اک باشد بولنان مقام و یا بومقام نامنه حرکت ایدن مابین هیئتى آنجق قوماندانلرک اتحادی واردولرک توحید حرکاتی سایه سنده

وطنک قورتاریله جغنی هیچ نظر اهمیته آلمه دقدن ماعدا اردو تو - ماندانلری آرمه سنده اختلافات و اطاعتلر ق لقلرک ظهورینی تشجیع اییدیور ! قوماندانلر وظیفه لرینک اهلی اولسه لر دی یوقارینک بوکبی مداخلات مضره سنک هیچ تأثیری اولمزدی ، وظیفه سنی بیان و وطنی فلاکتدن قورتارمق ایسته یین بر باش قوماندان فن حرب ایجابجه النده بولنمه سی لازم کان صلاحیتی بلاتر دداستعمال ایده رک هیچ بر مسئولیتدن قورققمیزین سلیمان پاشانی تبدیل ایدر و یالاتی ده تطبیق ایدردی ! فقط استانبولک اوزاقدن ناججا مداخلاتدن و عزل اولنقدن چکنمه مک شرطدر . اطاعتلر ق قوماندانلره مقصدینی اجرا ایتدره - مه ممکن ایسه صلاحیتی استعمال ایده رک اولنری تبدیل ایتمک و یوقاریسی بوکا رضا کوسترمزه ؛ اردوی مغلوب ایتدیرمکدن ایسه او موقعی ترک ایتمک ده ناموسکارانه بر حرکتدر ، بر باش قوماندانک سوق الحیشجه صلاحیتی شوصورتله افاده اولنه یلیور « دشمنی مغلوب ایتمک ایچون معیتده اولان اردولری نه صورتله استخدام لازم کلیرسه استخدام ایتمک » او حالده استانبولدن مداخلات نیچون بایلیور ؟ مسئولی کیمدر ؟ شورایی بالمناصبه عرض ایده ییم که بو حربده مغلوب اولمه مزه باشلوجه سبب باش قوماندانک صلاحیتلرینه ییلدیزک مدا - خلالتیدر . نه وقت که بر مادون قوماندان موقعنک محافظه سنی ، ترفیعنی تفضی بشقه بر مقامدن بکلر و باش قوماندانک کندیته برشی یاپه میه جغنی حس ایدر سه باش قوماندانک نفوذی قالمز و اطاعتلر ق لکلر و عاصیلکلر باش کوسترر ، سلیمان پاشا کندینک ترفیع ، استخدام

وتجزیه سڙک طوغریدن طوغری به باش قوماندانک النده اولدیغنی بیلسه ایدی هیچ بر وقتده بو اطاعت سزلکی پامزدی، یاسه بیه در حال یرینه بر بشقه سی تعیین اولنوردی! کوریلورکه باش قو-ماندانک صلاحیتنه مداخله ایدن و یا مادون آمرله امر و یرن بیلدیز ردوده اتحاد حرکتنه مانع و بناء علیه اردونک مغلوبیتنه سبب اولدی. بزه بومناویت درس عبرت اولمه لیدر: قوماندانک صلاحیتی مسئله سی او قدر مهم و او قدر مقدسدرکه بوکا ذره قدر مداخله صولک درجه متین اولسی ایجاب ایدن اردوده کی اتحادی پک چوروک بر حاله کتر و در حال اتحاد سزلقلر باش کوستر: نتیجه حربده اتحاد حرکتک تأمینی ایچون باش قوماندان اولان ذاتک صلاحیتنه قطعاً مداخله ایدیله ملی و هر حالده معیت قوماندانارینی تبدیل ایده بیله سی حتی و یریله لی و هیچ بروقتده ولو حکمدار طرفندن، بو صلاحیتک جزئی اولسون تغییری جهتیه کیدیله مه لیدر. بو خصوصاتک اهمیتندن طولانی براز ده تعمیق ایدم:

اردونک اک یوقاری سنده بولنان مقامانده صلاحیت و وظائفک حدودینه و امر و قوماندان خصوصانده کی اصول و مناسبتیه رعایت ایدلر و بونار قوانین و نظامات ایله تعیین ایدیلرک قطعاً مرعی اولمزه ده اشاعیرده ده صلاحیت و وظیفه به رعایت ایدیله میه جکندن اک دهشتلی اداره کیفیه و مستبده باشلار. اگر وقت صلحه اردوده صلاحیت نأسس ایتش اولسه ایدی بوناره میدان قلمزدی. فقط مع التأسف استبداد بوکا ماندر.

چوق شکر و طنم سڙک اداره مشروطیه نائل اولمسیله اردو مزده

بو اداره کیفیه دن قورتولش اولیور، اوت قانون اساسیمزله باش قوماندان اولان ملک یارادییشلی بیوک پادشاه سڙک اردویه عائد اولان وظائف و صلاحیتی تعیین ایدلشدر، ینه بو قانونه نظراً حربیه ناظری اردونک هر خصوصاتک یکانه مقام مسؤلیدر. شبهه سز بواساس اوزرینه ارکان حربیه عمومیه نکده حربیه نظارتک تحت امرنده بولمسه سی ایجاب ایتدیکندن، باشلو باشنه اردویی حربیه حاضر لامق خصوصانده کی وظائف و صلاحیتک و حربیه ناظرینه قارشى اولان موقعنکده سریعاً قوانین و یا نظامات مهمه ایله تعیین ایدیله سی ایجاب ایدر.

بیوک بر حرب و قوعی حالنده ده ارتق بیوک پادشاه سڙک بر قیاج مابین کاتبنک فکریله استانبولدن حربی اداره ایتمکدن مستغنیدر. ذات شاهانه لری معیت ملوکانه لرنده بیوک ارکان حربیه هیئت اولدینی حالده، اسکی پادشاه لریز کی بالذات و بالفعل باش قوماندانلغی در عهده بیورهرق ارتق بردها ۷۷ سفرنده اولدینی کی قوماندانلر آره سنده اختلافات حدوشه امکان براقلمیه جقدر. ذات شاهانه لرینک بالذات قوماندانی در عهده بیورمه لری ایجاب ایتمه ی حرب بارده ایسه یرلینه بر باش قوماندان تعیین بیورمه جقارندن البت شمیدین، حربده باش قوماندانلغک صلاحیتی حقنده نظامات مهمه وجوده کتیریله لیدر.

براردونک حربده موفقیت قازانمسه آنجق متین بر اتحاد حرکت سایه سنده ممکندر، متحد بر کتله مدعشه حالنده مهم

نقطه‌لرده سریعاً توحید حرکات ایده بیلمه‌سی ایچون وقت صلحده اردوده هر رتبه‌نك ، حتی الك كوچك بر اونباشینك بيله وظیفه و صلاحیتك قانون و نظام ایله مقید و محفوظ اولسی و بو صلاحیتك هرشیدن مقدس طوتمله‌سی شرطدر . نتیجه هرمدون ، بر درجه مافوقنك یکانه آمری اولدیغنی و اونك رضاسی منظم اولدقجه دهها بیوك آمرلینك نه تلطیف و نهده تجزیه‌سنه کیده‌میه جکلرینی بیلمه‌لیدرکه قلب و فعلنده اوکا قارشى بر اطاعت مبتینه تأسس ایتسون ، فقط بو اطاعت و ارتباط جیری اوله یوب قلبی اولمق شرطدر ؛ مافوققانون و نظامه رعایت ایتمەدن مادونلرینه کیفی معامله ایدرلرسه طبیعی اخوت یرینه نفرتی تولید ایدر . مادونلرینه قارشى صلاحیتە مالک اولان بر درجه مافوقلرکده خط حرکتلری و درجه صلاحیتلری حقنده مکمل و واضح قوانین و نظاماتک وجودی و آمرلر طرفندن بونلرک بتمامها تطبیق ایدیلوب ایدله‌دیکنک دائماً تفتیشی و آمرلرک بر درجه مادونلرینه قارشى پدرانە بر محبت قلبیه ابراز ایتهلری ، و فقط وطنک سلامتی ایچون بوقوانین و نظاماتک موادینى تطبیقده ذره‌جه مسامحه ایتمه‌ملری سایه‌سنده اردوده حقیقی انضباط و معنوی براتحاد و اخوت تأسس ایدر . ایشته وقت صلحده بو حالده اولان ، یعنی صلاحیتە بحق رعایت ایدن ، اردولر حربده‌ده متحداً حرکت ایدرلر . کوریلورکه بیوك قطعات قوماندانلرینک کرک اداره و کرک وظائف حربیه‌ده مادونلرینک صلاحیتنه مداخله ایتمه‌مەسی و مافوقته اطاعت ایتمه‌سی

آنحق ملازم ثانیلکدن اعتباراً اردوده بو طرزده تربیه ایدلش اوله‌سیله ممکندر ؛ عکس حالده ، شاید اقتدار عسکریتی ده یوقسه ، بعضاً عناد جبلی ویا کور کورینه اطاعتدن تبری ایده‌مزلر . او حالده چالیشه‌لم ! اردومزک حربده متحداً حرکت ایده بیلمه‌سی ایچون « صلاحیت » قدرت مقدسه‌سنی تأسس ایدلم و بو سایه‌ده اقتداراً و اخلاقاً وطنه نافع قوماندانلر یتشیرلم . اردوده آنحق بوسایه‌ده متانت حقیقیه تأسس ایدر .

نتیجه حرب صلحده حاضرلار نور . وقت صلح تشکیلات و امر و قوما . نداسی نه درجه حربیه موافق اولورسه اعلان حربده اوقدر از تبدلاتله و بناءً علیه زمان غائب ایتمەدن وقاریشقارک ظهورینه میدان ویرمەدن حرکات حربیه‌یه مباشرت اولنه‌یلور .

بالقانلرده کی حرکات . — ۳۱ تموزده وقوعه کان اسکی

زعره محاربه‌سندن صکره سلیمان ورؤف پاشالر ، کندیلرینه سردار محمدعلی پاشانک امر ایتدیکی وجهله ، غورقو قولی تعقیباً بالقانلری کهرک یانتر وادیسنه چیقه بیلورلر و قسماً احمد ایوب پاشا و قسماً ده عثمان پاشایه و یاخود بوایکیسندن یرینه التحاق ایده‌بیلورلردی . حالبوکه بالقا نلرده باشلی باشنه حرکت ایدن قوماندان یوقاری‌یه چیقنجه طوغریدن طوغری‌یه سردارک قومانداسنه کیره‌رک وضعیتی مادون قوماندانلغنه اینه‌جکندن نتیجهً قطعیه استحصالنی تأمین ایده‌جک اولان بومانو . ره‌یه اشتراک امرینه ممانعت ایتدی ! بو ائشاده شقه کیدی راده‌سکی قومانداسنده کی روس قوتلاری طرفندن مدافعه ایدیلکده ، دیگر کیدلر

آچیق بولمقده ایدی . سلیمان پاشا اغستوسک ۲۰ سندن ۲۷ نجی کوننه قدر ۷ کون بوشیقه کچیدینه شدتلی تعرضار یاپدی ، فقط روسلار غایت جدی مدافعه ایتدکلرندن لزومسزیره پک دهشتلی تلفات ویردکلن صکره قزانلغه رجعت ایتدی و بوراده کریدن تقویه قطعاً . تئک کلهسنی بکلهدی .

برآی صکره سلیمان پاشا ایاولک ۲۱ و ۲۲ نجی کونلری عین کچیده ینه کمال شدتله قطعاتی تعرض ایتدردی ، بومحاربه بوحریده وقوعه کلن محاربهرکک مدھشلرندن و تلفاتیلرندن ایدی ، ینه روسلری موقعارندن طرد ایدهمدی ، تماماً مغلوب اوله رقتکرار طونجه وادیسنه رجعت ایتدی ؛ روسلار ایسه عثمانیلری تعقیب ایتیه رک موضعلرنده قالدیلر . بر از زمان مسکرده سلیمان پاشا محمد علی پاشانک یرینه سردار تعیین اولندی . کندی قطعاتنک الک اپی قسمی قلاع اربعه یه کتردی و یرینه کچن رؤف پاشایده ده بالقانارک مدافعه سی ایچون یکیدن قوت تشکیل ایتهمسنى امر ایتدی .

تنقیدات : سلیمان پاشا ایچون انحق بر وظیفه سوق الحیشیه موجود ایدی ، اوده سردارک امری موجینجه بالقانارک یوقاریسینه چیقوب اردو ایله توحید حرکات ایتک ایدی . بونی یامه دی ، صکره ده شقه یی ضبطه قالدشدی . شقه یی ضبط ایتکلدن مقصد سوق الحیشی نه اوله بیلوردی ؟ هیچ ! اگر مقصد روسلری اشاغی ایندیر . مه مک ایسه یوقاریده روس اوزرینه بتون قوتلرله متحداً یاپیله حق تعرض بونی تمامیه تأمین ایدردی ، هایدی اونو یامه دق ،

روسلر بالقانندن اشاغی اینه یورلرکک ! اینن روس قولى اولورسه اونک اوزرینه تعرضه کسون ؛ نیچون متین بر موضعه بولنان دشمنه هیچ بر لزوم اولقسزین پک تلفاتلی هجوملر یاپور . خطالی اوله رقت شقه یی ضبط ایتکله قرار ویرمشسه بیله مطلق جبهه دن هجومدن نه چیقار ، شقه دن ماعدا اولان بتون کچیدلر بوش طور یور سلیمان پاشا قوتلرله بالقانارک شمالنه چیقوب و بو ائشاده شقه یه کوچک بر ترصد قولى ترک ایدوب شقه نک قولایجه ارقه سنی ده آله بیلوردی . بونارک هیچ بری یاپیامیوب جبهه دن اجرا ایتدیکی پک دهشتلی هجوملرله لزومسزیره پک زیاده تلفات ویردی و موفقده اوله مدی .

برنجی دفعه ۷ کون اجرا ایتدیکی موفقیتسز هجوملرندن درس آلمیان سلیمان پاشانک تکرار برآی صکره عین موضعه تعرضه کیمه سی جنت وجهالتدن بشقه هیچ بر شیئه حمل ایدیله من . ایشته فکر عسکرکیسی اولمیان فقط جسور و عنود اولان قوماندانلرک ایضا ایده جکی خدمت ! شایان تعجب و آغلانه جق بر شی وار ایسه اوده بویله بر قوماندانک عاصیلک و جهالتنک مکافاتی اولمق اوزره باش قوماندان تعیین اولمیسیدر .

سلیمان پاشانک ، باش قوماندان اولدقدن صکره کندی قوتنک قسم مهمنی برابر کتورمه سی پک شایان دقتدر . مادامک قلاع اربعه ده کندی قوتنه لزوم اولدینی کندنجه ده مسلم بولنیوردی احوالده نیچون سردارک امرینه اطاعت ایتهدی ده شمدی کتوریور . لوم نه ری جوارنده کی حرکات : محمد علی پاشا ائشستو .

سك نهايتنه طوغرى تجاوزره كچمك ايچون استحضاراته باشلادی. روسجقدن عثمان بازارينه قدر امتداد ايدن بيوك بر جبهه ايله ، چاره ويچك اردوسك بولنديني لوم خطنه تقرب ايتدی . دشمنه قارشى بتون بوقوتلرله متحداً وجدی بر مقصد تعقيب ايدهرك بر ميدان محاربىسى بايسله جق یرده جبهه نك بتون امتدادنجه قطعات منفرد برضورتده ، مختلف محل وزمانلرده محاربىلر ويرديلر . و آرى آرى موفقيتار استحصال اولندی . بالخاصه ۴۳ اغستوسده جنوبده آياسلرده و ۴۰ اغستوسده شمالده قاضى خاندە ۵۵ ايلولده مركززده قاجله ووده وقوعه كان محاربىلراك موفقيتلى اولانلردر . بو طرزده استحصال ايديلن منفرد موفقيتار بيوك بر نتيجه تأمين اتمەدى . فقط چاره ويچ ضعيف بولنديني ايچون لوم خطنى ترك ايدهرك بيهلا استقامتنده كرى يه چكىلدى . لکن موسم فنالشدی . عثمانلى اردو- سىك لوازم فنيه و نقلیهسى اولديغندن واعاشه خصوصى ده پك بوزوق بر حالده بولنديغندن حرکات تجاوزيه دوام ايدەمدى ؛ آنجق ۱۵ ايلولده بيهلا استقامتنده تکرار يورويشه باشلادی . فقط روسلر يانترايه رجعت ايتدکدن صكره قوتلارنى طويلاشمش و كسب تقويت ايتمش بولنيورلردى . بو تعرضده يانترا ايلريسنده روس قطعاننه تصادف ايدلدى . باش قوماندانك مقصدى دشمنك صاغ جناحنى احاطه ايدهرك يانترا دن طرد ايتك و سليمان و عثمان پاشلارك قوتلار يه ارتباطنى تأمين ايتك ايدى . جبهه ده ايسه آنجق نمايش ايله اکتفا اولنه جقدى . حرکاته دوام اولندى ، فقط احاطه يه مأمور مصر

فرقه سىك ايلريليجه چكى اراضينك كول و بطاقيق و صعب المرور مواقعه مستور اولمسندن و مصر عسكرينك تعليم و تربيه كورماشمش بولنمه- سندن طولايى پرنس حسن قومانداسينده بولنان بو احاطه قوتى روسلارك آتشنه اوغرا نجه ايلرى كيدەميه رك رجعت ايتدى . جبهه ده ده پك كوشه ك طاورانيلدى . ينه برطاقم اتحادسز و منفرد محاربات نتيجه سنده ۲۱ - ۲۲ ايلول كيجهسى رجعتە باشلاندى ، ذاتاً معيت قوماندانلرى اقتدارسز اولدقلرندن بويله بيوك جبهه اوزرنده باش قوماندانك مقصدينه موافق اوله رق متحداً بر ميدان محاربىسك اجراسى غير ممکن ايدى . بوندن اول لوم اوزرنده وقوعه كان محاربەده عین حال واقع اولمشدى . بو حرکته نتيجه سز قاله رق سردار اردويى تکرار لوم كريسنه چكىدى . ۳ تشرين اولده ده سردار ك يرينه سليمان پاشا تعيين اولندى .

سليمان پاشا بالقانلرده بولنان قطعانك قسم اعظمى برابر كتيردى ؛ لکن اردويى تنظيم و نواقصى اكمال ايتك بهانه سيله ايكي آى بر مدت قلاع اربعه ده عاقل اوله رق قالدى . تشرين ثانى نهايتنده صول يانيله بردنبره تعرضه كچدى ؛ ناکه انى اوله رق آله ناده ۴ كانون اولده بروس قول اردوسنى مغلوب ايتدى ؛ بوقول اردو چاره ويچ ايله روسلارك بالقانلرده بولنان قوتلرينك ارتباطنى تأمين ايدىوردى . بونك اوزرينه طرنوه يولى آچيلمشدى ، پلونه يه ايلريله يوب عثمان پاشايى قورتاره بيلوردى ، چونكه بو ائشاده پلونه روس اردوسى طرفندن كاملاً محاصره ايدلمش اولديغندن مشكل

بروزمیتده بولنیوردی . سلیمان پاشا طوغری ایلری حرکتده دوام
ایده جک یرده صول جناحه روسجق طرفنه کلرک بیهوده یره
زشتووی استقامتنده یارمغه چالیشدی .

بو اثناده (۱۰ کانون اول) پلونه نك سقوطی ایکی
طرفك شمدي یه قدر یاپدقاری ویاپمقده اولدقلری حدسز حسابسز
و ارتباط و اتحادسز اولان قره لوم منطقه سنده کی حرکتده نهایت
ویردی .

تذکیرات : سردارک اغستوس نهایتنده اجرا ایتدیکی تعرض
حرکتی ، روسارک بیوک براردوینی پلونه اوکنه سوق ایدرک پلونه یه
اوچینجی دفعه اوله رق تعرض ایتک ایچون حاضرلاندقلری زمانه
تصادف ایدیور . یکدیگرندن آیری بولنان غروب لارک توحید حرکات
ایتمه سی الزم بولندیجی جهتله روسلر پلونه یی صیقیشدی ریمق ایچون
بیوک برقوتی او طرفه سوق ایتدیکلری بر زمانده سردارک شرقدن
تعرضه کچمه سی پک موافقدیر، بوضورتله قارشیسنده ضعیف قوته
تصادف ایده جکندن غالب کله سی حالده پلونه قارشیسنده کی دشمن
اردوسنک کرلیسه دوشیورکه هر حالده غایت ائی بروزمیت ایدی .
فقط بو تعرضده ۷۵ کیلو مترولق برجهه آلمه سی قطعیاً موافق
دکل ایدی . عین زمانده نتیجه قطعیه مطلوب اولان جهتده غایت قوتلی
بولنوب واوراده ناکهانی اوله رق دشمنه ، ضربه یی اورمتی و دیگر
جهتلرده ایسه ضعیف بولنق ایجاب ایدردی .

نتیجه قطعیله ضربه یی دشمنک صاغ جناحه اورمه لی ایدی .
مقصد وقوتمز حقدده دشمن معلومات آلمه دن حرکاتی پایه بیلیمک
ایچون هر حالده سواریمزک و بوضعیف اولدیغندن بوکا استنادکده
اولق اوزره منفرد ایلری مفرزلرک بیوک مسافه لرله ایلری سو-
رولمه سی و جبهه و جناح ایلیسند بولنان یوللر اوزرنده کی مهم
نقاطک اشغال ایداش بولمه سی و بو صورتله بیوک برپرده تشکیل
ایجاب ایدردی . آنجق بو پرده نك ستر و حایه سنده اوله رق ایسته-
نیلن نقطه یه ، دشمن خبر آلمه دن ، قوای فائقه جمی و ضربه
قطعیه نك اورلمه سی ممکن اولوردی .

جبهه نك بو قدر بیوک اولمه سی ده حرکات و محاربه نك باش
قوماندانک مقصدینه موافق اوله رق اداره سنه مانع اولدی . عین
زمانده معیت قوماندانلرینک وظیفه لرینک اهلی اولماسی بویله بیوک
بر جبهه ایله متحداً محاربه اجراسنی ممتنع قیلدی . باش قوماندانک
ویردیکی اوامر جناحارده بولنان قطعاته انجق ۲ : ۳ کونده کیدرسه
و جناحارده بولنان قطعاتک کوندردکلری راپورلر انجق بو قدر
کونده کلیرسه و عین زمانده معیت قوماندانلری بدعت ذاتیه ایله
ایش کوره جک حالده بولمزلرسه اومیدان محاربه سنده شدت، سرعت،
اتحاد و بناءً علیه موفقیت اولورمی ؟ فی الواقع نقاط منفردده
پارچه پارچه موفقیتلر الله ایدلدی ، فقط نه یه یارار ! پارچه پارچه
موفقیتلر بر مقصد متحکک تأمین ایچون استحصال ایدیور . او
موفقیتلردن انجق اومقصدک استحصالی ایچون استفاده ایدیورسه

حسن نتیجه ویرر ، عکسی حالده بیپوده یره عسکری تلف ایتمکدن
بشقه فائده سی اوله مز ، بوموقعی موفقیتار بزه ارائه ای دیور که عثمانلی
عسکری و کوچک ضابطانی روسلارک عسکرندن و ضابطانندن دها
مقتدر و دها معلم ایدی . فقط بیوک قوماندانلرک سوق الحیش و تمیسه
جسیمه حقنده فکرلری اولدیغندن قطعاتک بو موفقیتانندن بر
مقصد متحدک تأمین ایچون استفاده ایدیلدی . یعنی میدان محاربه سی
باش قوماندانک امر و قومانداسنه نظراً اداره ایدیله یوردی ، حقیقتاً
اگر بر مقصد محاربه تعقیب ایدلسه ایدی صاغ جناحزده آیلسارده
استیصال ایندیگمز موفقیت تمید اولنور و بو طرفدن دشمنک یانه
ضربه قطعیه اوریله یلوردی ! شوراسنی ده سویله مه دن کیمه لم که
بو محاربه لرده اصول حربیه موافق امرلرده و یریله یوردی . امرلری
و یره جک قوماندان وارکان حربیه یوق ، امرلری اکلا یوب یاپه جق
معیت قوماندانلری یوق ، بوسبدن برکور دو کوشیدر کیتدی !
عین زمانده بویله بیوک برجه ایله یاپه جق میدان محاربه
لرنده مطلق باش قوماندان ایله معیت قوماندانلرینک بولندقلری
قرارگاهار حتی ایاری خطرله قدر تلغراف و تلفونله مربوط اولمی
مجبوریدر . عکسی حالده هیچ بروقتنه میدان محاربه لری مقصده
موافق اوله رق اداره ایدیله مز . او وقت بزم اردوده وسائط
فنیه زده ده ! بوسبدن تلغراف ، تلفون ، تلسر تلغراف و اشارات
رصدیه قطعاتنک کافی مقدارده تشکیل واکالی پک مهمدر !
بو محاربه لرک نتیجه سنده چاره و یج ضعیف اولدیغی ایچون لوم خطنی
ترك ایده رک کری یه چکیلدی . فقط عثمانلیر موسمک فنا لشمه سندن

طولای تعقیب ایده مدیلر . او حالده بتون اردو ایله یاپیلان تعرضدن
نه چیقدی ! ایشته فرصت بولنمشدی و دشمنی ضعیف یا قالادق ،
او حالده نیچون چکیلمه سنه مساعده ایتدک ؟ مقصد نه در ؟ اوت
ذاتاً مقصدی اردوده کیم بیلور ، کیم تعقیب ایدیور ! مقصد
محاربه ایتدک ! ایشته هپسی اوقدر ! بو ائشاده دشمن پلونه ده کی
حاضر لقلرینه کرمی تام و یریور و پلونه ده او چنجی بر تعرض ایتدک
اوزره بولنیور . شبهه سز بو ائشاده روسلارک چاره و یج قوتی تقویه
ایتمه سی پک مشکل ؛ دقیقه فوت ایتمه دن بوفرصتدن استفاده ایتدک
ایجاب ایدیوردی . فقط بوتعقیباتک اجرا ایدیله مامسنه ، بروجه
بالا عرض اولنان اسبابدن ماعدا ، ایکی مهم سبب دها موجوددر :
برکره بزم قطعات فنیه مز یوق ، هایدی دشمنی تعقیب ایدلم اوکمزده
تصادف ایده جکمز نهر و دره لری نصل کچه جکز بالفرض دشمن
اردوسی یانتره نهری کریسنه قدر چکیلسون او حالده دشمن قار-
شیسنده یانتره نهری اوزرینه کوپر یلر قوروب آتیش آلتنده تعرضه
کچمک ایجاب ایدیور ! هانکی کوپر یجی مالز مه سیله ! هایدی
یانتره قدر کیده لم ده اوراده دشمنک فارشیسنده توقف ایدلم .
فقط اورایه قدر کیتدک ده پک قولای دکل اردونک قلاع اربعه دن
علی الخصوص وارنه شمندوفر خطندن اوزا قلاشدینی نسبتده فضله
مقدار نقلیه حیوانات و ارا به لرینه احتیاجی واردر . اردونک
کریسندن ارزاق و جیخانه سی دائماً منتظم صورتده اکیال
اولنمزه اردو یورویه مز . و حقیقتاً منتظمدن کچدک غیر منتظم

بيله كافي ثقلیه من موجود دكل ایدی . درمه چاته مانده عربله ریه
جیخانه و ارزاقی جلب ایدن بر اردونك حرکات تجاوزیه سی ده
مانده سرعتنده اولور .

بواسبابدن طولانی سردار ممكن الاجرا اولانی یادی . فقط
كرك قوماندان وركك ثقلیه وركك وسائط فیه جهندن اولان
یوقلق سردارك تشبثاتی عقیم براقدی ، بواشاده روسلر یانتراه
چكیلنكیری حالد سلیمان پاشا ینه بالقانلرك شماله چیقوب توحید
حرکاتده تعند ایتدی ..

نهایت بویوقمزلق ایچنده ۱۵ ایلوده بیهلا استقامتمنده حرکات
تجاوزیه تکرار مباشرت اولندی . فقط ایش ایشدن کچدن
صکره . بواشاده ایسه ۳ کون اول پلونهده ۱۰۰ بیك موجودنده
قوجه روس اردوسی دهشتلی هزیمته دوچار اولهرق رجعت ایتش
بولنیوردی . وضعیت سوق الحیشیه غایت انی ایدی . قوماندانك
پلانیده کوزل فقط وسائط اجرائیه ! یالکز کوزل تصورلر نتیجه
ویرمدی . بومحاربیه اوزون اوزادییه تدقیق ایتمکه حاجت یوقدر .
لوم خطنده کی محاربهرده ارتکاب ایدیلن عین خطالر بورادهده
شبهه سز ارتکاب ایدلدی . چونکه بوخطالر اولیه حربده وقوعه
كان خطالردن دکلدی . صلحده حاضرلانیان قوماندانلر ووسائط
فنیه نك مفقودیتی دائماً بر مقصد سوق الحیشیه تأمین ایده جك
صورتمده میدان محاربدرینك اجراسنی متمتع قیلار . خلاصه محمدعلی
پاشا لوم اوزرنده و بیهلایه طوغری اجرا ایتدیکی حرکات سوق-

الحیشیه ایله وظیفه سنی ایفا ایتش صایاور . موفقیت قازانامه سنك
اسباب اساسیه سی ایسه بوحربده اردونك حاضرلانیامش اولمسندن
بشقه برشیته حمل ایدیله من .

سلیمان پاشا سردار تعیین اولندقدن ایکی آی صکره ، روسلر
پلونه یی صوك درجه صیقیشدیردقلری برزمانده ، بالقانلرك ایتکیری
خذاسنجه آله نایه قارشى اجرا ایتدیکی تعرض پك موافق ایدی .
تعرضندهده موفق اولدی . فقط مقصد بر موقعی آله کچیرمك اولمیوب
عثمانی اردولرینك وضعیت عمومیه سنده فائدهلی بر تبدلك حصولی
مطلوب بولندیغندن طرنوه استقامتمنده شدتله تعرضه دوام ایتسی
ایجاب ایدردی . بو طرزده حرکت ایتسه ایدی پلونهدهده بالواسطه
معاونت ایتش اوله جق و بلكه دشمنك پلونه اردوسی سلیمان پاشا
اردوسی توقیف ایتك ایچون پلونه قوتنك بر قسمنی سلیمان پاشایه
قارشى سوجه محبور اوله جقدی ؛ طرنویه طوغری قازانلش بر موفقیتی
دوام ایتدیره جك یرده کندی صاغ جناحیه زیشتووی استقامتمنده
یارمغه چالیشمهی فکر سوق الحیشیه مالک اولمديغنه دلالت ایدر .
بوحركتیده طبیعی شقه یی بیهوده یره زورلامه سنبکزر . قولای
و موفقیتملی بر حرکت وارکن غیر ممکنه تشبثدن نه چیقار .

*
*
پلونه اطرافنده کی حرکات : عثمان پاشا ۳۰ توز غالبیتندن
صکره پلونهده قاهره تحکیماته دوام ایتدی و ویدین و صوفیهده
براقش اولدینی قوتلریده ، هنوز وید نهرینك صول ساحلی

روسار طرفدن طوتولماش بولمەسندن استفادە ایدەرك، جلب ایتدی . اغستوس نهایتە طوغرى قوتى ۴۰۰۰۰۰ ە قدر چىقىدى ، پلونه يى غير قابل تعرض بر مستحکم اردوگاه حاله قويدى . الك مهم اولق اوزره درت غروب موجود ايدى : شمال جبههده بوقووا ؛ شرقده غريويچا ، جنوب شرقیده راديشه وو ، جنوب غربيده قريشين . بونلردن ماعدا موضعاك اطرافنده بولنان حاكم نقاط همان كاملاً طاييه لره محاط ايدى .

روسلر طرفنده ایسه بوتاریخده پلونه اوکنده بولسان روس رومانیا متفق اردوسی ۱۰۰۰۰۰۰ محارب ۵۰۰ طوب قوتنده ایدی ؛ بومتفق اردوسنك اسماً قوماندانی رومانیا پرئی شارل اولوب روس جنرالی زوتوف بونك ارکان حرب رئیس ایدی . متفقین انجق وید نهرینك صاغ جهتی غایت قوتلی صورتده اشغال ایتشاردی . رومانیا اردوسی وید نهرینك صول طرفنده وید ایله اسقر آردسندنه بولمغه موافقت ایتدی .

عثمانيلارڭ بىر مقابل تعرضنه قارشى دها امين بولننه بيلماڭ
ايچون متفقين قطعاتنڭ بولندقلرى مواضى تحكيم ايتمهلى امر
ايدلى ، لکن روس قطعاتنده همان هيىچ قازمه ، كورهڭ بولننه
ديغندن ممكن اولهمدى .

قیش موسمی تقرب اییدیوردی . بوسبیدن روس ارکان
حریه سی حرکات قطعیه به باشلامغه قرار و یردی . بونک اوزرینه
شمال ، شرق و غریده بولنان قول اردولری بلونه دهها زیاده

ياقلاشديره رق خط احاطه يني كوچلتديلار . عثمان پاشا بونلرك
حر كاتني كورمه سي اوزرينه ۳۸ اغستوسده پليشات اوزرندن بيوك
برخروج اجراسنه تشبث ايتدى ، فقط بوخروج حر كتنده موفق
اوله ميه رق بيوك تلفات ايله تكرر پلونه يه آيتلدى . ۳۰۳ ايلولده
روسلر لوفچه يني ضبط ايدى ، قلاع اربعه ايله چوقدن ارتباطدن
محروم اولان عثمان پاشانك بونك اوزرينه بالقانلرده ارتباطي قطع
اولدى .

ارتق روسار پلونه يه هجوم ايچون زمانك كلديكنه قانع اولديار .
چار وغران دوق نيقولا غرب (پلونه) اردوسنه كلديار . بر چوق
ترتيبات اتخاذا اولندي . هجوم قطبي ايلولك ۱۱ نده اولمق اوزره
قرارلاشديرلدي . بوكون چارك اسم كوني ايدي . فقط بو هجومي پك
چوق زمان اول حاضرلامق مناسب كورلدي ؛ آيك ۶ نجى كونندن
اعتباراً هجوم قوللري يورويشه باشلانديرلدي ، رومانيا ليلر صاغده ،
۴ نجى و ۹ نجى قول اردولر مركززده ، سقوبلف و ايمره تنسكينك
مختلط قوللاري ده صولده حركت ايديورلردى . هجوم قطعينك
صولدن يشيل طاغ (پلونه نك جنوب غربى منطقه سى) اوزرينه
توجيه ايدلمه سى ايجاب ايديورلدي . و طوپچي ده آيك ۷ سندن
۱۰ ننه قلدر بتون جبهه ده هجومي حاضرلايه جقدى . روس عسكرينك
هربرينه ۲ كيلو پيشمش ات ايله ۴ كيلو پكسمات و برلدي .

اوچنچي پلونه محاربه سي : روس طوپچيسي بتون رومانيا
 وروس قطعاتك جيپه سنده آيك ۷ سندن ۱۱ نه قدر شدتلي صورته

آتش ایتدی ، عثمانلی طوپچیلاری ایسه بواشاده جیخانلارینی اداره ایله قوللانهرق روسارک ۱۰ آتینه قارشى ۱ آتیه جواب ویریور لردى ؛ فقط روسارک طوپچی آتشی عثمانلیره هیچ تأثیر و ضرر ایراث ایتموردی ، چونکه عثمانلی طوپچیلارینک منزلی ده اوزون اولماق بربار عثمانلار طوپلارینی کوچک کوچک غروبلا حاننده طابیهلر آره سنده کی بوشلقاره ماهرانه اوله رق یرلشدیرمشاردی . بوسیدن روسارک عثمانلی طوپچیلارینه قارشى اجرا ایتدکلى آتش طابیهلرده کی پیاده یه ضرر ویرموردی . و کوچک غروبلا حاننده بولنان عثمانلی طوپچیلاری پک زیاده حرکت قابلیتنده مالک ایدی . عین زمانده روسارک طابیهلره و طوپراق سپرله قارشى یابدقلى آتشده هیچ تأثیر ایتموردی ، روس پیاده سی کندی طوپچیلارینک کریسنده بولندیرلینی حالده عثمانلی پیاده لری بو طوپچی محاربه سی اثناسنده هنوز تهلیکه موجود اولمديغندن ، طابیهلرک کریسنده و اوزاقده دشمنک انداخت منزلی خارجنده بولنیورلردی . انجق طابیهلرده ترصد وظیفه سی کورمک اوزره ضعیف قوتده پیاده لر سپرلر ایچنده بولنیورلردی که بولنده روس طوپچیلاری تأثیر یاپموردی . نتیجه شودرت کونلک طوپچی محاربه سنده روس طوپچیلاری عثمانلی پیاده سنه و مدافعه مواضعنه هیچ برشی یاپمیدیلر .

بو طوپچی محاربه سی اثناسنده روس و رومانیا پیاده لری بر قاق ایلری موضع صیبت ایتدیلر ؛ فقط بو حرکات منفرد و اتحاد سز بر طاق محاربه لردن عبارت ایدی و بتون جهده دوام ایدیوردی .

بونلر بر موضعی صیبت ایدنجه هان ، حتی عثمانلیرک آتشی آلتنده بیله ، عثمانلیرى تقلید آسپرلر قازهرق یرلشمکه چالیشیورلری ؛ ایشته بواشاده قازمه کوره کک بولنامسنگ فناقلاری حس ایدیورلردی . حتی صول جناحده روس پیاده لری ، قازمه کوره کلری بولمديغندن ایلریده کی ستره یه وارده بیلیمک ایچون دوز و آچیق اراضیده عثمانلیرک یالایچی آتشاری آلتنده بعضاً بر کیلو مترولق مسافه لری قطعه مجبور اولیورلردی . بوکی حالنده عثمانلیرک آتشنه معروض قالان خطرک دهشتلی تلفات ویره رک بربرینه قاریشوب آز زمان ایچنده قازمه قاریش بر حال آلدقلى و بونک اوزرینه آوجی خطرینک ایلریله میه جک برحاله کلدیکی و حالبوکه احتیاطارده آوجیاره قاریشمش بولمديغندن آوجیلری تقویه ایدره ک ایلری سورمک ایچون احتیاط بولنه میهرق روسارک غایت بحرانی حالده دوچار اولدقلى چوق کورلمشدر .

روسارک اجرا ایتدکلى بومباردمانک تأثیر ایتامش اولمسندن طولانی عمومی تعرض ایلولک ۱۲ سنه تعلیق اولندی . روس - رومانیا اردوسنده اتحاد حرکت و تعرضده بر مقصد مشترک تعقیبی پک نقصان برحاله جریان ایدیوردی . صول جناح تعرض قطعی ی اجرا ایدره ک ایکن بومرکز و صاغ جناحه نسبتله ده کوشه ک تعرض ایدیوردی ، حتی روس ارکان حربیه سی بیله یشیل طاغک اهمیتنی تقدیر ایدمدی . اونلر بالعکس غریوچا مستحکم غروبسه اهمیت ویریورلر و بوغروبوی « موضع کلدی » عد ایدیورلردی .

حالبوکه یشیل طاغ ، موضعك سوق الحیش و تعبیه جه کایدی و بناءً علیه روسلر ایچون هجوم قطعی نقطه سی اوله جقدی . بوندن بشقه روس - رومانیا اردوسنده بر جوق غیر مسئول و یا مستقل باش قوماندانلر حکم سوریوردی . چار ، غران دوق نیقولا ، پرنس شارل ، ارکان حریبه رئیس زوتوف ، بونلرک هپسی طوغریدن طوغری به امرلر ویریورلردی ، بونلردن ماعدن جناح و مرکز قوماندانلری و مثلاً رومانیا حریبه نظری چرنات ، روس جنراللرندن ایمره تینسکی و سقوبلف مدت مدیده استقلالیت مطلقه و حرکات منفردله رینه دوام ایتدیلر . روسلرک هجوم قوللرینک اکثریسی غیر متجانس اجزادن ترکیب ایدلش و بونلرک باشنه قطعاته یابانچی آمرلر تعیین اولمش ایدی . مختلف هجوم قوللری ارسنده کی ارتباط و اتحاد ایی ترتیب ایدیه مشدی ، بوابط مخابره پوستهلری و محرراتلغرافی واسطه سیله یاپیه جق یرده غیر متبدل و تفصیلاتی بر پروغرامله تأمین ایدیه بیله جک ظن ایدلدی ، حالبوکه قطعاً تک یاپه جنی حرکاتک تفصیلاتیه امر ایدلمه سی هیچ بروقتده غیر مأمول احواله قارشى اتحاد حرکتی تأمین ایده میه جکی بدیهی ایدی ، بو پروغرام جله سندن اولمق اوزره بتون جبهه اوزرنده تموزک ۱۲ نجی کونی صباحلین شفق سوکدکن صکره ساعت ۸ ده تعرضه کیلمه سی امر اولنمشدی . روسلرک بو ۱۲ تموزده یاپدقاری حرکاتی و بونک نتیجه سنی اجمالاً عرض ایدلم :

روسلرک صاغ جناحنده رومانیا لیلر غریو یوچانک شمالنده بیوک

برردوتی ضبط ایتدیلر ، آنجق روسلرک معاونتی سایه سنده بونی محافظه ایده ییلدیلر .

مرکزده بتون تعرضلر عدم موفقیتله نتیجه لندی ، چونکه ایکنجی پلونه محاربه سنده کی خطا لر بوراده کاملاً تکرر ایتدی . و بوراده روسلرکندی لری ایچون تعیین ایدلش اولان هجوم آنندن اول هجومه قالمش ایدیلر ، بوسبدن ده صول جناح هجومه قالمزدن اول بونلر رجته باشلادیلر . عثمانیلر بونک اوزرینه بونلره قارشى اولان قوتلرینی همان روسلرک صول جناحنه قارشى استعمال ایده رک کندی صاغ جناحلرینی تقویه ایله سقوبلفک یانی آلدیلر .

روسلرک صول جناحی کمال مشکلاته قریشین تهله رینه دوغری وادیلری و تهله ری کهرک ایلرله دی . صباحلین ساعت ۸ ده بتون پیاده سیله صیق و ملاصق بر آوجی زنجیری تشکیل ایده رک قریشین استحکاملرینه هجومه قالدی . ایکی طاییه یی بر برینی متعاقب ضبط ایتدی . فقط بو آنده ، روسلرک مرکزینک رجعتندن طولانی سربست قالمش اولان عثمانلی قطعاتی سقوبلفک صاغ یاننه یتشدیلر ؛ عثمانیلر روسلرک صول جناحنه قارشى بر مقابل تعرضه کجیورلردی ، بونک اوزرینه روس جنرالی تعرضی توقیف ایتدی ، صوک احتیاطلرینی کریدن جلب ایده رک بتون کیجه ضبط ایتش اولدینی ایکی طاییه ده قالدی .

۱۳ تموز صباحی صول جناحده محاربه تکرار باشلارکن

سقبولف محاربه يي قطع ايدوب بوغوت استقامتنده رجعت ايتك
امريني آلدی . روسار بورجعت حرکتی یواش و منتظم بر حالده
قدمه قدمه اجرا ایتدیله . عثمانلیرلر چوق یورغون بولنده لرندن
ویاده لرك جیخانه سی ده آزالمش اولدیغندن مغلوب دشمنی تعقیب
ایتدیله .

بو محاربه روس - رومانیا لیرلر ایچون پك بیوك بر مغلوبیتیه
نتیجه لندى . روس - رومانیا لیرلرلر بو محاربه ده ۲۲۰۰۰۰ کتیی
تلف و مجروح اولمش ایدی ، عثمانلیرلرک شهید و مجروحی ایسه انجق
۴۰۰۰ ایدی . سقبولفک پیاده سی ۱۰۰ ده ۴۰ ضایعات ویرمش
ایدی .

تقدیسات : ایکنجی پلونه محاربه سی متعاقب عثمان پاشا نك
هممه حال روساری تعقیب ایتسی ویا بالقاناره یاخود طرنوه استقا-
متنبه حرکت ایتسی ایجاب ایدر ایدی . بونلری یامدینى تقدیرده
دوشونمه لی ایدی که روسلر هر حالده ده بیوك قوتلرله پلونه یی احاطه
ایدوب یا آچلقله ویا هجوم ايله هر حالده ضبط ایده بیلیرلر .
بیپوده یه مغلوب اولق و قولایجه احاطه اولنه رق آچلق تأثیریه
روسارلر ترك سلاح ایتمکدن ایسه هممه حال پلونه یی ترك ايله هیچ
اولمزسه وید نه رینك صول طرفنه کچوب روسارک قولایجه احاطه
وهجومندن کندینى قورتارمه لی ایدی . بو حالده روسار عثمان پاشا
قول اردوسی قارشیسندنه ویدی کچمکه مجبور اوله جقلر ایدی که
کچن روس قوتلری اوزرینه تعرضی حرکت ممکن اولور ویا بوممكن

اولمزسه غریبه طوغری چکیله بیلور ایدی . پلونه ده قالمق انجق شرقه
طوغری بر تعرض ایده بیلمک ایچون فائده لیدر . حالبوکه عثمان پاشا
بوفکر تعرضی ذهندن چیقاردقن صکره بوراده قالمق بیپوده یه
روسارک فائق قوتلرینه قارشى مغلوب اولمى ایسته مکدن بشقه بر شی
دکلدر .

روسارلر کلنجه ، برنجی وایکنجی پلونه محارباتنده مغلوب
اولان روسلر ارتق پلونه یه قارشى هجوملر یاپه رق عسکری تلف
ایتمک بیپوده اولدیغنى تقدیر ایتمه لی ایدیلر . پلونه ده کی عثمانی قوتی
یرنده ثابت قالدقجه روسلر ایچون هیچ برته لکه تشکیل ایتمز .
وده شتلی تلفات ویرمه که دکر ایدی . خصوصیه پلونه نك خطوط
مواصله سی قطع اولنوب موقعك خارجله ارتباطی کسیندجه
هر حالده پلونه محافظینك تسلیمه مجبور اوله جقلرینى روسلر تقدیر
ایتمه لی ایدیلر . چونکه پلونه وقت حضرده حاضرلانش بر قلعه
اولمديغندن اوله آیلرجه عسکری اعاشه ایده جك ده پورله مالک
بولتمه جنی طبیعی ایدی . بوسبدن روسارک وید نه رینك صول
ساحلنى اشغال ایتامش اولملری بیوك خطا وهجومه قالمه لر ایسه
دها بیوك خطادر .

اوجنچى پلونه محاربه سی اووقته قدر موجود قواعد محاربه یی
تبدیل ایده جك تجارب ايله مالیدر . فقط کوزمزك اوکسند
جریان ایدن بوتجاربندن بزا استفاده ایتهدک ، حتی اوروپا لیرلر ده بو
تجاربى حقیله تقدیر ایده مدیلر و انجق روس - وژاپون حربنده بو

تجاربك تكرر اوزرينه تعليمنامه لره ادخاله مجبور اولديلار . بزده بوسنه المان تعليمنامه سندن اشبو تجاربي آلمغه مجبور اولدق، باشلوجه تجارب بوجه آتيدر :

(۱) روسلرك فائق قوتلرله اوچ دفعه پلونه به تعرضلرنده موفق اوله مەملەرينه وصوله هجومده ۴۰۰۰۰۰ روسك محاربه دن خارج اوله مەسنه نظراً وحتى پلونه تحكيماتك ايلريسنده تل اوركو موافقي بولنامه سي نظردفته آلنديني واووقتك سلاحلري بوكونكي سلاحلره نظراً يك آشاني بولنديني حالده شبهه سز بز مهم برتجربه استحصال ايله بيلوردك ، اوده « محاربه استحكاماتنه مخصوص وسائلك كافه سيله تقويه وتحكيم وقوه كافيه ايله مدافعه ايديلن بر موضعه كوندوزين تعرض غير ممكندر . بوكي مواضعه قارشى انجق ظلمت ليلدن استفاده اولنهرق تعرض ايديله بيلور » پياده تعليمنامه سنك ۳۷۵ نجى ماده سي .

(۲) اوچنجى پلونه محاربه سنده روسلرك طوپچيلرى بزه نظراً يك فائق اولدقلى و ۴ كون آتش ايتدكلى و عثمانلى طوپچيلرى بوندرك ۱۰ مرميسنه قارشى ۱ مرمى ايله جواب ويردكلى حالده روسلر طوپچى آتشيله هجومى حاضرلايه مديلر . طوپچى آتشي ائشاننده پياده ده ايلريله تسليمه ديكي تقديرده دشمن پياده سي سپرلرايچنده ايجه كنديني ستر ايله بيله جكندن طوپچى هجومى حاضرلايه مز . بوسيدن پياده نك تعرضه كچمه سنى طوپچى دوئلوسنده موفق اولمغه تعليق ايتك خصوصنك غير موافق اولديني بوتجربه ايله ميدانه چيقيوردى . بوتجربه ني ده عين وجهله بوسنه المان تعليمنامه سندن

آلدق : « هر نه قدر اولجه دشمن طوپچيسنه قارشى آتشجه بر تفوق استحصالنه سعى ايدمك لازم ايسه ده پياده تعرضنك اجراسى بو خصوصه تابع طوتوله مديدر . بويابده وضعيت عموميه ايجاباتنه كوره حركت اولنور . » پياده تعليمنامه سي ماده ۳۷۴

(۳) مدافعين اوستى قبلى ويا درين سپرلرايچنده بولندقجه اوزون صحرا طوپلرينك تاثير ايدمه جكنى و مطلق بوكي مواضعه قارشى آغر بوس طوپلرينك قوللانيلمه سنك ضرورى اولديني : « تعرض بطريهرلى ايلرى قطعانك حايه سي تحتنده اولهرق ممكن مرتبه كوندوزدن طوپچى محاربه سنده باشلارلر . بو محاربه ده آغر طوپچى بالخاصه مؤثر در . الخ » ماده ۳۷۷

(۴) بوكي مواضعه قارشى تعرضه كوندوزن دوز اراضيده صيق آوجى خطلى و كريسند يناشيق نظامده استناد واحتياطلرله ايلريله مەنك غير ممكن اولديني وبهمه حال بوكي مواضعه قارشى اولجه غايت اينى كشف نتيجه سنده احاطه تعرضى ياييلمه سي . شمدىكي تعليمنامه نك بر جوق موادى بونى نظر اهميته آليور .

(۵) تعرض ايدن طرفده دخى قازمه كوره ك استعملانك اهميتى : تعليمنامه ماده ۳۱۳ ، ۳۳۹ ، ۳۸۰ .

بر وجه بالا عرض اولنان تجارب مهمه كوزومزك اوكنده جريان ايتديكى حالده ، انجق بوسنه المان تعليمنامه لرندين ترجمه ايدرك اردويه قبول ايتدك و تعليمنامه لريزه درج ايتمش اولمه مزه رغماً قطعاً تزي حالا قازمه كوره ك و قوم طور باسيله تجهيز ايتدك !

۳ نجی دور

۱۵ ایلولدن — ۱۰ کانون اوله قدر : پلونه نك احاطه سی

پلونه نك احاطه سی : روسلر عثمان پاشای قوت و شدتله مغلوب ایده مینجه ده یواش و فقط ده امین بر واسطه یه تشبث ایتدیلر . پلونه یی آچلقله تسلیم اولغه اجبار ایتک ایچون موقعی کاملاً احاطه یه قرار ویردیلر . قابل استعمال نه قدر روس ورومانیا قوتی وار ایسه هپسینی پلونه اطرافنه جلب ایتدیلر . غورقو قومانداسنده برترصد اردوسنی ده وید نهرینک صول طرفنه کچیره رک بوکاده بالخاصه ، پلونه نك صوفیه و ویدین ایله مواصله سنی قطع ایتک وظیفه سنی ویردیلر . عثمان پاشا بو طرفدن تشرین اول اواسطنه قدر ارزاق و جیخانه سنی و ۳۰ طاہور قدر تقویه قطعاتی جلب ایتمش و ایتکده بولمشدی . بویوک مقیاسده احاطه ترتیبانک اکللی ایکی آی سوردی . انجق تشرین اول نهایتده غورقونک دوبنک وتلیچده (پلونه نك غربنده) بولنان عثمانلی ایلری مفرزله رینی مغلوب ایدوب پلونه یه طرد ایتمه سی اوزرینه موقع مستحکمک احاطه سی اکل ایلدی . ارتق پلونه نك ثبات ومدافعه یه دوامی شبهه سر ارزاق و جیخانه بیتنجه یه قدر دوام ایده بیلوردی . عثمان پاشا ثباته دوام ایدیوردی ، حالا امداد کلمه سی احتمالی نظر دفته آلیور.

دی ، فقط مع التأسف ارزاق بیتدکجه قوتی ده بیتمکده ایدی . بواشاده ۱۲۰۰۰۰۰ بیک محارب و ۵۰۰۰ طوب قوتنده بولنان محاصرین هر کون خط محاصره یی طارلاشدر مقده ایدیلر . سقوبلف تشرین ثانیده یشیل طانغی ضبط ایتدی . کانون اول ابتداسنده عثمان پاشانک ارزاقی کاملاً بتمش ایدی . بواشاده سلیمان پاشانک مغلوبیتنی ده خبر آلدی ، بونک اوزرینه صوکنجی اولق اوزره بردها وسع واقتدارینی صرف ایده رک احاطه خطی یاروب پلونه دن چیمغه قرار ویردی .

کانون اولک ۹-۱۰ نجی کیجه سی عثمان پاشا ویدین یولی استقامتنده شدتلی بر خروج ایچون حاضرلاندی . ۱۰ کانون اول صباحی ایرکندن محاربه ایده بیله جک قطعاتیله صوگ درجه شدتله محاصرینک اوزرینه آیلدی . ابتداده روس خطی یاریلدی . فقط عثمان پاشانک اردوسنک کریدن کلن یارملی ، پلونه اهاالیسی ، آخر اقلر و سائرده دن عبارت اولان ایکنجی نصفی بکله مک خصوصنده خطا ایتمه سندن طولانی روسلر قوای فائقه ایله یتشه رک عثمان پاشا اردوسنی هر طرفدن صاردیلر و عثمان پاشا بواشاده مجروح اولدی ، کوچک عثمانلی اردوسنی هر طرفدن ایدیلن شدتلی آتشر آلتنده محو ایدیلدی و متباقی قالان قسمی ترک سلاحه مجبور اولدی . بونک اوزرینه ۴۰۰۰۰۰ پلونه قهرمانی ایله ۸۰ طوب روسلرک الله تسلیم اولدی و او کون روسلر پلونه استحکاماتیله پلونه قصبه سنه کیردیلر .

تقیدات : بو پلونه محاربه لری عثمانلی عسکرینک نه درجه جسور و متحمل اولدیغنی اراهیه کافیدر . اوت عثمان پاشا کی بر

قوماندانك و معيت قوماندانلارنيك اداره سنده اولورسه بزم عسكر بمزك يالكلز مدافعه ده دكل تعرضده ده خارقه لر ابراز ايدى چكى ميدانده در. عثمان پاشانك پلونه ده كي ثباتي، بر قلعه نك مدافعه سنه مأمور اوله جق هر قوماندان، انجق بو ثباتي ايجانبنده مقابل تعرضار و موفقيت حالنده شدتلي تعقيب لره مزج ايتك شرطيله، اك برنجي بر مثالدر. فقط پلونه ده كي بر صحرا تحكيما تيك بو صورتله حدسز حسابسز بر زمان ايچون مدافعه سنه بر مثال اوله مز، چونكه تحكيم ايدلش بر صحرا موضع نك مدافعه سي ايچون نه قدر مدت ثبات ايديله چكى اونك ايفا ايدى چكى وظيفه به تابعدر. لزومندن فضله قالمق بعضاً فنالقه سبب اوله بيلور. عثمان پاشانك ده ۱ نجى، ۲ نجى و ۳ نجى پلونه غالبيتلرندن صكره پلونه ني ترك ايمه سي عين قبيلدندر.

۳. روسلر استانبوله طوغرى يوروشلري

روسلر پلونه ني ضبط ايدنجه ۱ اغتوسدن برى توقفه دوچار اولان حرڪات تجاوزه لرينه تكرر مباشرت ايتديلر. عثمانلي اردوسى اقسامندن روسلره قارشى جدى صورتده ابراز مقاومت ايدن عثمان پاشا قولنك مغلوبيتندن صكره ارتق روسلر نتيجه حربى امين كورو- يورلردى. بوندن صكره روس اردولرى ايلرلر نده بيوك موانعه دوچار اوله دن استانبوله طوغرى يورويه بيله جك بر حالده ايديلر.

روسلر پلونه اردوسنده تشكيلات جديده ياپيلدى، رومانيا ليلر مملكترلرینه عودت ايتديلر. صاغ جناح غورقو اردوسنى تقويه ايتدى؛ بواردو آره پول بالقانلرينه طوغرى يورويشه كچدى. صول جناح چاره ويچي تقويه ايتدى، بوده قلاع اربعه يي محاصره به تخصيص ايدلدى؛ مركزده، باش قوماندان برابر اولدني حالده، طوغريدن طوغرى به بالقانلره يورودى.

موسمك پك شدتلى قيش زمانى و حرڪت ايديلن اراضيك ده پك فنا اوله سنه رغماً، روسلر عثمانلر ك طاغنيق بر حالده بولنان قطعانى تكرر تنسيق و تنظيم ايتارينه زمان بر اقامق ايچون هيچ فاصله و متاركه ياقمى سز ين قيش سفرينه دوامه قرار و يرديلر. روميليه يوروين قوتلرى ۲۰۰۰۰۰۰ مقدارنده ايدى كه بوده اولدجه اهميتلى بر قوت ايدى؛ بو ائشاده صريبه ده دولت عليه نك مغلوبيتندن استفاده ايدى حركت نتيجه سنده كندينه بر حصه تأمين ايتك ايچون، دولت عليه به قارشى اعلان حرب ايدى حرك غورقو ايله توحيد حرڪات ايتك اوزره اردوسنى صوفيه استقامتنده حرڪت ايتدردى.

روسلر روميليه طوغرى حرڪته باشلا نجه سردار سليمان پاشا قلاع اربعه يي تحليه ايتدى، بوراده يالكلز ضعيف محافظيني ترك ايدى حرك اردوسنى مريچ وادي سنه كتيردى و بر طاقم تقويه قطعانى ده صوفيه، شقه وادرنه به طوغرى كوندردى. كانون اول نهايتلر نده غورقو برچوق مزاحم و يورغونلقلره

آره پول كچيدلرني كچهرك ۴ كانون ثائيدہ عثمانيلير طرفندن مدافعه ايدلديكي حالده صوفيه يه كيردى . بواشاده بتون بالقانلر خطى امتدادنجه روسلر بتون كچيدلردن جنوبه طوغرى اينيورلر و عثمانيلير طرفندن مدافعهده اصرار ايدلش برقاج كچيدكده كچن قوللرله ارقه سنى آله رق عثمانيليرك مدافعه سنى نتيجه سز راقبورلردى . روسلرڪ صول جناحى يانبولى اوزرندن اينيوردى . مركز قولى شيقه كچيدنى جنوبدن چويرهرك شيقه نك جنوب مخرجنى ده آلدہ ايتدى ؛ بواشاده غورقو عثمانيليرك صوفيهده بولنان قوتلريني وسليمان پاشانك ايلرى كوندرمش اولدينى قوتلرى كرى طرد ايدهرڪ صوفيه طوغرى يورويوردى . سليمان پاشا قواى كامه سنى فلبه جوارنده جمع ايدهرڪ غورقو اردوسنه قارشى مدافعه يه قرار يوردى . جمع ايتديكي قوتك يكونى ۴۲۰۰۰ ي بوليوردى . روسلر عثمانيليرك ارتق مدافعه ايدهرڪ حالده اولدقلرينى قبول ايتدكلرندن قوتلرينى پك طاغنيق اوله رق بربرندن يوزلرجه كيلو مترو آيبرمش وبالقانلردن طولاني اره لرندہ كى ارتباط ومواصله منقطع اولمش بر حالده ايلريليورلردى . بو وضعيته قارشى سليمان پاشا فلبه نك جنوبنده جبهه سى شماله و خطوط مواصله سى صاغى ايلريسنه وارقه سى روپچوز طاغلرينه كلك اوزره روسلره قارشى مدافعه موضعه كيردى ، بوراده پك فائق روس قوتلرينه قارشى اوچ كون محاربه ايتدى . بواشاده روسلرڪ مركز قولنك بالقانلرى كچهرك وشبقهده ۳۰۰۰۰۰ قوتنده كى عثمانلى قطعاتى تسليم سلاحه مجبور ايتديكي و حرمانلى

وادرنهيه طوغرى ايلريله مكدہ اولدقلرينى اوكرنمىسى اوزرينه ادرنه استقامتندہ كى خط رجعتنى ترك ايدهرڪ صولنده بولنان طاغلره آتيلدى ويولسز اولان روپچوز طاغلرى ايچنده قطعاتى پريشان بر حالده قواله ليانته سوق ايتدى ، بوراده طويلانه بيان قطعاتى واپورلره ارڪاب ايدهرڪ استانبوله كشيردى . غورقو ۱۹ كانون ثائيدہ فلبه يي آلدہ ايتدكن صكره ، ايلريسنده ارتق مقاومت ايدهرڪ هيچ عثمانلى قوتى قالدى . انجى اهميتسز برقاج باشى بوزوق كوكليليرى بولايوردى . بونك اوزرينه همان مريچ واديسنه ايندى . وادرنهيه مواصلت ايدهرڪ ، بورايه كشدندن اول ۲۰ كانون ثائيدہ كمش اولان سقوبلف مركز قولنك پيشداريله برلشدى . بويشدارده ادرنهيه بلا مقاومت كيرمشدى . عثمانيلير مغلوب اولدقدن صكره ارتق برچاره قاليوردى كه اوده استانبولك مدافعه سى ايچون چتالجه خط مستحكمندہ صوك مقاومتى اجرا ايتكدر . فى الحقيقه چتالجه خطى صاغ و صول جناحلى دكزه مستند بولنديغندن بوراده موافق صورتهده مدافعه ايدلديكي حالده روس اردولرينى توقيف ايتك ممكن اوله ييلوردى . بونك ايچون اناطولى اردوسى باش قوماندانى مختار پاشا ، سريعا استانبوله جلب اولنه رق بووظيفه ايله توظيف اولندى . مختار پاشا ، هر طرفدن كمش اولان متفرق قطعات ايله سريعا يكي براردوتشكيلنه چاليشيوردى . فقط روسلرڪ سريعا استانبوله تقربلىر بتون تصوراتى عقيم براقدى .

دها ۱۴ کانو ثانیده حکومت عثمانیه غراندوق نیقولانک قیزانلقده کی قرارگاهنه خارجیہ نظری ایلہ برمشیری عقد و مصالحہ ایچون کوندرمشدی . ۲۶ کانون ثانیده روس قرارگاه عمومیی ادرنیہ کلدیکندن بوراده مذاکرہ دوام اولنیوردی . برطرفندن روسلر ادرنده ۱۳ پیاده فرقه سی و ۱۷ سواری آلائی جمع ایتدیار و استانبوله طوغریده پیشدار و سواریلری ایلرلئتدیار و بونلرک کریسندن ۹ فرقه قوتی ده استانبول استقامتنده سوق ایتدیار .

بواشاده استانبولده ۲۰۰۰۰۰ عسکریمز طوپلامش بولنیوردی و سلیمان پاشانک ۳۵۰۰۰۰ قوتنده عسکری ده بحرآ استانبوله نقل ایدلک ایچون قوالده طوپلانقمده ایدی .

چناق قلعه نك قرهجهتندن مدافعه سنی تأمین ایدن بولایر استحکاماتی ده ایجه حال مدافعه یه وضع ایدلمش و مدافعیی ده ۱۲۰۰۰۰ قدر ابلاغ ایدلمش ایدی .

بواشاده انکلتزه دولتی ، شاید روسیه استانبوله و کلیبولی یه کیرمکه تشبث ایدرسه بوموقعلره عسکر چیقارمجهنی بیان ایتدی . و بشیکه لیاننده انکلز دوئماسی قوای عثمانیه یه معاونته حاضر- لانیوردی .

اوستریاده روسیه یه قارشى معارض بروضعیت آلهرق اردو- سنی سفر بر ایتدی و شرق حدودنده جمعه باشلادی .

شو احوال ایچنده ۳۱ کانون ثانیده ادرنده بر متارکه عقد ایدلدى ، فقط بومتارکه ده ، دولت عثمانیه نك زمان قازانهرق چتالجه

خطنده مدافعه ایچون حاضر لانه سنی منع ایتک اوزره ، چتالجه خطنك همان تخلیه سی ده شرط قونلشدی . متارکه نك مواد سائر سی ده بالاخره ایاستفانوسده امضا ایدیلن مصالحه نامه نك اساسی تشکیل ایدر . روسلرک بومتارکه یی عقد ایتهلری ، اساساً انکلتزه و اوستریا مجارستان حکومتلرینک تهدید آمیز وضعیترندن طولایی اولسه کرکدر . روسلر بوضورتله محاربه سز اولهرق چتالجه اوکنه قدر کلدیار . فقط انکلتزه و اوستریانک تهدیداتی اولسه ایدی مذاکره و متارکه قبول ایتکمزین طوغریجه استانبوله کیره جکلری محقق ایدی !

۱۳ شباطده انکلز دوئماسی چناق قلعه بوغازندن کچه رک استانبوله کلدی . واطلر اوکنده دمیر آتدی . بو حالده روسلر ایچون غیر مساعد ایدی ؛ کیتدکجه احوالک روسلرک علیهنه دوئمه سی محتمل بولندیغندن روسلر سریعاً عثمانیلری صیقیشدیره رق جبرآ مصالحه یی امضالایر مغه قرار ویردیار . بوسبیدن همان انکلز دوئماسنک استانبوله کله سی اوزرینه اونلرده ۱۴ شباطده بیطرف منطقه یی تجاوز ایدرک استانبول سورلرینه طوغری ایلرله دیار . ایشته بوضورتده عثمانیلر ۲۳ شباطده مقری کوی - قواص کوی - علی بك کوی - مصلاق خطنه چکیامش بولنیورلردی . و غران دووقده قرارگاهنی ایاستفانوسه نقل ایتدی ، و ایاستفانوس خطی روسلرک ۲۰۰۰ کشیکل بر قوتیه اشغال اولندی .

روسلرک اوله تکفورطاغی ودها صکره همان چتالجه خطنی

ودھا ایلرینی اشغال ایتارینک سببی ، انکلیزلرک قره‌یه عسکر چیقارمه‌سنه قارشى بوللری منع ایتک ایچون حاضر بولمق و عثمانلیلری سریعا و جبراً معاهده صلیه‌ی قبول ایتدیرمک مقصدینه مبتنی ایدی .
بو ائشاده استانبولده کی عثمانلی اردوسی ۴۰۰۰۰ موجودینه بالغ اولمش بولنیوردی .

نهایت شو احوال ایچنده مارتک ۳ نجی کونی ایاستفانوسده دولت عثمانیه ایله روسیه ارسنده معاهده صلیه امضا اولندی و بو آیک نهایتنه طوغری اسرآنک قسم اعظمی و عثمان پاشاده استانبوله عودت ایتدیلر ، بوزمانده استانبولده کی قوت ۶۵۰۰۰ موجودینه واردی ، روسلرک اردولری هنوز بزم قارشیمزده بولنیوردی و روسلر هیچ بز وقتده بزه امنیت ایده میورلردی و انکلتزه و اوستریا دولتلری ده بو معاهده‌ی قبول ایتیه یورلردی .
رومانیا معاهده نتیجه‌سندن غیر ممنون ایدی .

نهایت ۱۸۷۸ سنه‌سی ۱۳ تموزنده برلینده قطعی بر معاهده امضا ایدیلدی .
معاهده‌نک باشلوجه محتویات اساسیه‌سی بوجه آتیدر :
رومانیا ، صربیه و قره طاغک استقلالیت تامه‌لری ، بلغارستانه ، سلطنت عثمانیه‌یه تابع اولمق اوزره مختاریت اداره بخشی ؛ رومیل شرقیه ، والیسی دولت عثمانیه طرفندن تعیین ایتیلک اوزره امتیاز اعطاسی ؛

صربیه‌یه ، قره طاغه و یونانستانه حدودلری جوارنده اراضی الحاقی ، روسیه‌یه بساریبانی و یره‌جک اولان رومانیایه دوبریجه‌نک

الحاقی روسیه‌یه قارص ، اولئی و باطوم اراضیسنک الحاقی ؛ انکلتزه‌یه خدمتته مقابل قبریسک الحاقی ، بوسنه و هرسک ولایتلرینک اوستریا اشغال عسکرینه کچمسی . (بو اساساً الحاقدر ؛ فقط یونی ستر ایچون اشغال عسکری تعیری قوللانیلمشدر) .

تقیدات : عثمانلیلر حقنده — روسلر پلونه‌ی ضبط ایتدکدن صکره قلاع اربعه اردوسی اهمیتسز عدایده‌رک اردولرینک قسم کلیسیله پک متفرق قوللرله بالقانلری کچمه‌لری ، قلاع اربعه‌ده بولنان سلیمان پاشا اردوسی ایچون بز فرصت تشکیل ایدر ، وارسون روسلر بالقانلردن اینه طورسونلر ، سلیمان پاشا قارشیسنده بولنان روسلره قارشى شدتلی بز تعرضه کچمش اولسه ایدی طبیعتیه روس قوللری کریلرنده وقوعه کلکده بولنان مهم حرکاتک نتیجه‌سنه انتظار ایتدن اشاغی‌یه اینه‌مزلردی ، برکرده سلیمان پاشا غالب کلدیمی روسلر همان سلیمان پاشایه قارشى تکرار کری دونمکه مجبور ایدیلر چونکه سلیمان پاشا اردوسی روسلرک کریلرنده مانوره یاده‌جق و قلاع اربعه‌کی امین بر اس الحراکته استناد ایتمش بولنه‌جقدی .

فقط پاتختک مدافعه‌سی ایچون سلیمان پاشا اردوسی روسلرک قارشیسنه کترمکی موافق بوله‌رق بوجه بالا عرض اولنان حرکتیه اجتسار ایده‌مه‌دی ، روسلرک کریلرنده متفرق بز غروب‌لرینه قارشى تأمین موفقیت ایتکی کوزینه کسیدره‌مین براردو روسلرک قارشیلرینه کچه‌رک نصل ایش کورده‌ییاور !

سليمان پاشا مادامكه روسلر ك قارشيسنه كچمكه قرار ويردى او حالده قطعى بر پلانه نظراً حركت ايتلى ايدى ، اوده مطلق روسلر نتيجه قطعيلى بر ضربه اورمنى تصميم ايتمكدى ، حلبوكه متفرق بر حالده بالقان كچيدلردن كچن روس قوللر نيه قارشى ابتداده قوتى صوفيه يه قدر طاغدى . روسلر بالقان كچيدلردن متفرق صورتده كچه جكلى محقق ايدى . بوده عثمانلىلر ايجون خطوط داخله استعمال ايدى روسلر بر غروبىك اوزرينه آتيلمق خصوصنده پك مهم بر فرصت ايدى .

اكر سليمان پاشا طرنوه - سيملى منطقه سنده اردوسنى جمع ايدوب روسلر صاغ و صول جناح قوللرينك حركاتى توقيف و تأخير ايتك اوزره يانبولى و فلبه يه بر فرقه كوندرمش اولسه ايدى هر حالده روسلر مركز قولى سربستجه اسكى زغره دن ايتركن قواى فائقه ايله بونك اوزرينه تعرض ايدى روسلر مغلوب ايدى بيلور و غالبىتمز حالده روسلر متفرق ايكي پارچه يه آييرلش اولوردى كه بالاخره يانبوليدن اين صول جناح قوللر يانته طوغرى تعرضه كچمكه ده ممكن اولوردى . سليمان پاشانك بو طرزده حركتى حالده اك تهلكه لى مسئله ، روسلر صول جناح قوللر ده اول يانبوليدن اشاغى يه اينه رك سليمان پاشانك خطوط مواصه سى اوزرنده مركز قوليله متحداً حركت ايتميسيدى كه بو حاله نظراً هر حالده يانبوليدن اينه جك قوتك توقيف ايدى سى و او قوت اينزدن اول روسلر مركز قولى اسكى زغره دن اشاغى صارقدينى تقديرده

اونك اوزرينه آتيلمق ايجاب ايدردى . فلبه اوزرندن كان روس قوتنك ايسه ميدان محارب سنه اشتراك ايدى ميه جك وجهه حركاتى تأخير چالشمق مقصدى تأمين ايدى بيلوردى .

سليمان پاشا بوجه بالا طرزده طرنوده تجمع ايتديكى حالده روسلر يانبولى قوللر حركاتى توقيف و تأخير ايديله ميه مكله برابر روسلر مركز قولى ده كچيدلردن اشاغى ايتديكى تقديرده سليمان پاشا ايجون ايكي صورتله حركت ممكن ايدى (۱) هان يانبولى قولى اوزرينه تعرضه كچمك بو ائشاده مركز قوللر قارشى بر قوت ترك ايدى روسلر اونك ميدان محارب سنه اشتراكى منعه چالشمق (۲) ادرن يه طوغرى چكيلوب اوراده انتظار وضعيته كچوب روسلر متفرق اوله رق ادرن يه اينركن هانكى قول ده اول متفرق اوله رق يقلاشورسه اونك اوزرينه تعرضه كچمك و ادرن يه تحكيم ايدى روسلر ايجابنده بوراده مدافعه ايتك .

سليمان پاشا بونلر هيچ برينى يامهدى ، او بتون قوتى فلبه ده جمع ايدى روس قوللرينك سربستجه بالقانلرى كچمه سنه و حتى يانبولى قوللر سربستجه ادرن و حرملى استقامتنده كندى خط رجعتى اوزرينه اينه سنه مساعده ايتدى . اوت سليمان پاشا دوشونملى ايدى كه شايد روسلر ادرن و حرملى يه اينلر سله ارتق خطوط رجعيه دن محروم اوله رق پريشان اوله جقدر ، او حالده خط رجعتى تأمين ايتك شرطيله مانوره يامه لى ايدى . پك خطالى اولمقلا برابر سليمان پاشا فلبه ده مقابله يه قرار

ویردکن صکرده پک فنا حرکت ایتدی . مادامکه فلبه جوارنده
قالیور بوندن مقصد نه اوله ییلور . روسارک صاغ جناح قولى بالقان
کچیدلرندن متفرق صورتده چیقهرق فلبه و تاتار بازارجنى
استقامتنده ایلرولرکن بونلرک بر قسمی اوزرینه تعرض ایدهرک
آیری آیری تپه‌لک دکلې ؟ حقیقتاً بوراده سلیمان پاشا ایچون
پایله‌جق بر حرکت وارسه اوده بو ایدی : روسلرک غورقو قولى
ذاتاً کچیدلردن متفرق صورتده کچمکه ویا حرکاتی بر ایکی
کچیده حصر ایتمکه مجبور ایدی . هر ایکی حالدهده سلیمان پاشا
غورقونک تاتار بازارجنى استقامتنده غریبدن کلن صاغ جناحنه
قارشى بر قوت ترک ایدهرک بونک صول جناحنه شدتلى بر تعرضه
یکمیش اولسه ایدی موفق اولمسه ای احتمالى پک زیاده ایدی .
چونکه تاتار بازارجنى جوارنده دشمن متعدد نهرلری کچمکه
مجبور اولدیغندن کوچک بر قوتله هر وقت توقیف ایدیله ییلور
و کندی خط رجعتی امین اولدینى حالده غورقونک صول جناحنه
تعرض ایده ییلوردی .

حالبوکه سلیمان پاشا بونی‌ده یامه‌دی، فلبه‌نک جنوبنه چکیدلی،
ارقه‌سنی روپچوز طاغیرینه ویره‌رک جبهه شماله طوغری اولق
اوزره بر موضع طوتدی . بو حالده روسلر قولایچه کچیدلردن
چیقیدیلر و متفرق وضعیتلرنی اصلاح ایتدیلر و نهایت مریج نهرینى
کچه‌رک سلیمان پاشانک خط رجعتی استقامتنده و جبهه و صاغ
جناحنه تعرضه کچیدیلر .

هیچ بر وقتده خاطرندن چیقارمه‌مه‌لیدرکه نهر و طاغیر ،
عسکری طاغیده‌رق و هر کچیدک قارشیسندن مدافعه مطلقه‌ی
اختیار ایدهرک ستر ایدیله‌مز . مدافعه مطلقه اختیار ایدیلدیکی
حالده دشمنک دیکر طرفلردن کچن قوللری یانلرده کوزوکنجه
رجعته و ثبات ایدیلدیکی تقدیرده ترک سلاحه مجبور اولنور .
سلیمان پاشاده عین حاله معروض قالدی فلبه‌ده مدافعه مطلقه اثناسنده
روسلرک دیکر قوللرینک ادرنه‌یه ایندیکلرنى خبر آلنجه روپچوز
طاغیرینى طیرمانغه مجبور اولدی ، شقه‌ده ۲۰۰۰۰۰ کشیلک قوتمزک
تسلیم سلاحی‌ده عین سبیدن طولاییدر !


سلیمان پاشا اردوسی‌ده مغلوب ایدیلدکنصکره عثمانیلر ایچون
انجق چتالجه‌نک مدافعه‌سى قالیوردی و او وقت استانبولده
۲۰۰۰۰۰ کشیلک قوت و بول مقدارده طوپ ، جیخانه موجود
ایدی، هر حالده چتالجه خطنک بر تفنک پاتلامه‌دن روساره ترکی
و بو صورتده پایتختی بتون بتون روسلره قارشى آچیق بولندیرمق
قطعیاً عفو اولنور خطالردن دکلدر . خصوصیه بو خط غایت ائی
ایدی و عین زماندهده ده روسلر بالقانلاری اینرکن تحکیمه
باشلامش ایدی . بوندن ماعدا متمادیاً اناطولیدن قوتلر کلکده ایدی
و خصوصیه سلیمان پاشانک متباقى ۳۵۰۰۰۰ قوتنده‌کی اردوسی‌ده
قواله‌دن بحراً جلب ایدیلوردی، اگر چتالجه‌ی مدافعه ایده ایدک
هر حالده ابتداده ۲۰۰۰۰۰ قوته و اون کون صکردهده ۴۰۰۰۰۰
کشیلک بر اردویه مالک بولنیوردقکه بو قوتله تاب و توانی

کشیامش و استانبوله قارشى سوق ایدەجکی قوتی ۱۰۰۰۰۰۰۰ ۰
 تنزل ایتیش روسلره قارشى نتیجهلى بر موفقیت استحصالى اغلب
 احتمال ایدی، خصوصیه بو ائشاده انکلتره دونماسی ده بزم طریقه
 کچدیکندن روسلر مرمره و اطهرلر دکیزی ساحلندهده انکیزلرک
 قرهیه عسکر اخراجارینه قارشى ترصد قوتلری ترکنه مجبور ایدیلر.
 عقد مصالحه ایدیلدکن بر آی صکره ایسه روس قوتلری
 استانبول اوکنده بولنیورلر و فقط اسراده عودت ایتیش
 بولندیقندن استانبولدهکی عثمانلی اردوسی ۷۰۰۰۰۰ ی تجاوز ایتیش
 ایدی. بو ائشاده روسلر رومانیا لیلری دیلکیر ایتدکاری کی
 اوستریاده روسیه نك غالبیتنه حصد ایدهرک روسیه یه قارشى عسکرینی
 سقر بر ایدیوردی که اگر بو ائشاده دولت عثمانیه استانبول اوکندهکی
 روسلره قارشى استانبول جوارنده تحکیم ایتیش اولدینی موضعه
 مدافعه یه و روسلرک ضعیف نقطه لرنده مقابل تعرضلره کچمش
 اولسه ایدی ینه موفقیت احتمالی موجود ایدی و روسلر رومانیا
 و اوستریا یه قارشى قوت بولندیرمغه مجبور اولدقارندن استانبول
 اوکندهکی اردولرینی تقویه ایدمیه جکاردی!

صوک

W-1

مفتاح




بالقاف سيشه جزير سنده


۷۸ - ۱۸۷۷

کتابخانه مجلس شورای اسلامی


مقیاس

کیلومتر ۰ ۱۰ ۲۰ ۳۰ ۴۰ ۵۰ ۶۰ ۷۰ ۸۰ ۹۰ ۱۰۰







این نقشه بر اساس آخرین نقشه کشی است و در سال ۱۳۰۴ خورشیدی تهیه شده است.



کیلومتر ۰ ۱۰ ۲۰ ۳۰ ۴۰ ۵۰ ۶۰ ۷۰ ۸۰ ۹۰ ۱۰۰



کیلومتر ۰ ۱۰ ۲۰ ۳۰ ۴۰ ۵۰ ۶۰ ۷۰ ۸۰ ۹۰ ۱۰۰



دەلىي بەلۋە سىمىنىڭ قەدىمىي

